





2. 13/10 1895. 12/10 1895. 13/10 1895.

3. 20/10 1895. 21/10 1895. 22/10 1895.


1895. 1. 1/11 1895.

ქ ე ა ლ ის პ რ ე მ ი ა

ჩ ვ ე ნ ი ძ ვ ე ლ ი
გეორგები

თბილისი გ. წერეთლისა.

20364



ტფილისი

Типография Григ. Чарквиани. © სტამბა გრიგოლ ჩარკვიანისა.

Дозволено цензурею, 24-го октября 1897 года.



წინასიტყვაობა.



უნეი ძველი გბირები“, ანუ ისტორიული დასურათება საქართველოს კერძთაუვანის-მცემლობის დროისა, პირველათ დაისტამბა 1891 და 1892 წლებში. ამ სტატიებმა თავის დროს გამოიწვიეს საკმაო მიტქმამოტქმა. ზოგიერთ ჩვენ ისტორიის მოყვარულ მწერალთაგანს ამ სტატიების კითხვის დროს ღიმილი ეპარებოდა სახესე. ეს ჩვენი ძველი დროის ისტორიული სურათები ზღაპრათ მიაჩნდათ. არც მე ვყოფ უარს, რომ ბევრს რასმე ამ ჩემ ისტორიულ სურათებში

სლანრული ხასიათი აქვს, რადგან ნამდვილი
 ისტორიული კრიტიკის დარჯჯაში გატარებუ-
 ლი არ არის და ჯერ კიდევ დღეი სანი გა-
 იულის, სანამ ამ ჩვენ ისტორიულ ხანას ბნე-
 ლი ზეწარი გადაესდება და დღის სინათლე-
 ზე გამოჩნდება ის კულტურული ცხოვრება სა-
 ქართველთა ერისა, რომელიც მჭიდროთ იყო
 დაკავშირებული უძველეს ასურეთ-ბაბილონის
 და ეგვიპტის ისტორიულ ცხოვრებასთან; მა-
 გრამ ის, რაც ამ მეცხრამეტე საუკუნის გა-
 სულს აღმოსავლეთის ისტორიის ძველევართა
 თვალწინ დაგვიხატეს, როგორც ძაგალითათ
 ლეონდის, ბოტის, ოპპერტის, სმიტის, რას-
 სამის, შვიგელის, შრადერის არსეოლოგიურ-
 მა გამოკვლევამ ასურეთ-ბაბილონის ისტო-
 რიასე, აგრეთვე რავლინსონის, სარჩეკის, ვინ-
 კლერის და სტორმეიერის სოლისებური ზე-
 წარწერების განხილვამ, ლენორმანის და მან-
 ჰეროს ისტორიულმა დასურათებამ ძველი ასუ-
 რეთ-ბაბილონის კულტურული ცხოვრებისა,

III

საკმაო მასალა მოგვცა, რომ მე უძველესი ჩვენი ისტორიული ეპოქის შესახებ შედარებითი შეთოდის შესძარა და, ამასთანავე, რაც ამ ოც-და-სუთი წლის განმავლობაში ჩვენი ქართული მითების, ზეპირ-გადმოცემების და ლეგენდების შესახებ მასალა შეიკრიბა, ყველა ისინი განმეხილა და ამ საერთო ისტორიულ-მიმოლოკიურ წყაროზე დამეძეარებინა ჩემი ისტორიული სურათების შეთსზვა. თვით ჩვენ მატთანეში საკმაოთ ნათლათ მოთხრობილია ლეგენდარული ბრძოლა ნიძროდისა ჭაოსთან და ქართლოსთან; ნიძროდი, ანუ ასსური, აღმოსავლეთის საისტორიო მეცნიერებაში აღსარებულია, როგორც დამაარსებელი ასურეთის სახელმწიფოსი. მამასადამე მისი თანამედროვე ქართლოსი ეოფილა. ამგვართ ჩვენი ძველის-ძველი ისტორიაც იმავე ეპოქიდან იწყება. ამ გარემოებას საკმაო ნათელს ჭუენს სოლისებური ზეწარწერები, რომელნიც, დიდი ხანი არ არის, რაც ვანის გარე-

მო ადგილებში უნახავთ და რომელთა ენა, ალაროდრიულათ წოდებული, ჰირძმო ქართულ ენათ არის ნაცნობი აღმოსავლეთის მკვლევართა მიერ. აქედან ცხადია, რომ ქართველთა ტომი იმ უძველეს სანაბი ყოფილა ფრიად ძლიერი და გამრავლებული, ჰქერია აზიაში დიდი ალაგი ასლანდელ სპარსეთიდან დაწეებული მთელი ჩრდილოეთის ნაწილი მესოპოტამიისა, ძველი კახადოქია, ანუ აღმოსავლეთის ნაწილი მცირე აზიისა და ჰონტის ქვეყანა სამსუნის ქალაქამდე მთელი კავკასიის ქვეყნებითურთ. ჰირველი ბრძოლის კვალი მოსული ხალხებისა ჩანს თვით ნიმროდის ანუ ასსურის ბრძოლაში ჰაოსთან და ქართლოსთან. ამ დროიდან იწეება განუწევეტელი ოძეი სამსრეთით კერძო მოსული სსვა და სსვა ტომის ხალხებისა ქართველებთან, რომლებიც თანდათან ძლეულან მათგან ხანგრძლივ ისტორიულ კულტურულ მოძრაობაში, გაძოდენილან თავის ჰირვანდელ ადგილ-სამყოფიდან და შეფარებიან კავკასიის

მათგან რესილებს. მიუციალებლათ, როგორც
 უძველესი ხალხი, საქართველო ამ ისტორი-
 ულ მოძრაობაში თან წამოიღებდა თავის სარ-
 წმუნოებას, მითებს, ლეგენდებს, ღმერთებს და
 სწავლიტიკო-სამოქალაქო წეს-წეობილებას.
 იეზეკიელ და დანიელ წინისწარმეტყველების
 მოწმობით ქართველი ტომის ხალხებს ჰქო-
 ნიათ ვაჭრული ურთიერთობა ასურეთთან,
 ებრაელებთან, ფინიკიელებთან და ეგვიპტი-
 ელებთან; ამას ამტკიცებენ როგორც ასუ-
 რეთის სოლისებური ზეწარწერები, აგრეთ-
 ვე ეგვიპტურად. ასლა ეჭვს გარეშება, რომ
 ასურეთის მეფეთა სარეუკინს ანუ სარკონს
 და ასურმენაზალს მთელი სამხედრო ექსპე-
 დიციები გაუძარტავთ ქართველთა მეფე-
 ების წინააღმდეგ მეცხრე და მეშვიდე საუკუ-
 ნოებში ქრისტეს მოსულამდის. შემდეგ როდე-
 საც ეგვიპტე და ასურეთი დასცეს ასამენი-
 დებმა, სწარსეთის დინასტიამ, მსოფლიო ის-
 ტორიიდან ვიციით, რომ საქართველო იმათ

ძეთვრამეტე და მეცხრამეტე სატრანზიებათ ით-
 ვლებოდან; ყოველივე ეს თვალსაჩინოთ გვი-
 სატავს იმ ისტორიულ გარემოებას, რომ
 უძველესი საქართველო მჭიდროთ ეოფილა
 კულტურით დაკავშირებული ასურეთ-ბაბილონ-
 თან და სპარსეთ-ეგვიპტესთან. ზოგი მითები,
 რწმუნებანი, კერძები, წესი კერძთაყვანის-მცემ-
 ლობისა, საზოგადო წესწყობილება ამ ქვეყ-
 ნებში საერთო ეოფილა. ამას თითქმის ზედ-
 მიწევნით ამტკიცებს თვით ჩვენი ძველი მი-
 თოლოგური და ლეგენდარული ნამთები. აფ-
 ხანეთის ღმერთია ანცას, და მის მსახურებს
 ბევრი საერთო აქვთ ასურეთ-ბაბილონის ღმერთ-
 თან, ანაიტთან; ჩვენ კერძს ბოჩოს ასურეთელ
 ბაბლთან და ფინიკიელ მელკარტთან; სჯანურ
 ღმერთას დაღს და ქართულ თინას — საბერ-
 ძნეთის ღმერთასთან დიანასთან; ფშავ-ხევისუ-
 რის და ინგილოს გმირს კოპალეს — ძველ
 ჰელლინურ ღმერთთან, აპოლონთან. ქართველ
 გმირს, ამირანს — ჰრომეთეოსთან, ქართველ

ძველ საკერძო ღმერთს — არმას — სპარსულ ღმერთთან იარმუშდთან და სხვ. ეოველივე ესეები და ძრავალი ქართული ლეგენდები, რომელიც ჩვენ სელთა გვაქვს, ძალიან ებსგავსებიან ელლინურს და ძველ ადმოსავლეთის ზნე-ჩვეულების და ღმერთ-ძსახურების წეს-რიგს. მაშასადამე აქ არაფერი გასაკვირველი არა არის რა, თუ ჩვენ შედარებითი მეთოდის ძალით ჩვენი უძველესი კულტურის ისტორიული სურათები დაუუახლოვეთ იმ დროის ეგვიპტურ და ასურეთ-ბაბილონის კულტურულ სურათებს. ლენორმანისა და მასპეროს გამოკვლევათა შემდეგ ცხადათ ჩნდება, რომ ხასიათი მიცვალებულის ჰატივისცემისა, რაც ეგვიპტეში და ასურეთში ეოფილა, აგრეთვე ქალის გათხოვეის წესი, შელოცვები სატკივრებისა იგივე ეოფილა ჩვენშიაც და დღემდე სელუსლებლათ შენახულა, მაგალითათ იმერეთის ძთის ხალხებში, რაჭა-ლეჩხუმში, სვანეთში, აფხაზეთში და გურია-სამე-

გრელოში. თვით საერო მწერლობას იმ ხანისას, რომელსაც ეწოდება ჩვენი ოქროს საუკუნე, მაგალითათ დავით-აღმაძენებელის და თამარის დროები, ბევრი რამ დაუცავს ჩვენი უძველესი სწავლებების და კულტურის აძებები გადავიკითხოთ „ამირან-დარეჯანიანი“, „ვის-რამიანი“, „ვეფხისტყაოსანი“, „ყარა-მანიანი“ და დავრწმუნდებით, რომ საშუალო საუკუნო რაინდულ ცხოვრების აწერილობასთან ერთათ მარგალიტებივით გამოსჭვერს უძველესი ჩვენი კერძთაუვანის-მცემლობის კულტურის მოძასწავებელი აძებები, რომელთაც გადავუვართ უძველეს ასურეთ-ბაბილონის ეოფა-ცხოვრებაში. ეოფელივე ამით ვისარგებლე და რამდენათაც შემწევდა ჩემი ცოდნა ფანტასიის გამოსატულებასთან ერთათ — დავსატე კულტურული მოძენტი ჩვენი კერძთაუვანის-მცემლობის სანასი.

თუ რომ ამ წვლილით ცოტაც არის გაერთობნი მკითხველი და აღემრება გულში

უკეთესი იმედები მომავლისადმი, ფრიად ბედნიერათ ჩავთვლი ჩემ თავს.

სურათები შესამებით იმ დროისა კადმოდებულა მასწეროს თსულებიდან, სასელათ „ეკვიპტე და ასურეთი“.





ჩვენი ძველი გმირები

I.



აისის დილა იყო. სამეფო პალატნი სამთავროს მახლობლათ გაბრწყინდენ ამომავალი მზის სხივებით. წიწმურის სერებზე დიდებულ მოაქრულ არმაზს ამოღებული მახვილი ეჭირა და ზედალმასის შუქი დაკრთოდა. ის იდგა

მკლავ-გამართული, თითქოს ჰსურს ჩაბნელებულ არაგვის ხეობას დაჰკრას ელვარე მახვილი და გაჰ-

ფანტოს წყეული არიმანის ჯარები მზის შუქის შემწეობით.

— ოჰ, დიდებულო, არმაზ, შენ მოგვივლინე ნათელი, რომ ვიხსნათ თავი სამწუხარო ღამის ტყვეობისაგან, მოგვეც მხიარულება და მოგვაშორე თავიდან ბნელეთის ავი სულები, გამოაბრწყინე ნათელი და გაჰფანტე არიმანის მიერ მოვლენილი ავი სულებიო. — ლოცულობდა ხალხი თავის სახლების შექვითკრულ ბანებზე.

მზეს უკვე მოევლო შეენიერი მტკვრის და არაგვის ქალები, ცისარტყელასავით აებრიალებინა, აენტო დანამული მთა და ბარი.

ეს მაშინ იყო, როდესაც მცხეთა ითვლებოდა პირველ დიდებულ ქალაქათ არამც თუ საქართველოში, მთელ აღმოსავლეთის ქვეყნებშიაც, როცა თფილისი ჯერ კიდევ არავინ იცოდა და ჯერ მისი ხსენებაც არ იყო ქვეყანაზე, როცა დღევანდელი ქალაქის მაგიერათ უდაბური ტყეები იყო სავსე სხვადასხვა ველური ოთხფეხი ცხოველებით და ფრინველებით. ამპარტავანი არწივი შეჰხაროდა ამ საკლავის სიმიდრეს და ბუდეს იკეთებდა იქ, საცა დღეს წმინდა დავითის ეკლესია მერცხლის ბუდესავით არის მიწებებული ფრიალო კლდეზე.

იმ დროს საქართველოს ხალხი ქრისტე-ღმერთის მაგიერათ თაყვანს სცემდა მზეს, მთვარეს და

ვარსკვლავებს, ეშინოდა ღამის სიბნელისა, რადგან ჰფიქრობდა, რომ ღამე იყო ავსულების ღმერთი — სახელათ არიმანი. ქართველებს რწამდათ, რომ რაკი დაღამდებოდა, წყეული არიმანი, ღმერთი ბნელეთისა, ავსებდა კაცის მჭამელ დევებით, კუდიანებით, ჭინკებით, პაწია ალებით და რქიანი ეშმაკებით ქვეყანას, რომ შეეწუხებინა კაცის სული. ამიტომაც მაშინდელ ჩვენ მამა-პაპებს ეშინოდათ ღამის, სიბნელის და თაყვანს სცემდენ სინათლეს, რომელიც გაფანტავდა ბნელ ღამეს და მოასვენებდა ბნელისაგან შეშინებულ ჩვენი მამა-პაპის გონებას. ამ სინათლის წარმომადგენლათ ჩვენ ძველ ქართველებს დაესახათ მზე, მთვარე და ვარსკვლავები. ისინი ეგონათ წმინდა სულები, ნათელი, ხორც-შესხმულები, კაცის სახიანი, ამიტომაც იმათ სურათებს აკეთებდენ სპილოს ძვლისას, ოქრო და ვერცხლისას, შეამკობდენ ძვირფასი თვლებით, როგორც შემკულია დღეს ჩვენი ძველი წმინდა ხატები.

ერთა ამისთანა სურათი სპილოს ძვლითა, ოქროთი და ვერცხლით გაკეთებული, კაცზე უდიდესი და უმაღლესი, იყო ამართული იმ სერზე, საცა დღეს ძველი ეკლესია მოჩანს, არაგვს გაღმა, მცხეთის პირ-და-პირ. ეს ძვირფასი სურათი დადგმული იყო მარმარილოს საფეხურზე, ხელ-გაწვდელი და ხმალ-ამოღებული.

ამ ხატს, ანუ სურათს ჩვენი მამა-პაპები ეძახდნენ სახელათ არმაზს — ნათლის ღმერთსა — და ეგონათ, რომ ის იყო მზის სურათი, რომელსაც თაყვანსა სცემდნენ და მისგან ელოდნენ შემწეობას. მართლაც დილით, როცა პირველი მზის შუქი ამ არმაზის სურათს დაჰკრავდა, იგი ისე გაბრწყინდებოდა, როგორც თვითონ მზე; ხალხიც იმ დროს გამოვიდოდა მცხეთაში თავის სახლის ბანებზე და ევედრებოდა მეტანიით (მუხლ-მოყრით) არმაზ-ღმერთს, რომელსაც დილის სინათლით გაეფანტა სიბნელე და გაერეკა ავი მაცდური სულები.

აი, ეს დრო იყო, როცა ერთ მარმარილოს დარბაზში დიდებულსა და ყველაზე უფრო ლამაზ მცხეთას ქალაქში ბატონის რძალი სანადიროთ აწყობდა თავის ერთათ-ერთ ვაჟს, ქართველების იმედს. ბატონის რძალი დაქვრივებულიყო ალექსანდრე მაკედონელის შემოსევის დროს, როცა მცხეთის ბატონს, დიდ მამასახლისს, სამარას, მთელი საქართველოს ჯარი გამოეყვანა ალექსანდრე მაკედონელის წინააღმდეგ თურმე მაშინ მცხეთის ბატონმა დიდი გმირობა გამოიჩინა, მტერს შეაკვდა და ქართველები იხსნა მონაობისგან. ამისგამო მცხეთის ბატონი ძალიან შეუყვარდათ ქართველებს. იმ დროს ბატონის რძალი ოცი წლის თუ იყო და მისი შვილი, ფარნაოზი, ორი წლის, ჯერ კიდევ ძუძუს წოე-

და. რაკი ქმარი მოუკლეს, ბატონის რძალი გადინიზნა მთიულეთში. მთიულეებმა შეინახეს ქვრივი დედოფალი და პაწია ტახტის მემკვიდრე. ისინი არაფერს ზოგავდნენ მათთვის. მას და დედოფალს ბევრი მტრები აღმოუჩნდნენ თვით მახლობელ ნათესაობაშიაც.

მცხეთის სამეუფო ტახტი და დიდი მამსახლისობა ხელში ჩაიგდო ფარნაოზის ბიძაშვილმა აზომ, რომელმაც პატრიისმოყვარეობის გულისთვის ქვეყნის შტერთან, ალექსანდრე მაკედონელთან, საიდუმლო მოლაპარაკება გამართა: უკეთუ შენ შემეწევი და ჯარს მომახმარ, რომ მცხეთის ბატონის ტახტი მე დამრჩესო, ჩემს ძომხრე ჯარს შენსკენ გადმოვიყვან და მცხეთის ბატონს ვულალატებო.

ალექსანდრე მაკედონელს იამა ამგვარი ერთგულება აზოსი, რომელმაც ჯერ თავის ბიძა, დიდი მცხეთის მამსახლისი და ქართველების ბატონი, გასცა და შემდეგ თავისი ქვეყანაც. დამარცხდა მცხეთის მამსახლისი და თან გადაატანა სიცოცხლეც. მცხეთის ტახტი აზოს დარჩა. ალექსანდრე მაკედონელმა კარგათ იცოდა, რომ ქართველებს არ მოეწონებოდათ ამგვარი მუხანათობა და კიდევ დასჯიდნენ აზოს; ამისთვის იმან მისცა მას მაკედონის ჯარი და უთხრა: ვინც გიწინააღმდეგოს, მოჰკალიო. ბატონის რძალმა ამიტომაც მოარიდა

თავისი ძუძუ-მწოვარი შვილი და გაღიზიზნა მთიულეთში.

მას აქეთ გავიდა თექვსმეტი წელიწადი. ფარნაოზი დავაჟკაცდა, ის იყო ნამდვილი გმირის მოყვანილობისა. მის შვენიერ სახეს და ტანადობას ვინც შეჰხედავდა, ყველას თვალი რჩებოდა ზედ. ქართველებსაც ძლიერ უყარდათ იგი ამ თექვსმეტი წლის განმავლობაში ალექსანდრე მაკედონელის მიერ გამეფებული აზო ძალიან მობეზრდათ ქართველებს იმან თან-და-თან უფრო-და-უფრო დაუწყო შევიწროება ქართველებს. იგი უცხო ქვეყნის ჯარებს გაუსევდა ხოლმე სოფლებს. რომელი დიდებულიც არ მოეწონებოდა, იმას აიკლებდა და გაანადგურებდა. მაკედონელები ჩაესივდნენ ქართველებს სოფლებში. ზოგს ჭირნახულს ართმევდნენ, ზოგს—პირუტყვს, საქონელს, ზოგს თეთრსა, ზოგს ცხვრის ფარებს, ზოგს—ახალგაზდა ქალებს და ზოგს ოჯახსაც გაუუპატიურებდნენ, მამა კაცებს ქუდს მოხდიდნენ და დედა-კაცებს—ლეჩაქს ამ ნაირი უსიცილო ქცევისაგან ქართველები მეტათ აღელდნენ, თვითონ აზოს ეძახდნენ ალექსანდრე მაკედონელის ყურ-მოჭრილ ყმას და ქვეყნის მტერსა. იმათ ყველას გული ფარნაოზისაკენ ჰქონდათ და ფიქრობდნენ, როდის იქნება, რომ ფარნაოზი დავაჟკაცდეს, მოთავეთ გავვიხდეს, რომ უცხო ქვეყნის ჯარები, აზოს მომ-

ხრეები, ესე იგი, აზონაურნი დაფიფრინოთ ჩვენი ქვეყნიდან, თვითონ აზო და მისი ჯარი გავწყვიტოთ და მცხეთის ტახტი ისევ ბატონისშვილს ფარნაოზს დაეუბრუნოთო.

ამ ფიქრში რომ იყვენ ქართველები, აზო, მცხეთის მფლობელი და ქართველების მტარვალი, სულ სხვა ხრიკებს იგონებდა. იმას ფარნაოზისა ძალიან ეშინოდდა; იცოდა, რომ ის ხალხს უყვარდა და მთიულებიც აღმერთებდენ. რაკი დარწმუნდა, რომ ძალით ვერ მოიკიდებდა ხელს, ნებით მიჰყვა: დაუწყო ბატონისრძალს საჩუქრების გაგზავნა მთიულეთში და იპატიჟებდა მცხეთას მისი ქმრის დარბაზში საცხოვრებლათ; სამეუფო ულუფაც გაუჩინა.

დიდი ხანი არ იყო, რომ ბატონისრძალი თავის უფროსი ქალით და ფარნაოზით მობრძანებულიყვენ მცხეთას და დამკვიდრებულიყვენ სამეუფო მამის დარბაზში. პირველათ ისინი ძალიან პატივცემულნი იყვენ მცხეთის ბატონის აზოს მიერ, რომელიც გულში თურმე ფიქრობდა ფარნაოზის მოკვლას და ეძებდა მარჯვე დროს.

ბატონისრძალს ესმოდა ამისთანა ამბები თავის სეფისაგან და გაფრთხილებული იყო, რომ შვილი რაიმე ცუდი არ შემთხვეოდა მაკედონელის ჯარი საგან. ამისთვის ის ხშირათ ჰგზავნიდა ფარნაოზს

სხვა-და-სხვა აღაგს, თუ სანადიროთ, თუ საწვეულოთ, შინ არ აყენებდა.

ერთხელ ფარნაოზმა აიტება დიღმის მხარეზე სანადიროთ წასვლა, რადგან მისსეფეს ექო ეს აღაგები: იქ ველოური ტახები და ირმის ჯოგები არიანო. ბატონის რძალმაც არ დაუშალა და შეავედრა არმაზს მისი თავი. დიღა აღრიანათ ფარნაოზი გამოეწყო აბჯრითა და ჩაჩქნით. ხელში აიღო მამის ნაქონი რკინის შვილდ-ისარი და გაემგზავრა; მონადირე სეფეწულებიც თან იახლა. რამდენიმე დღე დარჩენ სანადიროთ, ჭევრი ნადირი მოჰკლეს. ბოლოს ფარნაოზს წამოუხტა წინ ერთი ხარლადი ირემი, რომელიც მეტათ დიდი და შვენიერი მოყვანილობისა იყო, ზურგზე გადეთინა დიდი ბორჯღლებიანი რქები ოც-და-ოთხი ნაყარი ტოტითა. ფარნაოზი გამოუდგა ირემს ფეხ-და-ფეხ. ირემმა მიაშურა თრიალეთის კლდეებისაკენ. მთელი დღე ჰდია ფარნაოზმა ირემს, მაგრამ მაინც ვერ მიწვდა ისრის სასროლზე. ამასობაში მან დაჰკარგა თავისი სეფე, როჰელთაგან მრავალნი აქეთ-იქით დადიოდენ და დაეძებდენ მეფისწულს; მაგრამ ველარც მისი კვალი ნახეს, ვერც მის წინ წამომხტარა ირემი.

დაღამდა. დაღალული სეფის ჯარი დაბრუნდა მცხეთას დაღონებული. ისინი ხან ფიქრობდენ, რომ მეფის წული ფარნაოზ მცხეთას წავიდოდაო, ხან

იმასაც ფიქრობდენ, ვაი თუ მცხეთას მისული არ დაგვიხვდესო? მაშინ ან ბატონის რძალს რაღა ვუთხრათ, ან ქართველებს როგორღა ვეჩვენოთო...

ირემმა განვლო სკვირეთის სივიწროვე და მიაშურა კლდე-კარს. აი, ამ მთის დაფენილზე ფარნაოზმა ესროლა ნადირს ისარი, რომელმაც გაუხვრიტა ბეჭი და იქვე დასცა.

ცა მოიღრუბლა, დაბნელდა, შეიქმნა ელვა-გრგვინვანი. დაჰკრა გრიგალმა და წვიმამ მოხეთქა ღვართით მთა-ბარი. ფარნაოზმა მოჰკრა სამწვადე ბეჭის ფრთა ნეკნებიანი. გააჩინა ცეცხლი, გათალა შამფური და დაუფიცხა ცეცხლზე ირმის მწვადი ცვრიანი.

ღამე იყო ისეთი ბნელი, რომ კაცი თვალში თითს ვერ მიიტანდა. ცეცხლი გიზგიზებს და აღმა დაიწყო ერთ მხარეს გამოქვაბულში გამოკრთომა. ფარნაოზს გაუკვირდა: ნეტამც რა უნდა იყოს, კლდის კედელში ასე რომ გამობრწყინავსო. დადვა მწვადი ცეცხლთან და მივიდა ქვაბის კედელთან სანახავათ. იმან შენიშნა, რომ აქ ქვაბის კედელი გამოშენებული ყოფილიყო ძველის-ძველათ და ქვასა და ქვას შუა სინათლე შედიოდა შიგნით; იქიდან ეს სინათლე უკან სცემდა, თითქოს იქ ბრწყვინვარე რამ ნივთები ყოფილიყოს. იმან გამოანგრია ქვის კედელი და განცვიფრდა. თურმე ის კუთხე ქვაბისა

სულ თვალ-მარგალიტით, ოქროთი და ვერცხლით იყო გამოტენილი. თარნაოზმა გადმონგრეული კედელი ისევ აჭერა. შემდეგ მოვიდა, დაჯდა ცეცხლა-პირას, მწვადი შექამა და იქვე ტკბილათ მიიძინა...

იმ ღამეს მცხეთას ბატონისრძალს სამეუფო დარბაზში არ დაუძინია. სულ იმის ფიქრში იყო, ვაი თუ თარნაოზი მხეცებმა დაჰგლიჯესო. მისნი საყვარელნი სეფის წვერნიც ტიროდენ თარნაოზის დაკარგვის ამბავი შეიტყო აზომ სასახლეში და გაიხარა. მეფისრძალს კი ზეთის ლამპარი არ გაუქვრია სპილოს ძვლის პაწია არმაზის ხატის წინ, რომელსაც მუხლ-მოყრით ევედრებოდა, რომ არიმანი და მისი ბნელეთის ავი სულები შეეკრა და თარნაოზზე არ შეიშვა სავნებლათ.

ღამე იყო საშინელი წამის-წამ მეხის ტეხა და ელვა უფრო-და-უფრო არწმუნებდა ბატონისრძალს, რომ არმაზს გაცხარებული ბრძოლა ჰქონდა რქიან დევებთან და ღამის ავ-სულებთან. იგი ესროდა მათ ელვის ისრებს და აკავებდა, რომ თარნაოზის სვებედი დაეფარა. ბატონის რძალი თან-და-თან უმატებდა არმაზის ხატის წინაშე მხურვალე ლოცვას, ბოლოს მეტის დაღალულობისგან მიეთვლიმა სპილოს ძვლის ტახტზე, რომელზედაც ოქრო-მკედით მოქარგული საფენები იყვენ გაშლილი.

გათენდა დილა. მზემ ამოაწუქა და ფარნაოზ-
მაც ამ დროს შეალო ჩუქურთმით ნაკეთები კარები
დედის საწოლ ოთახში. იმან თვალი გაახილა და,
რაკი თავის შვილი, ქაბუკი გმირი, ისევ უვნებლათ
დაინახა, წამოვარდა და ჩაჩქანმოსილი შვილი გულ-
ში ჩაიკრა. ერთხანს მოყვარულთ დედა და შვილი
იყვენ ასე გარინდულნი. შემდეგ დედამ შეწირა არ-
მაზს საკმევლის კმევით ოქრო-ვერცხლი და თვალ-
მარგალიტი. მერე დაჯდა შვილთან ოქროს ტახტზე
და გამოჰკითხა ნადირობის ამბავი.

ფარნაოზმა მოუთხრა დედას, ქვაბში რომ სიმ-
დიდრე ჰნახა, იმის ამბავი. ბატონის რძალმა იგრძ-
ნო, რომ შვილს ამ სიმდიდრის წყალობით დიდე-
ბული ბედი მოელოდა და, როგორც ჰჩვევია გამო-
ცდილს დედა-კაცს, ისეთი რჩევაც მისცა: — „შვილო,
ეგ სიმდიდრე სულ ღამით უნდა გადმოვაზიდვინოთ
ჩვენს ერთგულს სეფას და სამეფუფო ხაროებში დაე-
ფლათი.“

— რაკი ეგრეა, მაშ, დედილო, ეს სიზმარიც
ამიხსენი, რომელიც კლდე-კარის გამოქვაბულში მე-
ზმანა: ნადირობისგან დაღალულს, კლდის ფილა-
ქანზე, ცეცხლა-პირს ტკბილათ ჩამეძინა. ვითომც
ერთ ბნელ ოთახში ვიყავი. არსაით გამოსვლის

ლონე არ მქონდა. ვიყავი ამ ბნელ საპრობილეში ჩასმული და ძლიერ ვწუხდი. ამ დროს გაკეთდა სარკმელი და მზის შუქი შემომენათა. ეს შუქი შემომერთყა გარშემო და გარეთ მინდორზე გამიტაცა. აქ ჩემ ფეხ-წინ თვით ნათელი მზე დაეცა ცვარ-შემოსილი. მე მოვწმინდე მზეს ეს ცვარი და მითი პირი დავიბანე.

— შეილო, ეგ სიზმარი მოასწავებს. შენს მეფეთ გახდომას და საქართველოს გათავისუფლებას შენი ხელით მტარვალის აზოსაგან. ამ საქმეში შენგან ნაპოვნი სიმდიდრე ძლიერ დაგეხმარება. დროს ნუღარ ვკარგავთ, სიმდიდრე გადმოზიდონ ღამით.

— კარგი, დედილო, — უთხრა ფარნაოზმა ბატონისრძალს. მაშ მე ახლავე კაცს ვაფრენ მამი ჩემის მეგობართან, ქუჯთან, რომელიც არის ეგრისის (სამეგრელოს) მთავარი, შევატყობინებ ყოველსავე ჩვენს განზრახვას; შენ კი ასპანის (ისპანის) მთავარს, შენ ძმას, მიჰწერე წიგნი, რომ ჯარი შეგვიმზადოს.

ამსახით დედამ და შეილმა დაიწყეს მზადება. ამდროს მეტათ შეწუხებული იყო მთელი საქართველოს ერი აზოსგან. მეორე მხრით ეგრისიც, ლიხის (სურამის) მთას იქითი ქვეყანა, შავ-ზღვამდე. საბერძნეთის რეფეს ეჭირა და ძლიერ ავიწროებდა დასავლეთის საქართველოს ხარჯისა და მრავალნაი-

რი ბეგრის კრეფითა. ისინიც ელოდენ, მარჯვე ღრო ეშოვნათ, რომ ბერძნებს განდგომოდენ და დანარჩენს საქართველოს ერს შეერთებოდენ. ეგრისის მთავარს ქუჯს რომ ფარნაოზის წერილი მიუვიდა, მეტათ განიხარა და ასე მოწერა: ეგ სიმდიდრე, რომელიც შენ გინახავს, საკმაო იქნება ჯარების დასამზადებლათ. რომ აზო მტარვალმა არ გიგრძნოს, ჰჯობს, ჩემთან მოხვიდე და ეგ სიმდიდრე თან გადმოიტანო; აქ დავემზადოთ, მოვიწვიოთ ოსის ჯარი და ლეკისა“.

ამ ამბავს შემდეგ ფარნაოზი შეემზადა თავის სიმდიდრით ქუჯთან წასასვლელათ. დედა კი ასპანს გაგზავნა მის ძმასთან, რომ იქიდანაც ჯარი მოეშველებინა.

აზო იყო მეტათ ფიცხი კაცი, ასე რომ თვით მისი ჯარიც არ ემადლიერებოდა, რომელიც აღექსანდრე მაკედონელს მისთვის დაეტოვებინა სასამსახუროთ. თუმცა ეს ჯარი ბერძნულს წესზე იყო გამოწყობილი, მაგრამ ბერძნები კი არ იყვენ. ისინი უფრო მდინარის ეფრატის მხრის სომხებიდან იყვენ შემდგარნი. ისინიც დროს უცდიდენ, რადგან ფარნაოზის სახელი, როგორც კარგი გულისა და ყველასგან საყვარელის კაცისა, იმათშორისაც განთქმული იყო.

კოტა ხანს შემდეგ აზოს მოესმა ამბავი, რომ

ქუჯსა და ფარნაოზის დედას სპარსეთიდან მოჰყავთ ჯარები ქართლის მოსაშველებლათო. ოსეთიდან და ლეკეთიდანაც ამათი მომხრენი მოდიანო. რადგან ოსებიც და ლეკებიც შეწუხებული ჰყავდა აზოს მომეტებული ხარჯის გამოართმევით.

აზომ საჩქაროთ მოუწოდა ბერძნულს წესზე გაწყობილ თავის ფროტათელ ჯარს, ის კი არ იცოდა, რომ პირველ შეტაკებასთანავე ათასი რჩეული ცხენოსანი მისი ჯარისა ემზადებოდა აზოს ღალატს და ფარნაოზის მიმხრობას.

გადმოვიდენ თუ არა ლიხს (სურამს) აქეთ ფარნაოზისა და ქუჯის ჯარები, მაშინვე ის ათასი რჩეული ცხენოსანი აზოს ჯარი ფარნაოზიანებს შეუერთდენ. ამასთანავე მთელი ქართლის ვრიც ადგა აზოს წინააღმდეგ. მეტი რა ღონე იყო, რაკი აზომ თავის ჯარის ნაწილსაც შენიშნა ღალატი, დანარჩენსაც ველარ მიენდო, დაადო მცხეთა და გამაგრდა კლარჯეთის ციხეებში, რომელნიც მდებარებდენ საბერძნეთის სამფლობელოს საზღვრებზე მდინარის ჭოროხის სათავეში. იმას უნდოდა, საბერძნეთის ხელმწიფის შემწეობით ზურგი გაემაგრებინა. ფარნაოზი და ქუჯი შევიდენ დედა ქალაქს მცხეთას და დაიჭირეს ოთხი ძველი ციხე ქალაქისა. ამ ოთხ ციხეთაგანი ერთი იყო არმაზის მთაზე აგებული, იქ, საცა ახლა ჯვარის ეკლესია არის, არაგვს გაღმა. ეს

იყო დიდი მთავარი; ცხე. მეორე იყო ამ მთის ცხვირის ბოლოზე, სადაც არაგვი მტკვარს ერთვის, მესამე მცხეთის მთას ზემოთ მტკვრის მარჯვნივ, მეოთხე მტკვრის პირათ დასავლეთისკენ. ამას შემდეგ ფარნაოზმა გაგზავნა ასურეთის ხელმწიფესთან ანტიოქოსთან, მოციქულები და თხოვა შემწეობა საბერძნეთის წინააღმდეგ. ანტიოქოსმა გამოუგზავნა ფარნაოზს მეფის გვირგვინი და უბრძანა სომხითის ერისთავებს, ფარნაოზს მისცენ ხოლმე შემწეობა ჯარებით, როცა დაჭირდესო. ამ სახით ფარნაოზი გახდა პირველი მეფე საქართველოსი.

მეორე წელიწადს აზოს მოუვიდა საბერძნეთიდან ჯარები და წამოვიდა ფარნაოზთან საბრძოლათ. ფარნაოზს დაეხმარა ქუჯი მთელი იმერ-სამეგრელოს ჯარებით. სომხითის ერისთავებიც წამოვიდნენ მასთან თავის ჯარებით, ანტიოქოს მეფის ბძანებით; ლეკი, ოსი და ხაზარიც ფარნაოზს მიეშველენ. მეფე ქართლის ჯარით და თავის მოკავშირეებით გაემართა აზოსკენ და მიუხდა არტანის ნაქალაქევს, რომელსაც მაშინ ქაჯეთის ქალაქს ეძახდენ, უფრო ძველათ კი ჰური ეწოდებოდა.

ფარნაოზმა ჰძლია ბერძნის ჯარი, მოჰკლა აზო და მთელი მისი სიმდიდრე ხელში ჩაიგდო. მერე შეესია თვით საბერძნეთის ქვეყანას და დაიპყრო ანძაძორი, ახლანდელი ერზიგვიანი, აზრუ-

მის სამხრეთით რომ მდებარებს; ამასთანავე გაათავისუფლა საბერძნეთის ხელიდან მთელი დასავლეთის საქართველო: იმერეთი, გურია, სამეგრელო მდინარე ენგურამდის, რომელსაც მაშინ ეძახდნენ ეგრისის წყალს. აქ ერისთავათ დასვა თავის მეგობარი და მოკავშირე ქუჯი. მისი საზღვარი იყო აღმოსავლეთით და სამხრით მდინარე რიონი. დანარჩენი საქართველო რვა საერისთაოთ გაჰყო, ეგრისს გარდა. იმიანათ კი ცხრა საერისთაო იყო.

მეორე ერისთავი დასვა მარგვისს (არგვეთს) და მისცა გასამგებოთ ლიხის მთას ჩქით არგვეთის ქვეყანა, რაჭა, ლომსიათ ხევი (ესე იგი შორაპნის მაზრა) და გურია მდინარე რიონამდის. ფარნაოზმა აუშენა მას შორაპნის ციხე და დიშნა (ახლანაკ აღმის სოფელია, ბაღდადის მახლობლათ).

მესამე გაგზავნა არაგვზე და მისცა არაგვიდან მოკიდებული ქვეყანა კახეთამდე, (რომელსაც მაშინ ერქვა ჰერეთი). ამ საერისთავოს საზღვარი სამხრეთით იყო მდ. მტკვარი და ჩრდილოეთით მთა.

მეოთხე გაგზავნეს სამშვილდეს. ამის საზღვარი იყო აღმოსავლეთით სკვირეთის მდინარე (ახლანდელი ვერის წყალი თფილისის მახლობლათ), სამხრეთით აბოცის მთა (თრიალეთის მთა). ეს საერისთავოს ქვეყანა იყო მთელი საციციანოსა და საბარათიანოს მამული ალგეთისა და ზემო ხრამის ხე-

ობა, დასავლეთით ტაშირი (ბორჯომის ხეობა) და ჩრდილოეთით მდ. მტკვარი.

მეხუთე გაგზავნა ხუნანის ერისთავთ. ეს ქვეყანა არის ახლანდელი ყაზახ-ბორჩალო და ლორე, უწინ კი გაჩიანი და გარდაბანი ერქვა.

მეექვსე გაგზავნა წუნდას (ახალქალაქის მაზრა). ეს საერისთვო ქვეყანა იყო ფარვანის ტბიდან მოკიდებული მტკვრის სათავემდის: ჯავახეთი, კოლა, არტაანი (ახლანდელი არდაგანის მაზრა და ჩილდირის ხეობა).


მეშვიდე გაგზავნა ოძრხის ერისთავთ, ტაშის კარიდან არსიანამდე. ეს ქვეყანა შეიცავს ადგილებს ბორჯომის ხეობიდან ახალციხის მაზრას, ზემო აჭარის მთამდის. ამასთანავე არსიანიდან ზღვამდე სამცხე და აჭარა (ზემო და ქვემო აჭარა ბათუმთანათ).


მერვე გაგზავნა კლარჯეთის ერისთავთ (ჭოროხის ხეობა, ისპირი, ტრაპიზონამდის)

მეცხრე დაადგინა ერისთავთ ერისთავთ და მისცა ქვეყანა ტფილისიდან მოკიდებული ტაშის კარამდის. ეს იყო ყველა ერისთავებზე უფროსი და მთელი სამეფო ჯარდც ამას ებარა. ამის საბძანებლო იყო ტფილისიდან მოკიდებული მტკვრის გაყოლება ბორჯომის ხეობამდისა ქსნის ხეობა, ფცისა, ალის წყლის ხეობა და ეწოდებოდა შიდა ქართლი.

ჯარის რიგი იყო ასე დაწყობილი: იყვენ დადგენილნი ასის თავნი, ათასის თავნი და ბევრეულნი, ესე იგი, ერთი ბევრის უფროსნი. ერთი ბევრი შეადგენდა რვაათას კაცს.

ფარნაოზმა ის ათასი რჩეული ცხენოსანი, რომელიც განუდგენ აზოს, გახადა ასისა და ათასის თავებათ; მისცა მათ პატარ-პატარა ხეობები და მათ აღვილ-სადგომებში ციხეები და კოშკები დააკეთებინა, რომ ხეობების შესავალი კარები დაეცვათ მტრის წინააღმდეგ. ამ ჯარის კაცებს ეწოდა აზონაურნი, ესე იგი, აზოს ხლებულნი. თითოეულს მათგანს მიუჩინა მუშაკნი, გლეხნი, სასამსახუროთ.






II.



კათათვე დადგა. კარსნისა, კოდ-
მანის, წიწამურის და არმაზის გა-
რეთუბნელები ემზადებოდენ მცხე-
თის გარემინდვრებში ოქროს ფე-
რათ მღელვარე ყანების მკას. სა-
მთავროს სასახლეში ბატონის რძა-
ლი: ფარნაოზის დედა, დიდებუ-
ლი სპარსეთის მეფის დარიაოზის
ასული, გულ-აღელვებული უცდი-
და თავის შვილის ამბავს ასული მისი, ფარნაოზის
დაჲ ეს ერთი კვირა იყო, რაც შინ არ დაბრუნე-
ბულიყო. ის იმყოფებოდა არმაზის მთაზე ღმერთე-

ბის დიდებულ ტაძარში დედაქურუმათ. იმას იქ მარ-
მარილოს სახლი ედგა განსასვენებლათ.



ფარნაოზის დის სასახლე.

სახლის გვერდით შვიდ-სართულიანი ოთხ-კუთ-
ხი გოდოლი (დიდი კოშკი) აიმართებოდა. ამ გო-
დოლს ოთხივე კუთხე მიქცეული ჰქონდა ქვეყნის
ოთხი მხრისაკენ, ასე რომ აღმოსავლეთს, დასავ-
ლეთს, ჩრდილოეთს და სამხრეთს იმ გოდლის კუთ-
ხეებით შეიტყობდენ. თითოეულს სართულს გოდ-
ლისას თითო გვერდზე თითო ლანძვი!) (სანათური)

¹ ლანძვი—ვიწრო და მაღალი ფანჯარა. იხილე „დი-
ლარიანი“

ჰქონდა დატანებული. ყოველ სართულში თავთავისი შესაფერი მოწყობილობა იყო. კედელზე სხვადასხვა კერპთა ღმერთების ბრძოლა, ან მეგობრული ურთიერთობა იყო გამოხატული. ყოველის სართულის გუმბათი ცისფერათ იყო შეღებილი და ზედის ვარსკვლავები იყვნენ გამოხატულნი, რომელთაც რაიმე დამოკიდებულება და კავშირი ჰქონდათ თვით სართულში დაყუდებულ ღმერთების ანდრიატებთან¹⁾.

პირველ სართულში იდგა ხუთი ადლი ალბასტრის ანდრიატი ანცასი, ანუ ნანა-ღმერთისა²⁾. ამას ჰქონდა დედა-კაცის სახე, ტანი თევზისა და ზედ თევზის თავი ეხურა. ცალ-ხელში ეჭირა სიმრგვლე ქვეყნისა, რომელსაც გარშემოხვეოდა გველეშაპი, მაგრამ ანცას მისთვის კისერში ხელი წაეფლო, თითქოს არ ანებებსო გველეშაპს დედა-მიწის შთანთქმას. წინ ედგა მარმარილოს ტაბლაკი და ზედ

¹⁾ სურათი გამოჭრილი ან მარმარილოსაგან, ან ლითონისაგან: ოქროსა, ვერცხლისა და სპილენძისაგან.

²⁾ იხილე აფხაზური ლეგენდები „ივერია“. ერთი ამ გვარო პატარა ანდრიატი სპილოს ძვლისა მე ვნახე მღვიმევის მონასტერში საწინამძღვრო ჯოხზე დაგებული. ჩემი აზრით ეს ანდრიატი უძველეს დროიდან უნდა იყოს აქამომდე მოღწეული.

მოხაზული იყო სივრცე ოკეანესი სხვა-და-სხვა მხრით მიმდინარე. ცის გუმბათზე გამოხატული იყო მნათობი იუნონა.

მეორე სართულში იდგა კაცის სიმაღლე ორი ვერცხლის კერპი გაცისა და გაიმისა¹⁾. ერთს ჰქონდა მამა-კაცის სახე და მეორეს დედა-კაცისა.

მესამე სართულში იდგა მარიხის²⁾ კერპი რვალისა (სპილენძისა), რომელსაც თავს ეხურა ოქროს მუზარადი, ცალ-ხელში ეჭირა ბრწყინვალე შუბი ფოლადისა და მეორე ხელში ჰქონდა ოქროს მუგუზალი თავმოხაზებული, თითქოს ცეცხლის ალი ეკიდებო. თალით შეკრულ ცაზე იყო მოხატული მნათობი მარიხი. ცოტა მოშორებით იდგა მარმარილოს გრგვალი და განიერი ტაბლაკი³⁾, რომელზედაც ჩვეულებრივ იდგა დიდი სქელი საგულთმისნო წიგნი ნებროთისა. ამ წიგნის ფურცლები ხის წმინდა და მეტათ თხელი ფირფიტებისაგან იყო შემდგარი. ეს შეიცავდა საგულთმისნო წიგნს, რომელშიაც აღმოიკითხავდნენ ქურუმები სხვა-და-სხვა საწინასწარმეტყველო მცნებას ომიანობის შესახებ.

მეოთხე სართულში იმყოფებოდა შვიდ ხელია-

1) იხილე „ქართლის ცხოვრება“.

2) მარსი

3) სტოლი.

ნი ბრინჯაოს (თითბრის) კერპი—ბოჩი, რომელსაც თანასწორათ ჰქონდა წინ წამოწვდილი ხელები, თითქოს ითხოვსო, ყმაწვილები მომაწვდინეთ დასაწველათაო. სახეზე მოგძო წვერი ჰქონდა ვაცისებურათ ჩამოშვერილი. ფეხებ შუა ედგა ღუმელი (საცეცხლე) და ღუმელს გარშემო მუხლ მოდრეკილი და ხელაღპყრობილი რამდენიმე ყრმათა სურათები იდგენ ვერცხლით გამოქანდაკებულნი, თითქოს წმინდა თეთრი ტანსაცმელი ცმოდესთ. ისინი ვითამც გამზადებულნი იყვენ დასაწველათ, როგორც შეწირულნი მსხვერპლნი ბოჩოსადმი გუმბათ გადართხმულ ცაზე გამოხატული იყო ამომავალი ვარსკვლავი, რომლის წარმომადგენელიც დედა-მიწაზე იყო ბოჩო-ღმერთი¹⁾.

მეხუთე სართულში იყო დადგმული ალაროდებლების ხალდე-ღმერთის ანდრიატი შავი ბრინჯაოსი, ანუ თუთფრისა, რომელსაც ჰქონდა თვალები ბივრიტისა (ლაჟვარდის თვლისა). იგი იჯდა კლდეზე და ხელები მუხლზე ჰქონდა დაწყობილი, თითქოს განისვენებსო. თავზე უჯდა ქოტის ანდრიატი, რომელიც ნიშნავდა ღვთის სიფხიზლეს ღამეში და მის მთარველობას გამოქვაბულებში მცხოვრებთა. მას

¹⁾ ასირიულათ ბელი, ანუ ბელტის — ღმერთი, ფინიკიურათ—მელკარტი.

ერქვა აგრეთვე ხალდეველთა ღმერთი სერაპისი¹⁾, ესე იგი, ლამის მფარველი. შეკრულ გუმბათში კი იყო მისი ვარსკვლავი რვილი²⁾, მუდამ ჩრდილოეთის მხარეზე მანათობელი.

მეექვსე სართულში იჯდა კლდეზე თეთრი მარმარილოს ანდრიატი შვენნიერი დედა-კაცისა გრძელ ორ ნაწნავებ-ჩამოშვებული კლდეზე, თითქოს ჰსურსო ახალ-შობილი პაწია ყრმა ზევით აღიტაცოსო. ყმაწვილის მარმარილოს ანდრიატი იყო კლდის ძირში განართხული. მოშორებით მგელი იდგა გამოქანდაკებული კლდეზე, რომელსაც დაელო პირი და თითქოს ჰსურდა ის ყმაწვილი მოეტაცნა. მეორე მხრით იდგა ანდრიატი გმირის კოპალესი³⁾ რომელსაც მხარზე ვერცხლის გრძელი კაპარჭი (ისრის ბუდე) ჰქონდა გადაკიდებული და წინ ირემი უდგა, მარმარილოს სურათით შექმნილი გუმბათში იყო აღიონის (განთიადის) ვარსკვლავი გამოხატული. ქალის ანდრიატი მოასწავებდა დალსა⁴⁾, ანუ

1) სერაპისი — Сераписъ.

2) Полярная звезда.

3) ბერძნების აპოლონი. იხილე ფშავური და ინგილოური ლეგენდები.


4) ბერძნების დიანა. იხილე სვანური ლეგენდა დალზე, აგრეთვე ფშავური ლეგენდა.

დინას (თინას), რომელიც იყო ნადირთ პატრონი ღმერთი და მონადირეთ შემწყნარებელი.

მეშვიდე სართულში ორ ოქროს სელზე ისხდნენ ორი კერპი ოქროსი: ერთი კაცისა და მეორე ქალისა. კაცს ეჭირა ხელში ელვარე მახვილი და ქალს ვერცხლის რგვალი ფირფიტა წარმოდგენილი დედა-მიწისა პირველი კერპი იყო აურამაზა და ანუ არამაზი, მეორე კი ზადენი. ესენი ქართველების აზრით იყვენ შემოქმედნი ცისა და ქვეყნისა, ყველაზე უფრო დიდი ღმერთები. სართულის ლაჟვარდის გუმბათზე დახატულნი იყვენ მზე და მთვარე, რომელნიც ქართველებს მიაჩნდათ ნამდვილ დიდ ღმერთებათ, ცა და ქვეყნის გამჩენათ და დედა-მიწის განმანაყოფიერებელათ¹⁾.

გოდლის მეშვიდე სართულს ზემოთ იყო სწორი ბანი გაკეთებული, სხვა-და-სხვა ფერ მარმარილოთი იატაკ-მოგებული. მათი ნაპირები სხვა-და-სხვა ზომის რგოლებს წარმოადგენდნენ, სადაც ქვები იმ გვართვე იყვენ დალაგებული, როგორც სხვა-და-სხვა ფერის ბწყალები ჭადრაკის სათამაშოზე.

1) იხილე „ქართლის ცხოვრება“.



ვარსკვლავთ-სამრიცხველო შვიდ-სართულიანი კოშკი.

ამ ბანის სიგანე იყო ექვსი აღლი და ვარსკვლავის (სპილენძის) მოაჯირი ჰქონდა შექოვლებული მოოქრული წვეტებითა. შიგ იდგა ორი ოქროს სელი. მოაჯირს შორის ოთხი მაღალი რვალის სვეტი აღიმართებოდა; ბანის შუაგულზე კი

რვალის მაღალი შუბი იყო დასმული ოქროს წვეტიანი, ამ ოთხ რვალის ბოძებზე ურთხვლის ძელები იყო ჯვარედინათ გადებული და იმათ ზოლოვებზე დამაგრებული იყო წითელი აბრეშუმის ფარდა ოქრო-მკედის არშიითა. ეს ფარდული მზისა და წვიმისაგან იფარავდა ოქროს სელში მჯდომარეთა. ისრის წვერზე გაკეთებული იყო ოთხი ფროა ქარის მაჩვენებელი. თვით ისარზე მოწყობილი იყო ასაწევ-დასაწევი და მისაწევ-მოსაწევი მანქანა. ამ მანქანიდან ყოველ სართულში გადიოდა რვალის მართულები, რომელთა ბოლოზედათ ლერწმის კალმები იყო მიკეთებული და კალმების ბოლოზე რვალის ბუშტები, მელნით საესე. ბანზე მდგომი კაცი მანქანითა და ამ მართულების შემწეობით ყოველ სართულში, როგორც უნდოდა, ისეთს ფიგურებს მოხაზავდა იატაკზე ეს გოდოლი იყო ვარსკვლავთსამრიცხველო კოშკი და აგრეთვე დიდებული ტადარი საქართველოს ღმერთებისა.

მთელი დღეები და ღამეები იმა კვირისა გოდოლის ბანზე გაეტარებინათ მთავარს ქურუმსა და ფარნაოზის უფროს დას, რომელიც აგრეთვე დედა-ქურუმათ ირიცხებოდა იქა ეს ახალგაზდა ქალი ისეთივე დახელოვნებული იყო ვარსკვლავთ-მრიცხველობაში,

როგორც თვით მთავარი ქურუმი და ბევრს შემთხვევაში ამ მოხუცებულ ქურუმსაც გადაამეტებდა ხოლმე მახვილ-გონიერებით და გულთმისნობით.

პარასკევს სალამოს მთავარი ქურუმი და ფარნაოზის დაჟემზადებოდენ არმაზის ტაძარში ლოცვას, რადგან მეორე დღეს შაბათს, როგორც უკანასკნელ დღესა უქმესა, ემზადებოდენ მსხვერპლის შეწირვას. მზე დიდი ხნის ჩასული იყო დღე და ღამე იყრებოდა, ცა ვარსკვლავებით მოიჭედა: ფარდული ჩამოხსნა ქურუმმა. იგი შეუდგა ვარსკვლავების დაკვირვებას ცაზე. ფარნაოზის დაჟე იმაზე კიდევ უფრო ადრე ადევნებდა თვალს სულ-განაბული მარიხის ვარსკვლავს. უცბათ მან წამოიძახა: ეს კარგი ნიშანია. ასე ბრწყინვალე მარიხი ჯერ არ მინახავს. იმან თითქოს სამხრეთისკენ უფრო გააგდო სხივი. აი, ეს შუა სხივი შუბის ტარსავით დაგრძელდა. სწორეთ ჩემ ძმას გაუმარჯვნია. უქმა ზევით მოიგდო სხივის რკალიც. მიუცილებლათ ანტიოქოს მეფე მას მეფურ საჩუქარს უგზავნის.

— სწორეთ ეგრე უნდა იყოს — წარმოთქვა მხიარულებით მოხუცმა ქურუმმა. აბა, შევანძრევ მარიხის მართულს, ვნახოდ, რა მოხაზულობა დაეფინება მარიხის ტაძრის იატაკზე...

— კიდევ... ეგ არ კმარა, — გაუსწორა დედა-ქურუმმა. დახარე მართული ჩრდილოეთისკენ... კმა-

რა ვნახოთ, რა გამოვიდა? ახლა კი დროა, დავეკითხოთ ნებროდის წიგნის ფირფიტებს.



ქურუმი და ფარნაოზის და.

ამ სიტყვაზე ფარნაოზის და ადგა სელიდან. მთავარმა ქურუმმა გააღო მოაჯირის კარები და ჩაეშვა გოდლის გარემო შემოგრანო კიბეს. მას უკან გაჰყვა ფარნაოზის და. ისინი ჩავიდნენ მარიხის ტაძრამდის და შეაღეს კარი. ახლათ ამომავალმა მთვარის შუქმა სხივი შეაგდო ლანძვიდან ტაძარში და ააპრიალა მარიხის ოქროს

მუზარადი. მთავარმა ქურუმმა დაჰკვესა, ანთო გოგირდის წუმწუმა, რომელმაც გამოიღო მკრთალი ცისფერი ალი და მოუკიდა მითი ხომლს, რკინის ლანგარზე დასხმულ შავ ნავთს, რომელსაც ჟღბათ მოედვა ცეცხლი და ძალზე გაანათა მარიხის ტაძარი. ფარნაოზის და მივიდა მარმარილოს ტაბლათან, გადაშალა ნებროდის წიგნი და ელოდა მთავარი ქურუმის გამოკვლევას, რომელიც ამ დროს დატკეროდა იატაკზე მოხაზულობას.

— ფრიად ჩინებული გამოხატულება გამოსულა. თქვენ უნდა გადაშალოთ ნებროდის წიგნში მეფეთა გულ-უხვობის ამბავი — მოახსენა დედა-ქურუმს.

-- ვაშა, ვაშა! — წამოიძახა ფარნაოზის დამ.

სამხრეთის ძლიერი მეფე უცხადებს ჩრდილოეთის გმირს კავშირს და უგზავნის მეფურ ძღვენს — ამოიკითხა წიგნიდან დედა-ქურუმმა.

— ფრიად ჩინებულია — დაისვა ქურუმმა გძელ ჭალარა წვერებზე ხელი.

— აწ მიბრძანდით, დიუფალო¹⁾, სასახლეში მოსასვენებლათ. — ფარნაოზის დამ მოუკიდა ხელ-საქერ ოქროს ხომლს, რომ წინ გზა გაენათებინა ჩასასვლელ კიბეზე. მთავარი ქურუმი იქ დარჩა, მუხლი მოუყარა მარხის კერპს და ჩაღრმავდა ლოცვაში. ფარნაოზის დას მოესმა შვენიერი გალობა დედა-ქურუმებისა, რომელნიც გოდლის ძირში კიბიდან გამოსასვლელ კარებთან უცდიდნენ ფარნაოზის დას. ისინი იყვნენ სეფე ქურუმები, რომელთაც გააკეთეს წრე, ამართეს ოქრო-ქსოვილი ფარდული. ჩაიყენეს შუაში ფარნაოზის და და სერობის გალობით წაუძღვენ განსასვენებელ სასახლეში.

შაბათ დილას სარანგმა²⁾ ალაყაფის კარებზე ბრინჯაოს ურო დაჰკრა გრდემლზე. ამ დროს ფარნაოზის დას დილის ლოცვა გათავებული ჰქონდა


1) დიუფალს ეძახდნენ ერისთავთ ერისთავის მეფულეს და გაუთხოვარ მეფის ასულს. იხილეთ ზეწარწერა ხატებზე მღვიმის ნონასტრისა ყვირილის ხეობაში. ავტ.

2) ბოქაულთყარაული.

კიდევ იმან კარგათ იცოდა, რომ უროს დაკვრა მოასწავებდა შიკრიკის მოსვლას სამთავროდან. ცოტა ხანს შემდეგ მართლაც სეფე დედა-ქურუმმა მართვა სპილოს ძვლის ფირფიტით, რომელზედაც სოლისებურათ იყო წარწერილი. ფარნაოზის დედა უცხადებდა მხიარულს ამბავს, რომ ფარნაოზს დაეპყრო ანძაძორი, ჯარით უკან დაბრუნებულიყო და დღეს, თუ ხვალ კიდევ შემოვიდოდა სამთავროში დიდი ნაშოვრით მას მოჰყვებოდა ეგრისის მთავარი ქუჯი. ამ სახელის ამოკითხვაზე ფარნაოზის და შეერთა, ლოყებზე წითელმა ფერმა გადაჰკრა. მან უბეძანა ოქროს როლები¹⁾ შეებათ. ნახევარი საათიც არ გამოსულა, რომ ჰრელ არანელ კვიციან-შებმული როლით მიჰქროდენ სამთავრო სასახლისკენ მთავარი ქურუმი და ფარნაოზის და; მათ მიდევდენ უკან ექვს როლებში ჩამსხდარნი, ორ-ორი ერთათ, სეფადედა-ქურუმები, რიცხვით თორმეტნი. ქვა-ფენილზე დაყრილი იყო ბზისა და დაფნის ტოტები. არა თუ ხალხი, არამედ ერთი მგზავრიც აღარავინ ჩნდა მდამოს, რადგან შიკრიკს ბუკის დაკვრით უკვე განეცხადებინა ყველასთვის, რომ ფარნაოზის და, მთავარი დედა-ქურუმი, მობძენდებო და მისი დანახვა საყოველთაოთ აკრძალული იყო.

¹⁾ ორთვალისანი ეტლი. იხილე დილარდანი.

ფარნაოზის დის როლი მიუახლოვდა თუ არა სამთავროს ალაყათის კარებს, მაშინვე დაჰკრეს ნალარა. ალაყათის კარებთან რომ სარანგები იდგენ, ისინი მაშინვე თავქვე დაემხვენ. ქრელი არანის კვიცები ოფლში იყვენ გაწურული. ალაყათის კარებიდან გამოცვინდენ სეფის ქალები, რომელთაც ხელში ეჭირათ ზოგს ოქროთი მოჭედული გძელი ფარშავანგის მარაოები, ზოგს ოქროს ტაშტი და თუნგი ვარდის წყლით სავსე ბატონის ქალის ხელწასაბანათ და გასაგრილებლათ, ზოგს ოქრო-ქსოვილი ხაოიანი ტილო ხელ-პირის შესაწმენდათ; ოთხ სეფის ქალს მოჰქონდა ოქროს ტარებზე გაშლილი ფარჩის საჩრდილობელი. ფარნაოზის დაჲ გადმოხტა როლიდან, შედგა საჩრდილობელში; მას გარე-შემოეხვიენ სეფა-ქალები და წაუძღვენ მარაოების ქნევით სასახლეში.



ფარნაოზ მეფის სასახლე.

მაშინვე მეჯინბეთ უხუცესმა გასცა ბძანება, ეს შეიდი როლი თავის ცხენებიანა დაებინავებინათ სამთავროს საჯინბოში. დედა აღტაცებით მიეგება თავის ქალს სასახლის დერეფანში და გადაჰკოცნა კარგი წინასწარმეტყველობისათვის. იმან დაახვედრა თავის ქალს კიდევ უკეთესი ამბები: თარნაოზს თავისი ჯარით ჩამოუწევია უფლის ციხემდის და მეორე დღეს ელოდენ. ამასთანავე უამბო, რომ ანტიოქოს მეფეს დესპანის ხელით მიუერთმეგია იაგუნდით შემკობილი სამეფო გვირგვინი და ერთი ოქროს სამეფო ტახტი. დესპანს თავისი ხელით უნდა დაედგა თარნაოზისთვის გვირგვინი, ასე ჰქონდა ანტიოქოსისაგან დაბარებული. იგი თავისი ამალით უცდიდა თარნაოზის მობძანებას.

რაკი ძღვევა-მოსილ მეფეს ელოდენ თავისი ჯარით, სასახლეში და სასახლის გარემო წალკოტში დიდი მზადება იყო. არაგვის პირათ გამწკრივებული წისქვილები ყველანი სამეფო საფქვავისათვის გრილვლებდენ. მოვიდა რემა-ჯოგი არანიდან საკლავათ. დიდ-დიდი სპილენძის ძრო-პტყელი ქვაბები სამზარეულო უბანში ჩამწკრივებულნი ჩუხჩუხებდენ. სანადიმოთ ლუდსა და ჭირნახულის ოტკას ხდიდენ. თითო ამისთანა ქვაბში ჩავიდოდა ოთხასი ქართული კოკა ოც-და-ოთხ თუნგიანი. ეს ქვაბები ისეთი მალელები იყვენ, რომ ზედ კიბეებით აღიოდენ; სამზა-

რეულოში წმენდენ და ხეხდენ გძელ რკინის შამფურებს, რომლებზედაც დიდ-დიდი ალვანიის მოდემის ხარები მთლათ წამოეგებოდენ შესაწვავათ. მზარეულთ-მოძღვარი სასწორს აწმენდინებდა და ამართვინებდა, რომელზედაც უნდა აწონილიყო თითოეული ჯარის კაცების ულუფა¹⁾ ხორცი და პური. მეზოს მოძღვარი განაგებდა ყველა სამოხელო სახლებსა, მეფის ხარჯს და წარსაგებელს (საჩუქრებს), აძლევდა წესსა და რიგს დარბაზისას, მეფის ტაბლისას (სუფრისას) და სანოვაგისას (მასპინძლობისას)“. იმან განსაკუთრებული ყურადღება მიაქცია დიდ სამეფო წალკოტს, რომელიც სასახლიდან ორ უტევანზე²⁾ იყო მოშორებული.

ამ წალკოტს სიგრძე-სიგანით ჰქონდა ოც-ოცდაათი უტევანი. ჩვენი ახლანდელი ანგარიშით ეს წალკოტი თითქმის სამი ვერსი ოთხ-კუთხათ გამოვიდოდა. ამ წალკოტს გარშემო ჰქონდა ოთხი ადლი სიმაღლე ქვითკირის გალავანი შემოვლებული და მის ზემოთ რკინის მესერა ყვითელი წვეტებიანი. წალკოტს შიგნით იყო შეიდი აუზი ქვითკირისა. შიგ შედიოდა ერთი ტოტი მტკვრისა კასპიდან გამოყვანილი. არხს ჰქონდა ექვსი ადლი განი და ორი

1) წილი.


2) უტევანი ოც-და-ხუთი საყენია.

ადლი სიღრმე. სადაც რომ შედიოდა, იქ დიდი რკინის ბორბალი ჰქონდა მოწყობილი, რომელიც ტრიალებდა და სხვა-და-სხვა წალკოტის რუებში გადაჰყავდა წყლის ნაკადულები. იყო შვიდი წალკოტის მთავარი რუ ჩაკირული თიხის მიღებით გაყვანილი მიწას ქვეშ. წყლის გადასაშვებ ხარხს ზემოთ იყო შეენიერი თალი გადაყვანილი და ზედ ოქროს თალარი¹⁾ მოწყობილი საგრილობლათ. ამას გარდა ბორბალს უკან უზარ-მაზარი რკინის ცხრილი იყო წყალში ჩაშვებული, რომ არხიდან წამოდებული ხეები და ჯირკები ზედ მოდებოდენ და ხარხის ბორბალი არ გაეტეხათ. ამ ცხრილს ის დანიშნულება ჰქონდა, რომ წყლის დენა უმთავრესს არხში ცოტა შეეჩერებინა, რომ დაწმენდილი წყალი გასულიყო აუზებში. აქ იყვენ მერუეები დაყენებული და იმათ მოვალეობათ ჰქონდათ ნაკისრი არხის გაწმენდა და წალკოტის ხარხის ყურის გდება. თითოეულ წალკოტის აუზზე გადადგმული იყო სამეუფო თალარი, რომლის ქვემოთ ზოგში ფრთოვანი უზარმაზარი ბრინჯაოს ხარი იდგა და ნესტოებიდან ისვრიდა მალლა წყლის ნაკადულებს; მის გვერდით ზღაპრული ცხოველების და დევების ანდრიატები იყვენ ჩადგმული, რომელნიც ერთმანეთს ესროდენ შადრე-

1) თალარი—ფანჩატური.

ვანათ გადმომჩქეფარე წყალს. ზოგში უზარმაზარი ლომის ანდრიატი იყო ჩადგმული და პირიდან გადმომჩქეფდა წყალი, ზოგში ცხრა-თავიანი დევის ანდრიატი იყო ჩადგმული და თითო თავი ხუთ-ექვს ნაკადულებს ისვრიდა პირიდან. ისინი უხეფისაგან მრავალ ნაირს, ერთმანეთში გადახლართულს წყლის რკალებს აკეთებდენ და როცა მზე გადიხრებოდა დასავლით, ამ ნაკადულებში გატარებული მზის შუქი ათას ნაირს ცისარტყელას წარმოადგენდა თვით აუზებში იყო შვენიერი ფერის წყლის ფრინველები: სპარსეთიდან, ინდოეთიდან, შავ-ზღვიდან და გვეიბტიდან მოყვანილები. ყოველი აუზის იატაკი მრავალ ფერი ქვით იყო მოგებული და იმათზე მოზაიკურათ გამოყვანილი იყო სურათები ჭინკებისა, ალებისა, წყლის ქალებისა და ქაჯებისა. იმათ შორის იყო სურათი ანცა-ღმერთისა, რომელსაც ტანი თევზის ჰქონდა და თავი ქალისა. ვინც კი თალარებიდან გადიხედავდა ამ აუზებში, როცა შიგ მრავალნაირი თევზები და წყლის ფრინველები დაკურავდენ, როცა ისინი ოდნათ ააღეღვებდენ აუზს, მაშინ აუზის იატაკზე გამოყვანილი წყლის ფერიების სურათები, თითქოს გაცოცხლდებოდენ, შეინძრეოდენ და თრთოდენ¹⁾).

¹⁾ იხილეთ „ყარამანიანში“ ბაღის აღწერა.



მეფის დარბაზი, შიონით.

ეზოთ მოძღვარს ბძანება გაეცა წალკოტის ზე-
დამხედველისათვის, რომ ყველა აუზების ძირები მო-

ეკრიალეზინათ, რომ სურათები კარგათ გამოჩენილიყვენ, აგრეთვე გაეწმინდათ შადრევანის მიღები და თუ სადმე იქნებოდა რამე წამხდარი, ყოველივე გაესწორებინათ; ამასთანავე მთელს აუზში ყოველი უბანი წალკოტისა დილიდანვე ირწყვებოდა, რომ ახალი მრავალფეროვანი და მრავალსუნუნელოვანი ყვავილები გაფეთქილ იყვენ. წალკოტს ეხვია მრავალი მუშები და მოხელენი. იქ დიდი მზადება და მოძრაობა იყო.

მთელი მცხეთის ქალაქი ემზადებოდა ბატონის ფარნაოზის დასახვედრათ კოდმანის უბნის ტრიალ მინდორზე მუშაობდა ხუთასი კაცი; ისინი აკეთებდენ სეფას სამოცი ათასი ჯარის კაცის დასატევათ და იმათ სამასპინძლოთ.

თვით სამთავრო სასახლეში დიდი მოძრაობა იყო. ბევრი არ იყო იმ დროს არც სპარსეთში და არც ასურეთში ამ სასახლეზე უკეთესი. იგი წარმოადგენდა უზარმაზარ ორ სართულიან შენობას, რომელსაც წინადერეფანი სამოცი დიდრონი მარმარილოს სვეტით ქონდა მორთული. დერეფნის სართულის არშიაზე იყო მხატვრობა და ქანდაკი მრავალნაირ ბრძოლისა საქართველოს ექვსი გმირებისა. აქ თქვენ შეხვდებოდით ნებროდის ბრძოლას ჰაოსთან, ქართლოსთან, ლეკოსთან, კავკასოსთან და სხვ. აგრეთვე იყო სხვა-და-სხვა ბრძოლის სურათი ხაზარებ-

თან და ალექსანდრე მაკედონელთან. ერთგან გამოყვანილი იყო ქალაქი ბარდა, ანუ რუსთავი, რომელსაც შემდეგ უწოდეს ხაზარებმა ბოსტან-ქალაქი ქალაქს გარშემო ადგას საბერძნეთის ჯარი, ბერძნული ფალანგა, ციხის გალაენის გასატეხ მანქანებით: ერთგან ალექსანდრე მაკედონელი იჯდა თავის სახელ-ჯანთქმულ ცხენზე, ბუცეფალზე; ის გადახრილი იყო, გული წასვლოდა და ცხენიდან ვარდებოდა. მას მოხვედროდა ქალაქიდან ნატყორცი ქვა მესურდულისა¹⁾. დერეფნიდან პირდაპირ სამეფო დარბაზში იყო შესასვლელი თალი. ამ დარბაზს ჰქონდა სიგრძე ერთი უტევანი და სიგანე ორი მესამედი უტევანისა. კედლებს გარშემო ჩაუყვებოდა ოთხ-კუთხივ მთელის დარბაზის სიგრძე-სიგანეზე ტახტები ძვირფასი ხალებით და ოქრო-ქსოვილებით დაფენილი. ერთ კუთხეში სამს მარმარილოს დაკბულს საფეხურზე იდგა ამაღლებული ოქროს მაღალ ზურგიანი სელი; ზედ ძოწყელის²⁾ მუთაქა ეგდო ოქრო-ქსოვილი ფოჩებით. აქ მთავრის საჯდომი იყო. ამ დარბაზში დიდებულნი, ერისთავნი, მხედართ-მთავრები, მოგვნი³⁾, ქურუმნი⁴⁾ და მეფის ამაღლა დას-

¹⁾ იხილე კვინტეკურციის ისტორია.

²⁾ ალისფერი, წითელი.

³⁾ კერპთაყვანის-მცემლების მღვდელ-მთავარნი.

⁴⁾ კერპების მსახურნი და ვარსკვლავთ-მრიცხველნი.

ხტებოდენ სანადიმოთ (სალხინოთ), როცა მათ მეფე მოიწვევდა. დარბაზს მარჯვნივ და მარცხნივ მიშენებული ჰქონდა სახლები, მრავალ ოთახებათ დაუყოფილები, საცა ცხოვრებდენ მეფის სახლყულებანი და სეფე-ქალები. დერეფნის თავსა და ბოლოში უზარმაზარი ბრინჯაოს ხარები იდგენ, ისეთები, როგორც არგონავტიკაში არის კოლხიდის მეფის აეტესის ხარები აწერილი.

დარბაზს ზემოთ მხოლოდ დარბაზის სიგძე-სიგანეზე აღიმართებოდა მეორე სართული. მარმარილოს სვეტები ამ ზედა სართულს გარშემობწკაროდენ და თვით სართული გოდლის მგზავსათ იყო ნაგები, შვიდ მცირე ოთახათ გაყოფილი. ამ სართულში ცხოვრებდენ მეფის ასულნი თავის სეფე-ქალებიანა¹⁾.

რადგან იმ დროს არანელი ქართველები და მთელი საქართველოც დედ პოლიტიკურ და აღებმიცემობითი დამოკიდებულებაში იყვენ მიდიელებთან და ხალდეველებთან, ამისთვის საქართველოს ხუროთ-მოხელეობა და ჩუქურთმა-ქანდაკის ხელობა სულ იმათებური იყო. მომეტებული ნაწილი კერპებისაც იმათგან იყო გადმოტანილი.

1) იხილე აღწერა ქალდეველთ და ასურელთა სასახლეებისა ლეიარდის არხეოლოგიურს წერილებში.

მეფის წალკოტის აღმოსავლეთისაკენ, იმ კუთხეში, საცა მტკვარი და არაგვი შეერთდებოდენ, იყო შვენიერი ღმერთების ტაძრები და მოგვთა სამყოფელი აგებული. აქაც დიდი ამბავი იყო: ქურუმნი გულთმისნობდენ, მოგვნი ევედრებოდენ ღმერთებს და მსხვერპლებს უმზადებდენ. უმთავრესი მოგვის სასახლის გვერდით იყო ერთი შვენიერი მარმარილოთ ნაგები ოთახი, სადაც განისვენებდა სახელგანთქმული და ხანში შესული ქადაგი, რომელიც უნდა შეწირულ იყო მსხვერპლათ მარინისა გამარჯვების გულისთვის. თვით ქადაგს სრულებით არ ეშინოდა ამისი. წინააღმდეგ ამისა ის ნეტარებით მოელოდა იმ წამს, როცა მთავარი მოგვი ესროდა მას მარინის ლახვარს და გაუპობდა გულმკერდსა. იმას ჰჯეროდა, რომ იგი დაჯდებოდა სპიქიოს ნათელმოსილი მარინის ტახტზე. იქვე იყო მეორე ოთახი, სადაც პირმშო შვილები დიდებულთა, რიცხვით შვიდი, გამოყვანილ იყვენ, ბოჩო-ღმერთის შესაწირავათ. ერთი მათგანი თვით ფარნაოზის ნათესავი იყო. ისინი დიდებულათ ჰყავდათ შენახული; იმათ იცოდენ კიდევ, რომ ბოჩოს მკლავებზე უნდა დამწვარიყვენ, მაგრამ ამისი სრულებითაც არ ეშინოდათ, რადგან მათი გონება სულ ზეცისკენ იყო მიმართული და შეჰხაროდენ იმ წამს, როდესაც ისინი ზეცის ანგელოზებათ გადიქცვოდენ და დაიწყებდენ

ნათლით მოსილნი ჰაერში ფრენას და გალობას. იმათ ჰქონდათ ჩაგონებული, რომ გახურებულ ბოჩოს მკლავებზე ტკივილის მაგიერათ იგრძნობდენ მხოლოდ სამოთხის ნეტარებას¹⁾.

მთავარი მოგვი სამი დღის განმავლობაში მიცემოდა ლოცვას და მარხულობას, რომ ზეგარდამოწინასწარმეტყველობის ნიჭი მომადლებოდა და გამოეცნო ნამდვილი მომავალი, როდესაც ქადაგის გულ-ღვიძლს დააკვირდებოდა. მოგვთა ეზოში აღმართებოდა შვიდ-ხელიანი ბოჩოს ანდრიატი, რომელიც სიმაღლით ცხრა ადლი იყო იმას ედგა ფეხები ქვითკირით ნაშენ უზარმაზარ ლუმელზე. ამ ლუმელს ჰქონდა სიმაღლე ექვსი ადლი და ძირს ოცდა-ოთხი ადლი გარშემო. იგი ზევით თანდათან ვიწროვდებოდა. ლუმელის ტანში იყო ცეცხლის დასანთები გვამი მოწყობილი და შიგ ორი საყენი შეშა ჩაეტეოდა. მას ქვეშიდან შეუკიდებდენ ცეცხლს და აღი ლუმელის ზედა-ნახვრეტში ამოხეთქდა და თვით ბოჩოს ანდრიატს შემოედებოდა. ამისგან ბოჩოს კერპი ისე გახურდებოდა, რომ ნაკვერცხალს დაემზგავსებოდა ექვსი ადლის სიშორეზე. მარჯვ-

¹⁾ იხილე ისტორიული რომანი „სალამბო“ ფლობერისა, მელკარტისა და ანაიტის მღვდელთ მსახურება. ლენორმანისა.

ნით და მარცხნით აიმართებოდენ ქვითკირით ნაგე-
 ზი კიბეები იმ სიმაღლეზე, რომ დაუპირდაპირდებო-
 ლენ ბოჩოს გამოწვდილ ხელებს. მსხვერპლის შე-
 წირვის დროს, როცა ბოჩოს კერპი სიმხურვალისა-
 გან გაწითლდებოდა, ქურუმები ავიდოდენ კიბეებ-
 ზე, აიყვანდენ შეწირულ ყმებს და იქიდან გადი-
 სვრიდენ ბოჩოს მკლავებზე. ყმებს მეტის სიმხურვა-
 ლისაგან უცბათ ამოხდებოდათ სული და მკლავებიდან
 მაშინვე ჩავარდებოდენ ღუმელის ცეცხლში.

გათენდა ხუთშაბათი დილა. კიდევ მოვიდა ფარ-
 ნაოზის შიკრიკი, რომ ფარნაოზი და მისი ჯარი სა-
 დილობამდის ქალაქში არ შემოვლიანო. მცხეთიდან
 დაეწყვენ გუნდებათ შემდეგნი წოდებანი: მთავარი
 მოგვი თავის სამღვდელოებით, ქურუმთა კრება, სა-
 სახლის მოხელენი: სახლთუხუცესი, მსახურთუხუცე-
 სი, მანდატურთუხუცესი, მეჯინიბეთუხუცესი, ეზოს
 მოძღვარი და მზარეთუხუცესი თავთავისი დრო-
 შებით მათ მიდევდენ გუნდნი მოხელეთა, მცხეთის
 დიდებული წოდება, მოქალაქენი და მონანი თავ-
 თავის სამუსიკო საკრავებით. მთავარს მოგვს ეცვა
 გძელი თეთრი სარდონის ტილოს კაბა. რომელიც
 მზადდებოდა კოლხიდის ქარხნებში. წელზე ერთყა
 ბრტყელი ოქრო-მკედით ნაკერი სარტყელი ძვირფა-

სი იაგუნდებით, ფირუზებით, მარგალიტებით და საფირის ქვებით შემკული. ამ სარტყლის ბოლოებში წინ ჰქონდა ძირს კოჭებამდის დაშვებული; თანე შემოკრული ჰქონდა ორი ხელის დადება სიგანე ოქრო-მკედით ნაკერი ფარჩა, რომელზედაც იყო გამოყვანილი სურათი ანცა-



მაგვი.

ლმერთისა, მარგალიტებით და ძვირფასი თვლებით შემკობილი. ეს თავსაკრავი ოქროს ზონრით შემოხვეული, თავს უკან ჰქონდა დამაგრებული. კაბაზე ნაბადსავით მოსხმული ჰქონდა ოქროს ქერქლებიანი მანტია ამ მოსასხმელზე ქერქლები ისე იყო დაწყობილი, როგორც თევზის ტანზე, ქვევით მოსასხმელს ჰქონდა თევზის კუდი, ისიც ოქროსი შორიდან რომ შეეხებოდა კაცს, ასე იფიქრებდი: მოგეს ოქროს თევზის ტყავი ასხიაო. იმას წინ მიუძღოდნენ

საღვთო დროშები, რომელთ შორით განირჩეოდა განსაკუთრებით კობალე გმირის დროშა თავის ჟღარუნებით. ამ დროშაზე იყო დაკიდებული ათას

ნაირი პაწია ოქროსა და ბრინჯაოსაგან დაკეთებული სურათები გარეულ ირმებისა, თხებისა, ქურციკებისა და დათვებისა¹⁾); ისინი ერთმანეთს ხვდებოდნენ და ჟღარუნობდნენ. დროშების წინ მიდიოდნენ მოსაკრავენი გრძელი ბრინჯაოს ნალარებითა, წინწილებითა, დოლებითა და ჩხარუნებითა²⁾).

გავიდა თუ არა კოდმანის უბანს იქით მცხეთის დიდებულება და ერი, შორს დიდი სიმღერითა და ნალარის კვრით, დაინახეს მომავალი ფარნაოზი თავის ჯარით. მდიდრულათ გაწყობილ ცხენებზე ისხდნენ ფარნაოზი, ერისთავი ქუჯი და სხვანი მოსოხტაოხების (თუშების) დაიდებულნი. ყველაზე წინ მოდიოდა ბოქალთ უხუცესი თავისი სარანგითა და ტაოხის (თუშის) რაზმითა ისინი ისხდნენ შვენიერ ცხენებზე, რგვალი ფარები, ხარის ტყავ-შემოკრულები და ვერცხლის წვრილი ლურსმებითა ზედ დაკრულები, ზურგზე ეკიდათ კაპარქს³⁾ ზემოთ. ცალხელში გრძელი შუბები ეჭირათ, წელზე ორ-პირი დაშნები (დიდი პრტყელი ხანჯლები) ჰქონდათ შემორტყმული. ტანზე ეცვათ წითელი მოკლე კაბები

1) იხილე ბაიერნის არხეოლოგიური ნაშთები, აღმოჩენილი სიონის (დარიალის ხეობაში) სასაფლაოებში.

2) იხილე ფშავ-ხევსურების დროშები ლაშარის წმინდა გიორგისა.

3) ისრების ბუდე.

და თავს ეხურათ რკინის ჩაბალახები⁴⁾, პირი მოპარსული ჰქონდათ. ეს ტაოხთა რაზმი ფარნაოზის საკუთარი ჯარი იყო და მუდამ თან ჰყავდა სასახლის მახლობლათ დაბანაკებული; მეტათ მხნენი და თავგანწირულნი იყვენ მეფისათვის. მათ წინ მოუძღოდნათ მესაკრავენი. ამათ უკან შორი-ახლოს მობძანდებოდა ფარნაოზი. მარჯვნივ უდგა ეგრისის ერისთავი ქუჯი და მარცხნივ მთელი ჯარის მხედართ მთავარი. სამნივე იყვენ გამოწყობილნი ბერძნული არხისტრატის ტანისამოსში ეს ტანსაცმელი სამხედრო ჯარისა შემოიღეს საქართველოში ალექსანდრე მაკედონელის მოსვლას დროს. მათ მოდევდა უკან მთელი ჯარი, რაზმებათ დაწყობილი. პირველათ მოდიოდა მოსოხების რაზმი. ამათ ეხურათ ბრინჯაოს მუზარადები, ტანზე ეცვათ მოკლე შალის კურტაკები, მოკლევე ყურთ-მაჯებიანი; ისინი იყვენ ძალიან მოსული ვაჟკაცები, დიდ წვერ-ულვაშებიანი. ეცვათ პაჭიჭები და მუხლის თავები კი ტიტვლები ჰქონდათ ისინი ძალიან მარჯვეთ ხმარობდენ გრძელ შუბებს და ორ-პირ თითბრის ნაჯახებს.

მათ უკან იყო რაზმი ალვან-არანელებისა და შიდა ქართლისა, ფეხმალ ცხენებზე მსხდომარენი.

⁴⁾ იხილე პომპეუსის ლაშქრობა ივერიელებთან, არრინის მიერ შედგენილი.

თითოეულს ჰქონდა შურდული და ზურგზე გადაკიდებული პარკი გასასროლ კენჭებით სავსე. ჰქონდათ გრძელი ხანჯლები და ოროლები (მოკლე სასროლი შუბები) თავზედ ეხურათ ბანჯვლიანი ტყავის ქუდები, ტანზე ნაბადსავით ესხათ სხვა-და-სხვა ნადირის ტყავები: ზოგს დათვისა, ზოგს ვეფხისა, ზოგს მგლისა, ზოგს აფთრისა და ზოგს მელისა. ხელში ეჭირათ გრძელი და განიერი ფარები კაცის გულის მზგავსათ გამოჭრილები

შემდეგ მოდიოდა მეგრთა რაზმი რგვალი წნული ფარებით. თავზე მომეტებულ მათგანს ეხურა ხის მუზარადი, ტანს ეცვათ სარდონის ტილოს პერანგები და ზევიდან ესხათ მოკლე ნმბლები¹⁾. რკინის შვილდები ცხენის იარაღების გვერდზე ჰქონდათ დაკრული, ზურგზე ეკიდათ კაპარქები მოწამლული ისრებით გატენილი.

ამათ უკან ერთი დღის სავალზე ჩამორჩენილიყო ქვეითი ჯარი სხვა-და-სხვა თემისა. მომეტებულ ნაწილათ მათ ჰქონდათ გრძელი ხანჯლები და დიდი ფარები. ფეხზე ეცვათ ტყავის ხამლები (ქალამნები) თომით²⁾ დატენილი. ზოგი იყო, როგორც მაგალითათ შიდა ქართლის ქვეითი ჯარები, რკინის

¹⁾ იხილე სტრაბონის აწერილობა.

²⁾ თომი ბალახია ქალამნებში ჩასატენი.

წვრილთვალა პერანგებით მოსილი და რკინის ჩაბლახებიანი, ზოგს ეცვათ მოკლე კურტაკები, როგორც აჭარელებს დღეს აცვიათ.

მიუახლოვდა თუ არა მეფე უმაღლესს მოგვთა ბრბოს და მცხეთის დიდებულთა კრებას, მაშინვე ააყვირეს ნალარები, საღვთო დროშები ააჯღარუნეს და შეიქნა დიდი ხმა სამხიარულო ზარისა და სიმღერისა. ფარნაოზი ცხენიდან გადმოხტა. მას მიეგებენ მოგვნი და ამთხვიეს საღვთო დროშებსა. შემდეგ შემოვიდნენ ქალაქის ალაყაფის კარებში. ფარნაოზი თავის დედა-ქალაქის კარებს ემთხვია. ახლა წინ მოექცნენ მოგვნი და ქურუმნი დროშებით; მათ შემდეგ უმაღლესნი ხელის-უფალნი მოდიოდნენ, შემდეგ ფარნაოზი და მისი მხედართ-მთაფრები, მათ უკან ცხენოსანი ჯარი.

ფარნაოზი თავისი ამალიანა და ცხენოსან ჯარიანა გაემართა ბოჩოს ტაძრისაკენ მოგვთა უბანში, სადაც ბოჩო უკვე გავარვალელებულიყო ანთებულ ლუმელის ალით. ცეცხლის სახმილი მძვინვარებდა და ლუმელის მოვიწროებულ ხვრელიდან ამოდიოდა გიზგიზით ცეცხლის ალი, წელქვეით შემორტყმოდა თვით ბოჩო ღმერთის კერძს. იგი ითხოვდა ყრმათა მსხვერპლსა.

ბოჩო ღმერთს გარშემოადგენ დიდებულნი მუხლმოყრით. თვით ფარნაოზს თავი დაეხარა მოწიწებით. კიბეზე იდგენ ქურუმნი და ისროდენ შეწირულ ყმაწვილებს გავარვალებულ ბოჩოს მკლავებზე...

აქედან ფარნაოზმა მიჰმართა ბოჩოს ტაძარს, რომლის მარმარილოს სვეტებს შუა იჯდა სამფეხა ოქროს სკამზე თეთრით მოსილი ქადაგი. მისი დამწვინებული და თვალვებ-დახუჭული ფერ-მკრთალი სახე სრული სათნოების გამომეტყველი იყო მას შეეხო ფარნაოზი ხელით და მარჯვენა ფეხით, შემდეგ მივიდენ ყველა წარჩინებული კაცები და იმგვართვე მოიქცენ.

— მშვიდობა ღმერთს დიდებულთა მთავართა... მეფე არან-ქართველთაო. — გალობის ხმით წამოიძახა ქადაგმა — შენდამი იშვებენ ქართლოსიანნი. შენ გშვენის მხიარულება, ქორწილი და ნადიმი... მაგრამ, ვაი, ბნელო უფსკრულო, მალე მოგცილდება აღმზრდელი და შთახვალ ბნელით-მოსილ ლორულსა¹⁾...

ამ დროს მოხვდა მას მკერდში მთავარი მოგვის გამონატყორცი ლახვარი. ქადაგი გადავარდა ოქროს სკამიდან და დაეცა ტაძრის იატაკზე²⁾. მივარდენ

¹⁾ რგვლათ მოწნული საჭირისუფლო ადგილი.


²⁾ იხილე თემურაზის ისტორია საქართველოსი.

მოგვნი, გაუბეს მკერდი, ამოაცალეს გულღვიძლი და დარწმუნდენ მისი უნაკლოობით საქართველოს ბედნიერ მომავალზე.

ამას შემდეგ ფარნაოზი თავის ამალით წამოვიდა სასახლეში დედისა და დის სანახავათ. ჯარი წავიდა კოდმანის მინდვრის სეფაში ნადიმის გასამართავათ. ეგრისის ერისთავი ქუჯი, მხედართ მთავრები, ხელის-უფალნი და დიდებულნი შევიდენ დიდ დარბაზში და ჩამოსხდენ ტახტებზე რიგისა და წესისაგებრ. ამ დროს გამოვიდა ფარნაოზი საქალგობოთახიდან და დაჯდა ამაღლებულ ოქროს სეფზე. მოვიდა ანტიოქოს მეფის დესპანი თავისი ამალით და მოართვა ოქროს ლანგარზე ძვირფასი ქვებით შემკული ოქროს გვირგვინი, მეფის ღირსების დასამტკიცებლათ მორთმეული. დესპანმა თვითონ დააღვა თავზე ფარნაოზს გვირგვინი. დიდებულთა შეჰქმნეს ხმა-მლალი მხიარულება და თავს გადააყარეს თვალ-მარგალიტი. იხმეს მგოსნები (მომღერალნი), მსახიობები (აკტიორები და აკტრისები), მასხარები (მასკები) და საკრავების დამკვრელნი. აქ მოგროვდა ყოველნაირი საკრავი: ნალარა, ქნარი, დოლი, სტვირი, სასწრაფო, სალამური, ჩანგი, ჩონგური, ბარბითი, დაფი, ჟღარუნა, წინწილა და სხვა მრავალი.

გამართეს ნადიმი. სუფრაზე დააღაგეს სამეფო

სახმარებელი ჭურჭელი ოქროსი და ვერცხლისა, ძვირფასი თვლებით შემკობილი. ბევრი სურები და აზარფეშები იყო ოქროს და ვერცხლის ქანდაკითა, რომელთაც შიგნით სარჩულსავით ჰქონდა გამოფენილები სხვა-და-სხვა ფერის შუშა. თვით სურებზე იყო მოჭრილი სხვა-და-სხვა ნადირობები გმირის კვირიკესი და კაპალესი¹⁾. დასხდენ ნადიმათ და ამ საზოგადო ლხინს ატკობდენ მგალობელნი, მომღერლები, მემუზიკეები და მოთამაშენი გაგრძელდა ნადიმი შუალამემდის... მეორე დღე ლხინი დანიშნული იყო სამთავრო წალკოტში.



¹⁾ ერთი ამნაირი ვერცხლის სურა, შუშაგამოფენილი, ნახა ბაიერნმა სამთავროს სასაფლაოში. ეს ნივთი ახლა პეტერბურგის ერმიტაჟშია.



III.

ფ

არნაოზი არაფერს საქმეს არ დაიწყებდა თავის დედის უკითხვათ. როდესაც მან დიღმის გამოქვაბულში სიმდიდრე ნახა და განიზრახა ეგრისის მთავართან კავშირი აზოს წინააღმდეგ, პირველათ ამის შესახებ მან დედას ჰკითხა რჩევა. ბატონისრძალი წავიდა ღმერთების ტაძარში შვიდ-სართულიან კოშკზე და შეუდგა ლოცვა-მარხულობას. იმან გაატარა რამდენიმე ღამე ნანა-ღმერთის ანდრიატის წინაშე. ის დაემხობოდა ხოლმე პირქვე, ტიროდა ცხარი ცრემლით და თან შეჰკითხავდა, თუ რა ბოლო ექნებოდა ფარნაოზის განზრახვას. ბოლოს, მესამე ღამეს,

როცა ბატონისრძალი, ლოცვით და მარხულობით მოქანცული, გამოვიდა ანცას საყდრიდან და შევიდა იქვე აგებულ სასახლეში, რომელიც იყო მისი ქალის ადგილ-სამყოფელი, იმას მაშინვე მოუვიდა ძილი და დაწვა ტახტზე. მეორე ოთახში განისვენებდა შრომისაგან მისი ქალი, რომელიც ქურუმთან ერთად ვარსკვლავთ-მრიცხველობდა, რომ ცაზე გამოეცნო აგრეთვე კეთილ-საიმედო ნიშნები. შუალამისას ბატონისრძალმა იხმო ქალი, რომელიც მხიარული სახით შევიდა დედასთან და უთხრა:

— ჩემ ძმას ბედნიერება მოეწიოს. ეს ექვსი დღეა, რაც მარიხის ვარსკვლავი ერთხელაც არ შეფარებულა ღრუბლებში, მისი სხივი თანდათან მატულობდა ამ საღამოს მაინც საკვირველება მოხდა. იგი ამოვიდა ჩვეულებრივზე ადრე და როდესაც კოშკის წვერს გაუსწორდა, უეცრათ ორმა წითელმა შუქმა ამოჰყო ზედ თავი და ბრწყინვალე რქებათ გაუკეთდაო.

— შვილო, ფარნაოზის ბრწყინვალე ბედი სიზმრითაც გამოვიცანი. ნანა ღმერთი გამომეცხადა და მითხრა; მე ძალიან კმაყოფილი ვარ შენითა შენმა მხურვალე ცრემლმა გული დამიღობა და მე ვიშვილე ფარნაოზით. აზოს დავემხობ ფარნაოზის ფეხთან ქვეშე და აღვამაღლებ მის რქას მტერსა ზედა იგი

იქნება ნიადაგ ჩემ ფრთებს ქვეშე შემოფარებული და მტრის ისარი მას ვერ ეწვევა“. შემდეგ მან მოჰკიდა ხელი ერთ ჭაბუკს, რომელიც ისე განსხივებული იყო, რომ თვალი ვერ გავუმართე, და დამიყენა წინ. ჭაბუკი არმაზ-ლმერთის მგზავსი იყო და განვიზრახე მის წინაშე მოწიწებით მუხლი მომეყარა. ნანა-ლმერთმა შემაჩერა და მითხრა: „არა, შენ არ გმართებს ამის თაყვანისცემა, არამედ ამას ჰმართებს შენ წინაშე მუხლის მოყრა. ის შვენიერი ჭაბუკი მართლაც დაეშვა ჩემ წინაშე და თაყვანი მცა“.

„ეს ჭაბუკი არის ჩემი არჩეული შენ შვილათ და ძმათ ფარნაოზისა“ — მითხრა დიდებულმა ნანამ...

— მე მაშინვე გამოვიღვიძე, გულ-მხურვალეთ დავვარდი ტახტზე და მადლობა შევწირე ნანა-ლმერთს მისი უსაზღვრო მოწყალებისათვის. მივხვდი ვინც უნდა იყოს იმისი ნაბოძები შვილი ის უნდა იყოს ქუჯი, შენი მომავალი საქმრო.

ამ სიტყვებზე მისი ქალი უცბათ დაეშვა ტახტზე, თავი დახარა და არა თქვა რა. დედამ შეატყუო ქალს შეკრთომა, მოხვია ხელი და გულზე მიიკრა ამ სიტყვებით: „ჰოი, დიდებულო ანცა, არ ვღირსვარ შენ მოწყალებას. შენ ორი შვილი ერთათ გამიბედნიერე, შენ გადაგიწყვეტია ორისავე შვილის ერთათ გაბედნიერება, ორივესი ერთ დღეს დაგვირგვინება“. ამას შემდეგ მთელ საქართველოში გა-

ნითქვა საიდუმლოთ ხმა ბატონისრძლის ბედნიერი სიზმრისა. ამან ხალხი უფრო აადელოვა და შეაკავშირა აზოს წინააღმდეგ. მას უფრო მიეცა იმედი მტარვალის ხელისგან გათავისუფლებისა. ფარნაოზი და მისი მომხრენი ამ წინასწარმეტყველებამ კიდევ უფრო განამხნევა . .

ამას შემდეგ ფარნაოზის დას ჩაუვარდა გულში ქუჯის სახელი. ის მუდამ მის ფიქრათ იყო გადაქცეული და ხშირათ ესიზრმებოდა ის განსხივებული ჭაბუკი, რომელიც დახატა დედა მისმა. როდესაც ფარნაოზის და კოშკზემოთ იყო და ვარსკვლავებს ადევნებდა თვალს მის აღფრთოვანებულს წარმოდგენას გამოეხატებოდა ხოლმე ცაზე სხივით შემოსილი ჭაბუკი, რომელიც ჯერ არ ენახა. ამ შვენიერ ქალწულს მაინც ღრმათ ჩარჩა გულში თავის საქრმოს სურათი. ამიერიდან, როცა ვინმე სასახლეში ქუჯის სახელს ახსენებდა, ფარნაოზის დაე მაშინვე აენტებოდა და სახეზე უმანკოების გამომხატველი სიწითლე გადაჰკრავდა.

ერთ თვეს არ გაუვლია მას აქეთ, რაც ფარნაოზი თავისი ნაპოვნი სიმდიდრით ჩუმათ გაიპარა ეგრისის ერისთავ ქუჯთან და მართლაც ბატონისრძალს შიკრიკი მოუვიდა შვილისგან, რომელიც

წერდა: „მე და ქუჯი შევთანახმდით და შევკავშირდითო. ჩვენი ერთობის დამამტკიცებელი საბუთი დამოყვრება შეიქნაო. ქუჯმა ითხოვა ჩემი უფროსი დაჟ და ჩვენ უკეთეს სიძეს ვერც ვიშოვნოდითო“. ბატონისრძალს დიდათ იამა ეს ამბავი, მით უფრო, რომ მისი სიზრმის წინასწარმეტყველობა თანდათან მართლდებოდა.

ახლა მხოლოდ ერთი და აკლდა იმის და იმისი ქალის ბედნიერებას. უნდა გამოეცნოთ, რომელ მთვარეზე, ან რა ვარსკვლავზეა დაბადებული მისი სასიძო. ბატონისრძალი ავიდა სამთავრო სასახლის მეორე სართულში, სადაც მისი ქალი ცხოვრობდა.

იქ ქალის სადგომს გვერდით ორი მოდილო დარბაზი სულ ხელნაწერებით იყო გავსებული და ზოგი პაპირუსის ფურცლებზედაც იყო ნაწერი. აქ ქალმა მიაგნო და გადმოიღო ასურულ წესზე შედგენილი სამთავრო წიგნი. თვით ამ წიგნ-საცავის გასაღები მის ქალს ჰქონდა შენახული. დედა და შვილი გაერთვენ ამ წიგნის კითხვაში და გადმოიწერეს რამდენიმე ალაგი, მაგრამ ყველაზე უფრო ის ალაგები მოეწონათ, რომელნიც აცხადებდენ: „თიბათვესა, კირჩხიბსა თავსა ზედა, რომელი გავათა ზედა იშვას: კაცი კველთაი სახითა და ბუნებითა, იხსნას მრავალი ქირისაგან, იყოს მდიდარი, კაცი სრული, ესხ-

ნეს მტერნი მრავალნი და ვერაი ავნონ, ბარკალსა და წვივსა ნიშანი იყოს“¹⁾.

მეორე: „მკათათვესა, ლომისა თავსა ზედა რომელი იშვას, კაცი ძლიერი, ღამე მავალი, სახით კეკელაი, ხელმწიფეთაგან მოთვალული, ხარბათ მკამელი, მბოდებელი, ერისა უფალი, შვილ მრავალი, პირსა და თავსა ნიშანი იყოს“.

ფარნაოზის დედამ გადმოწერა ეს ორი დაკვირვება სპილოს ფირფიტზე და ასე მიწერა ფარნაოზს: „თანახმა ვარ ქუჯის სიძობაზე, თუ რომ იგი დაბადებულია: ან თიბათვის კირჩხიბის თავსა ზედა გავითა, ან მკათათვეს ლომისა თავსა ზედაო“. — შიკრიკს მისცა ეს წერილი და გაისტუმრა.

ფარნაოზსა და ქუჯს ძალიან გაეხარდათ დედის წერილი, რადგან აღმოჩნდა, რომ ქუჯი ივლისს ლომისა თავსა ზედა დაბადებული იყო და მიზეზი აღარა ჰქონდა რა ქორწილის დამაბრკოლებელი, თუ კი რომ ნანა-ღმერთი მათი შემწე იქნებოდა და ლაშქრობიდან გამარჯვებული დაბრუნდებოდენ; მა-

¹⁾ ეს ჰქემო მოყვანილი ალაგები მართლაც გადმოწერილია ერთ ჩემ ძველ ტყავზე ნაწერ ეტრატიდან. პალეოგრაფიკით. ეს ხელ-ნაწერი უნდა იყოს მეათე, ან მეთერთმეტე საუკუნისა და თვით უეჭველათ ძალიან ძველი დროის მეცნიერებიდან უნდა იყოს გამოკრეფილი. ეტრატი სვანეთიდან არის მოტანილი.

გრამ აქაც დედის ნახული სიზმარი ძალიან ამხნევებდა მათ, რადგან ბეჯითათ დარწმუნებული იყვნენ, რომ ნანა-ღმერთი მათ მფარველობდა

როცა ქუჯი და ფარნაოზი გამარჯვებული დაბრუნდნენ, იმათ მაინც ქუჯის სამფლობელოზე უნდა გამოეფლოთ; კლარჯეთიდან სამხედრო გზა იმ დროს ეგრისზე მოდიოდა.

ქუჯმა მოახდინა განკარგულება და თავის ქვეყნის დიდებულნი მახლობელნი და ნათესაზნი მაყრებათ წამოიყვანა ფარნაოზის ჯართან ერთათ. ამას გარდა, როგორც ჩვეულება იყო, მან მრავალი თვალმარგალიტი და მამა-პაპეული ნივთები წამოუღო თავის სასიდედროს და საცოლოს; აგრეთვე წამოიღო სარდონის სელის ქსოვილები, ძოწეული ფარჩები, ოქრომკედით ნაქარგი სტავრა, ძვირფასი თვლებით გაწყობილი სარტყელი და მარგალიტით ნაკერი ქოშები თავის საცოლოსათვის; დანარჩენი ძვირფასი ხალათები კი ფარნაოზის კარის კაცებს და ხელისუფლებსა. ამ სიმდიდრით სულ ორმოცი ჯორი იყო დატვირთული. ბარგს უკან მოდევდა ცხენისა და ხარის ჯოგები მოყვრის საჩუქრათ. იმ დროს, როცა ვინმე შერთავდა ცოლს, მზითევი ქმარს უნდა მიეტანა საცოლოსთვის და მზითვის აღრიცხვა ძროხებით იცოდნენ. ძროხას, ანუ ხარს ერქვა იმ დროს ხვასტაგი. სხვასტაგი აგრეთვე მაშინდელი ოქროს

ფულის სახელი იყო, რომელმაც უდრიდა ახლანდელ სამ მანეთს. ამისთანა ფულზე გამოხატულია ძროხის თავი და ფულსაც ამისთვის ხვასტაგი¹⁾ ერქვა...

იმ დღეს რომ მეჯლიშათ დასხდენ სამეუფო დარბაზში, დღე და ღამის გაყრამდის სუფრა არ აუღიათ ამ მეჯლიშში ქალები არ ისხდენ; მაგრამ იმათ ნება ჰქონდათ მცორე სართულის დერეფნიდან ეცქირათ იქ, სადაც ქალების სადგომი იყო, მის გვერდით რამდენიმე საფეხური ძირს ჩამოეშვებოდა და დარბაზის საქვრეტში ჩამოვიდოდა ეს კიბე, ქერის მახლობლათ. აქ გრძელი დერეფანი იყო მარმარილოს სვეტებზე აშენებული და შიგ იყო ტახტი გაკეთებული, მოფენილი ძვირფასი საფენებით. ამ დერეფანს წინ აფარებული ჰქონდა საქვრეტი ფანჯრები

იმ დერეფანში ისხდენ ფარნაოზის დედა, მისი ქალი და სეფა ქალები. ისინი ყოველსავე ხედავდენ, რაც დარბაზში ხდებოდა, ესმოდათ საკრავების ხმა, მაგრამ თვითონ იმათ კი ვერავინ ხედავდა. ფარნაოზის დაჟ გულაფეთქებით უცქეროდა ქუჯს და მხიარულებდა მისი გმირული თვალტანადლობით.

ბოლოს მორჩენ მეჯლისს. თითქმის შუალამე

¹⁾ იმერეთში ძროხას ახლაც ხვადაგი ჰქვიან.

შეიქნა, ძილის დრო მოვიდა, პატივცემული სტუმრები დაემზადნენ მოსასვენებლათ. გვერდით ერთი წყება სასტუმრო ოთახები იყო, სადაც მოასვენეს ქუჯის მახლობელი ნათესავეები; სხვანი კი სასახლეს გარეშე სახლებში წაიყვანეს. ჩვეულება იყო, სასიძოსთვის თვით სარძლოს უნდა დაეგო ლოგინი და შემდეგ ფეხი დაებანა საქრმოსთვის!) მას თან გაჰყვენ სამი სეფა-ქალი, რომელთაც ეჭირათ: ერთს ოქროს ტაშტი და წყლით სავსე ჭურჭელი, მეორეს არდაგი (ფეხის საწმენდი) და მესამეს სუნნელოვანი ზეთის და მუშკის ჭურჭლები. ფარნაოზის დაჟ და მისი ხლებული ქალები რომ შევიდნენ ქუჯის საწოლში, ქუჯმა მაშინვე მუხლი მოუყარა ფარნაოზის დას, როგორც მეფის ასულს და თაყვანი სცა, შემდეგ ჩამოჯდა ტახტზე.

მივიდნენ სეფა-ქალები და დაბანეს ფეხები. ფეხის ბანა რომ გაათავეს და არდაგით შეამშრალეს, შემდეგ მუხლი მოიყარა ფარნაოზის დამ, გადაასხა ქუჯს. ფეხებზე სუნნელოვანი ზეთი და მუშკი, გაუმშრალა არდაგით და წამოდგა. წამოდგა აგრეთვე ქუჯი, რომელიც აღტაცებული იყო მისი სიშვენიერ-

1) ეს ჩვეულება დღემდის დარჩენილა სამეგრელოში და ზოგიერთ კავკასიის მთის ხალხში. ყოველს უცხო სტუმარს ფეხს დაბანს ოჯახის ასული

რით. ქალ-ვაჟმა თვალი თვალში გაუყარეს ერთმანეთს. ფარნაოზის დას ღიმილმა გადურბინა სახეზე, რადგან შენიშნა ვაჟს პირზე ხალი, რომელმაც სრულებით დაამშვიდა მისი აღელვებული გრძნობები. ქუჯი მოეხვია მოწიწებით და უთხრა: „შენ ცოლი და მე ქმარიო“, დაჯდა ტახტზე და მოისვა იგი გვერდით. ისინი ისხდნენ ისე, რომ არც ერთს ხმა აღარ ამოუღიათ.

სეფე-ქალები მოშორებით დადგნენ და კრძალვით უცქეროდნენ მათ. ცოტა ხანს შემდეგ ადგა ფარნაოზის და; ქუჯმა კვლავ მუხლი მოუყარა გამოთხოვების ნიშნათ. ფარნაოზის დაჟ ავიდა მარმარილოს კიბეზე ზედა სართულში, სადაც უცდიდა დედა მისი შესვლისათანავე დედა მიეგება მხიარულათ და ჰკითხა, ხალი აქვს თუ არა სახეზეო. ფარნაოზის დამ ღიმილით თავი დაუქნია და დედამ სიხარულით ჩაიკრა თავისი ქალი გულში:

„მადლობა არმაზს, რომ ყოველივე ჩვენის სურვილისამებრ ახდაო“.

იმ ღამეს იყო საიდუმლო პირნახვა მეფესა და დედოფალს შორის, რომელზედაც არავინ არა იცოდა რა და არც არავის უნდა ცოდნოდა გარდა შინაურებისა. ასე იყო მაშინდელი ჩვეულება.

მეორე დღეს გავარდა ხმა ქუჯისა და ფარნაოზის დის ქორწილისა. მოუწოდეს მეფის საუკეთესო ტაოხის (თუშის) ჯარს, ქუჯის ცხენოსან ჯარს და მეფის წალკოტში გამართეს მხიარულება. ჯერ ტაოხის ჯარს უნდა მოეხდინა კენჭნაობა¹⁾ (ხმლით: შებმა ერთმანეთთან; შემდეგ ცხენ-და-ცხენ ჯიჩითი, ბოლოს ნიშნის ჩამოგდება. ყაბახი). პირველი ნიშანი, რომელიც დადგეს შორს, მაღალ ალვის ხეზე, ჩამოაგდო ისრით ქუჯმა და გამოიწვია დიდი მხიარულება შემდეგ წამოვიდნენ დარბაზში, სადაც იყო ორი ოქროს სელი დადგმული მარჯვენა სელზე დაჯდა ქუჯი, გრძელ ტახტებზე ჩამოსხდნენ დიდებულნი ფარნაოზი იდგა სელს უკან. მარცხენა სელი იყო ცარიელი. ელოდნენ დედოფალს. ამ დროს განის დარბაზის კარებში გამოჩნდა ფარნაოზის დედა, რომელსაც მოჰყავდა ქალი მას ეცვა სარდონის სელის კაბა, მკლავებზე და მაჯებზე ჰქონდა ოქროს სამაჯურები და სამკლავეები თვლებით მორთული. თავზე ეხურა ტრედის ფერი თავსათარი, ოქრომკედით ნაკერი, რომელზედაც შემოკრული ჰქონდა ძვირფასი თავსაკრავი. თავსაკრავზე იყო ოქრომკედით და თვლებით შემკული ნანა-ღმერთის

¹⁾ იხილეთ არჩიენის მოთხრობა პომპეოსის ლაშქრობისა,

სურათი; მსხვილი და გრძელი შავი კავები ყურთ უკან ჰქონდა გადაგდებული ეგვიპტურათ.

ზურგზე ჰქონდა წამოსხმული ძოწეული (წითელი) ფინიკური გრძელი მოსასხამი, რომელიც გულზე ოქროს საბნევით ჰქონდა შეკრული. წელზე ერთკუა ძვირფასი თვლებით მორთული სარტყელი, რომლის ფორმები წინ კოჭებამდის ჰქონდა დაშვებული. ძოწეულის მოსასხამის კალთები უკან სეფე-ქალს ხელში ჰქონდა მოკრეფილი და ისე მოჰყვებოდა,

შემოვიდა თუ არა დედოფალი, ქუჯი წამოდგა სელიდან. დაუკრეს საკრავები, დედოფალი დადგა მეფის გვერდით და ამდროს იქ მყოფთა დიდებულთა ერთ ხმათ შეძახეს: „ბედნიერი ჰყოს“. შემდეგ სასახლის მოსამსახურებმა შემოიტანეს დიდი ტაბაკი, დაუდგეს მეფესა და დედოფალს წინ და ზედ დადგეს შვიდი ლანგარი თვალ-მარგალიტით და ოქრო-ვერცხლით სავსე თითოეულ ლანგარზე იყო პატარა ანდრიატი სხვა-და-სხვა ღმერთისა.

შემდეგ შემოვიდა უმთავრესი მოგვი. მას შემოჰყვენ ქურუმნი და მოგენი, რომელთაც ააბოლეს სუნნელოვანი გუნდრუკი (ძველი საკმეველი) და მუშკი. იმათ დაიწყეს გალობა, რომლითაც აღიდებდენ არმაზს ფარნაოზის სახლის ბედნიერებისათვის. უმთავრესს მოგვს ეჭირა ორი ოქროს თასი ღვინით, რომელიც იყო მაჩვენებელი ცხოვრების სიტკბოები-

სა. ეს თასები უნდა დაეცალათ მეფე-დედოფალს და თუ ერთი წვეთიც არის გადარჩებოდა, ისიც მოგვს მეფე-დედოფლის ზურგს უკან უნდა გადედვარა. ეს ამბავი რომ გათავდა, შემდეგ ყოველმა დიდებულმა მეფე-დედოფალს გადააგდო თავზე მრავალი თვალმარგალიტი, სათითოვოთ მიულოცეს მათ მეფე-დედოფლობა. დიდ ტაბაკზე ძვირფასეულება ზვინებათ დაგროვდა. ბოლოს, როცა გათავდა ყოველივე, მოიწვიეს ჯარი წალკოტში, სადაც ოქროს თალარი იყო გამართული. იქ მალალ საკიბურზე იყო აგრეთვე ტახტი დადგმული, სადაც ქუჯი და ფარნაოზის და აღვიდენ დასაჯდომათ. მათ ქვეით, წალკოტში, იდგა ჯარი, მოსული საქორწინოთ. რაც რომ თვალმარგალიტი გადააყარეს თავზე მეფე-დედოფალს, სულ ყველა იქ, ოქროს თალარში მიზიდეს. მეფე და დედოფალი იღებდენ ამ სიმდიდრეს მუქვებით და უყრიდენ ქვემო მდგომარე ჯარს, სანამდის საუნჯე არ დაიცალა.

ჯარი მიეცა მხიარულებას. ყველანი აქებდენ მეფე-დედოფლის სიუხვეს და გულკეთილობას. შემდეგ წამოვიდენ დიდებით მეფე და დედოფალი ისევ დარბაზში და როცა კარებში შევიდენ, იმათ უნდა დაედგათ ფეხი ძირს დაგდებულ მახვილზე (ხანჯალზე) და ამ დროს მათ ზემოთ ხმლებით კამარა გაუკეთეს. ეს ნიშნავდა მახვილით განათვლას მათი შე-

ულლებისას. ისინი დასხდნენ ოქროს სელებზე. ამას შემდეგ გაიმართა მეჯლისი, რომელიც გაგრძელდა ერთ კვირას. მთელი ჯარი, შინაური და გარეული, აღივსო საჩუქრებით.

მეშვიდე დღეს დანიშნული იყო ქალის წაყვანა. საზარელი წამი დადგა. ფარნაოზმა მისცა თავის დას დარიგება, როგორც ჩვეულება იყო ქალის გასტუმრების დროს. ფარნაოზის დამ მორთო ტირილი, მის ტირილს აყვენ სეფე-დედა-ქალები, განსაკუთრებით გულამომჯდარი ქვითინებდა დედა მასი, რომლის მდულარე ცრემლებმა დიდებულნიც შეარყია და ფარნაოზს ხმა აუკანკალდა დარიგების მიცემის დროს¹⁾).

ფარნაოზის დას თითქოს არ უნდოდა ქმრის წაყოლა და ეკვროდა დედას, ხელით ჩაჭტრენოდა სამოსელში. ბოლოს ქუჯმა მოჰკიდა ხელი თავის ცოლს, თითქოს ძალას ხმარობსო და გაიყვანა სამეფო დარბაზიდან. სეფე-ქალებმა უფრო მალლა შეჰქნეს ტირილი გამოთხოვების ჟამსა. ქუჯი და მისი მეუღლე ჩასხდნენ ოქროს როლში. მათ გაჰყვენ, ქუჯის ჯარსა და ხლებულებს გარდა, კიდევ დიდებული კაცები ფარნაოზისა მაყრებათ და მისი ერთ-

¹⁾ იხილე ასურეთის ჩვეულება — მასპეროსი. იმერეთში ზოგიერთ მთის კუთხეებში ეს ჩვეულება დღემდის არის დარჩენილი.

გული ჯარი ტაოხები (თუშები). გააყოლეს ბარგი
ასი ჯორკიდებული, ორმოც-და-ათი მოახლე და
ორმოც-და-ათი მონა ხელზე მოსამსახურე.





IV



ოდესაც ფარნაოზმა დააყენა ერისთევები სხვა-
და-სხვა მხარეს და ყველას სამხედრო და სა-
მოქალაქო წესი მისცა, შემდეგ იწყო თა-
ვის ქვეყნის გამაგრება. იმან იცოდა, რომ მისი ქვე-
ყანა თუმცა ბუნებით ძალიან მაგარი მდებარეობისა
იყო: ყოველი მთა, კლდე და გორაკები ბუნებით
ციხეებათ გამოიციქირებოდენ; მაგრამ ეს კიდევ არ
კმაროდა. ყოველ ხეობაში გორა-მინდვრები ჩაუყვე-
ბოდენ მდინარეებს და საცა მდინარე მდინარეს შე-
უერთდებოდა, იქ ხეობის კარი ღია იყო. სამხედრო
გზებიც ამ მდინარეების პირათ მიემართებოდენ. მა-
შასადამე გარეშე მტერს ადვილათ შეეძლო ამ ღია
ხეობებში შემოსულიყო. ალექსანდრე მაკედონე-

ლიც ამ გზებით შემოესია საქართველოს. ის შემოვიდა საქართველოში რასხისა (არაქსისა), მტკვრისა, ალაზნისა და არაგვის ღია ხეობების გზებითა. განსაკუთრებით სპარსეთის ძლიერი სახელმწიფოს საზღვარზე იყო ქვეყანა კარ-დაფელილი, გაუმაგრებელი. იქ მტკვრის პირათ თვალ-გადუწვდენელი ვაკეები რანისა შირაქისა და მოვაკანისა ხელის-გულსავით სწორ მინდვრებათ გადაშლილიყვენ, აგრეთვე შავი ზღვის პირათ რიონისა და ინგურის ქალები ღია იყო, საიდანაც რომისა და საბერძნეთის ჯარები აღვილათ შემოესეოდენ საქართველოს. იმ დროს კი ეს ორი დიდი სახელმწიფო სპარსეთისა და საბერძნეთისა ერთმანეთს ექიშებოდენ: არა მე უნდა ვიუფლო საქართველოზე და არა მეო. რა წითელი კვერცხი შეიქნა იმათთვის საქართველო, რომ მისი გულისათვის თავებს იმტვრევდენ?..

თვითონ საქართველოს ქვეყანა ბუნებით ძალიან მდიდარი იყო. „ერი პურადი, გულადი, მებრძოლი შავის ბედისა“. ამას გარდა საქართველო იყო ყელი დედა-მიწისა და რომელ სახელმწიფოსაც ის მიუდგებოდა, იგი უსათუოთ გამარჯვებული იქნებოდა ყოველ ბრძოლაში და დაჩაგრავდა თავის მოპირდაპირეს. ასეთი დიდი მნიშვნელობა ჰქონდა საქართველოს აღმოსავლეთისა და დასავლეთის ძლიერ სახელმწიფოებისთვის ძველი დროიდან მოკიდებუ-

ლი ღღემდის. ძველათ სპარსელებსა, ბერძნებსა და რომაელებს სულ ამ ჩვენი ქვეყნის გულისათვის ჰქონდათ ერთმანეთში ბრძოლა.

ფარნაოზმა ზედმიწევნით იცოდა, რაც უბედურება დაემართებოდა საქართველოს ყოველთვის, როცა ეს ორი ძლიერი სახელმწიფო: სპარსეთი და საბერძნეთი ერთმანეთს დაეტაკებოდენ. „აქლემები წაიკიდენ და კოზაკი შუაში გაჭყლიტესო“, არის ქართული ანდაზა. რომ ამისთანა ბედი აეცილებინა საქართველოსთვის, ფარნაოზი შეუდგა თავის ქვეყნის გამაგრებას ორ ნაირათ: ერთი, რომ უნდა აეშენებინა ციხეები ყოველ ხეობების შემოსასვლელ კარებში და მეორე—შიგ უნდა ჩაესახლებინა მეომარი წოდება, რომელსაც მხნეთ უნდა დაეცვა ეს სიმაგრეები. ასეთი სამხედრო წოდება იყო აზნაურთა გვარი. ამათთვის უნდა დაერიგებინა სამკვიდრო ბიწა-წყალი. როგორც ვიცით, აზნაურნი შეადგენდენ საუკეთესო მხედრობას: მხნესა და კარგათ გაწაფულ ჯარის-კაცებს. იმათ საშუალებით ფარნაოზმა სძლია მტარვალნი აზო, დაამარცხა ბერძნები და განდევნა იგიანი ქვეყნიდან. აი, ამის გულისთვის ეს ჯარი მეფემ ძალიან მოიმაღლიერა. სამხედრო საშოვარი, რაც თვითონ არ ჰქირდებოდა, იმათ დაურიგა, გახადა ისინი საქართველოში მაღალ-

წოდებათ და დაურიგა მათ მთელი საქართველოს თავისუფალი ადგილ-მამული, რაც რომ საუფლისწულოთ და სასეფე-წულოთ არ იყო დანიშნული; მიუჩინა მათ სოფლები, მსახურნი გლეხნი და მიწის მუშაკნი. იმან განაწესა ერისთავებათ სეფე-წულები, რომელნიც იყვენ მეფის გვარის კაცები, იცავდენ მეფეს და წინამძღვრობდენ საერისთავო ჯარს ომის დროს. ყოველ ერისთავს უნდა ჰქონოდა თავის საკუთარი დროშა, ციხე-ქალაქი და გალავანი. ერისთავებს შემდეგ იყვენ ხევის ბერები. თითოეულს ხევის ბერს ებარა რომელიმე ხეობა იგი უნდა დასახლებულიყო ხეობის გამოსავალში და იქ აეშენებინა ხევის კარი. ანუ დაბა-ქალაქი, ანუ მაზრი უბანი ციხე-გალავნით. ხევის ბერებს ჩამოდაღმა იდგენ აზნაურნი თითო აზნაურს უნდა ჰქონოდა კოშკი გორაზე. ანუ მთის მწვერვალზე და მის გარშემო სოფელი მუშა-გლეხებით დასახლებული. ყოველი აზნაური თავის სოფლის ბატონი და პატრონი იყო.

ომის დროს იმას გამოჰყავდა სოფლის რჩეული ბიჭები და წინამძღვრობდა; წყობაში ის ემორჩილებოდა ხევის ბერს, ანუ იმის ხელ-ქვეით ნაცვალს. ხევისბერი წინამძღვრობდა, რაც ხეობაში სოფლები იყო, იქიდან გამოყვანილს ჯარს. ხევის ბერების თავში იდგა ერისთავი, ხოლო ერისთავების უფრო-

სი იყო თვით მეფე. მშვიდობიანობის დროს ერის-
თვები, ხევის ბერები, ნაცვლები და აზნაურები გა-
ნაგებდნ თავის ქვეშევრდომებს. ისინი იყვენ მათი
მოსამართლენი, განაბჭობდენ ხალხს და გაჭირვების
დროს კიდევ მფარველობდენ. მაგიერთ მიწის მუ-
შა ხალხი მშვიდობიანობის დროს კისრულობდა
იმათ რჩენას, აძლევდა მოსავლის მეათედს, ან მე-
ხუთედს და ოჯახშიაც ემსახურებოდა.

ამ სახით წარმოდგა სამხედრო წოდება, მეფის
ერთგული მხედრობა, რომელიც მშვიდობიანობის
დროს განაგებდა ქვეყანას და ომიანობის დროს
თავ-განწირულათ იცავდა თავის სოფლებს და სამ-
კვიდრო მიწა-წყალს.

ფარნაოზი შეუდგა სამეფო ქალაქების შენებას,
ციხე-გალავნების შეკეთებას, რომელნიც დაენგრია
ალექსანდრე მაკედონელს. სამეფო ქალაქები იყვენ:
მცხეთა, ხუნანის ქალაქი, ანუ არანის დედა-ქალაქი,
წუნდის ქალაქი, კასპი, ურბნისი, უფლის-ციხე,
რუის-პირი, ქვათათისი, ეგრისი და ფაზის ქალაქი
შავი ზღვის პირათ მდინარე რიონზე. ყველა ეს ქა-
ლაქები შეაკეთა და გააშენა, შიგ დიდი ციხეები
ააგო, ქალაქებს მაღალი ქვითკირის გალავნები შე-
მოავლო და განამაგრა. მეფის წახედვით ერისთვებ-
მაც თავ-თავისი ციხე-ქალაქები ააგეს, ხევისბერე მ

მა ხვეის კარები ჩადგეს და აზნაურებმა კოშკები გადმოჭიმეს.

ამგვარათ მთელი საქართველოს არე-მარე, მთებრი და ხეობები და ხეობაში შესასვლელი კარები, ციხე-გალავნებით და კოშკებით მოიჭედა. ამ შეუვალს სიმაგრეებში ჩასხდენ მხნე და გაწრთენილი სამხედრო წოდების კაცები: — მთავარნი და აზნაურნი, რომელთაგან ყოველი ცალკე და ყველა ერთობით იცავდენ უკანასკნელ სისხლის ცვარამდის თავის მიწა-წყალს, სახლ-კარს და ცოლ-შვილს შემოსეულ მტრისაგან. ეს ისეთი დაწყობილება იყო, რომ მთელი ერი შეიარაღებული მუდამ ციხე-გალავანში შეფარებული იყო საბრძოლველათ და სამკვიდროთ დაშენებული იყო თავის მიწა-წყალზე; იმდენათ განებივრებული და გამტკბარი ჰქონდა შინაური ცხოვრება, რომ ამისთანა ცხოვრების გულისთვის ყოველი ერისთავი, ყოველი ხვეისბერი და აზნაური თავის შინა-ყმებიანა და მუშა-ხალხიანა, თავგანწირულათ იგერებდა, ფტევებოდა მტერს.

ყოველი ამისთანა ერისთავი და აზნაური თავის ციხე-კოშკში შეადგენდა თითქოს პაწია დამოუკიდებელ სახელმწიფოს და ახდენდა შიშინაობის დროს შესაფერ განკარგულებას. ამისთანა გულადს მებატონეებს საერთო მთავარი და მეფე რომ კიდევ წართმეოდათ, თვითონ მაინც თავს არ ჰკარგავდენ,

ცხვრებსავეთ აქეთ-იქით არ იფანტებოდენ; არამედ ერთი მეორეს ზურგს აძლევდა და საერთო მოგერებით ქვეყანას იცავდა. აი, ამითი აიხსნება, რომ სხვა ქვეყნებში, როცა მეფე დაეცემოდა ბრძოლის ველზე, ან მეფის გვარი ამოწყდებოდა შემოსეულ მტრისაგან, მისი ჯარი და ხალხი ცხვრებსავეთ გაიფანტებოდა, უპატრონო ქვეყანა ადვილათ უვარდებოდა ხელში შემოსეულ მტერს. საქართველოში კი ხშირათ მომხდარა, რომ მეფეები თავიანთ სახლობიანა მტერს წაუყვანია, მაგრამ ამითი ქვეყნის მოთავეებს:—ერისთევებს და თავად-აზნაურობას გული არ შესუსტებიათ და თავ-განწირული ბრძოლა არ შეუჩერებიათ მტრის განსაძევებლათ.

აი, ამ დაწყობილებას წყალობით. მცირე საქართველოს ერმა გაუძლო და გადურჩა აქამომდე ქვეყნის აურაცხელ მტრებს, მაშინ, როდესაც მრავალი უძლიერესი ხალხი შეიმუსრა ქვეყანაზე. მოისპო ასურეთი, ეგვიპტე, დაეცა რომი, დაეცა საბერძნეთი, ათასმა და ორი ათასმა წელმა განვლო ამ მღელვარებაში; მაგრამ საქართველო ისევ ისევ დიდ მუხის ხესავეთ დგას შეურყეველათ თავის ნიადაგზე, ჯერ ისევ ცოცხლობს და არც იმედი დაჰკარგვია მომავლისთვის.

ალექსანდრე მაკედონელის შემოსევამ დიდი ცვლილება შემოიტანა აღმოსავლეთის ქვეყნებში გავრცელდა საბერძნეთის სამხედრო წყობილება, მისი ბრძოლის წესი, საბერძნეთის მეცნიერება, ბერძნული ენა და მწიგნობრობა, გავრცელდა აგრეთვე ბერძნულ ენაზე წერა-კითხვა. საქართველოც არ აცილებია ამ გავლენას.

უწინ, როგორც ასურეთში, ისე საქართველოში თავისებური ანბანი იყო წერისათვის შემოღებული. ამ ანბანის ნიშნები ჰაწია ლურსმებს, ან სოლებს ჰგავდა ეს სოლები რიცხვით და წყობით ერთათ დაწერილი გამოხატავდენ აზრს. ამიტომაც ამ გვარ მწერლობას ეძახოდენ სოლისებურ მწერლობას. საქართველოში რომ თარნაოზზე უფრო ძველათ იყო შემოღებული ამ გვარი ანბანები, ამას ცხადათ ამტკიცებს ვანის ქალაქის მახლობლათ ნახული ქვებზე აღბეჭდილი სოლისებური ნაწერები, რომელსაც მეცნიერები ეძახიან ალაროდოულენის ნაწერებს როცა ეს ნაწერები გაარჩიეს და ამოიკითხეს, გამოდგა. რომ ამ ნაწერებს ქართული ენის კილო, თვისება და გრამატიკული ფორმები აქვს. აქედან ცხადათ მტკიცდება, რომ საქართველოში ასურეთლებისა და ეგვიპტელების დროს ცოდნით წერა-კითხვა, ყოფილა მწიგნობრობა და მეცნიერება გავრცელებული, გარდა სოლისებური ან-

ბანისა საქართველოში ყოფილა მხატვრობითი ქარაგმული ნიშნებიც შემოღებული¹⁾. ასეთი ქარაგმული ნიშნებით წერა განსაკუთრებით ცოდნით ეგვიპტელებს და იმათ გავლენას ქვეშ შემოუღიათ ქართველებს მათებური წერა; ამ გვარ მხატვრობითი ნაწერებს ეძახიან გიეროგლიფის მწერლობას.

საბერძნეთის გავლენამ ამ ორსავე გვარ მწერლობას ბოლო მოუღო, რადგან ბერძნული წერაკითხვა უფრო ადვილი გამოდგა სახმარებლათ და ამ წერაკითხვის შემწეობით უფრო ზედმიწევნით და მოკლეთ იწერებოდა ყოველი აზრი. რადგან იმ დროს მხედრობის წესი ძალიან განვითარებული იყო, ამისათვის მისი შესაფერი საწერი ნიშნებიც უნდა შემოეღოთ. ამ წერის ნიშნები, ანუ ასოები, უნდა ყოფილიყვენ ადვილი, ჩქარი დასაწერი და აზრის მოკლეთ გამოსატქმელი.

ფარნაოზმა შემოიღო საქართველოში საბერძნეთის სამხედრო წესი; მაშასადამე იმან ისიც საჭიროთ დაინახა, რომ სოლისებური წერაკითხვა და მძიმეთ დასაწერი მხატვრობითი ნიშნები გადასხვაფერებულყვენ ისე, რომ ყოველ მხედარს ადვილათ, ჩქარა და მოკლეთ შეძლებოდა ტყავზე თავისი აზრის

1) იხილე მოსე ხორენაცის ისტორიაში დამატება მეოთხე—ემინისა. გვერდი 377.

დაწერა და გადაცემა. ამას მოითხოვდა თვით მხედრობის წესი, საცა ყოველივე განკარგულება სამხედრო რაზმებში სწრაფათ უნდა გადაცემულიყო ერთი მეორედან, რომ დაგვიანებით საქმე არ წამხდარიყო, მტერს არ ეჯობნა.


ამისგამო ფარნაოზმა შეჰკრიბა მწიგნობართუხუცესი მოგვები მცხეთას და უბრძანა, რომ იმათ სოლისებური და მხატვრობითი ასოების მაგიერათ ადვილი საწერი ნიშნები შემოეღოთ, მგზავსათ ბერძნული წერისა. მწიგნობართუხუცესნი მოგენი შეუდგენ ამ მძიმე საქმეს, მოიღეს სოლისებური ნაწერები, მხატვრობითი, ანუ ქართული გიეროგლიფური წერილები, ქანანეველი ნაწერები ტირისა და სიდონისა, ბერძნული ასოები და იმათ გეგმაზე შეადგინეს ახალი ქართული მხედრული ასოები, რომელსაც დაერქვა მხედრული ან ბ ა ნ ი. ამის შესადგენათ მოგვებს დედნათ უფრო მხატვრობითი წერის ნიშნები გამოადგათ, ვიდრე სოლისებური.

მხატვრობითი წერა ისეთი რამ იყო, რომ რაიმე აზრის გამოსათქმელათ ისეთ ნიშნებს ხატავდენ, რომელნიც ემზავსებოდა სულიერს, ან უსულო საგნებს. მაგალითათ კაცს, ხეს, წყალს, ცხოველს, ქვას, მიწას და სხვ. მაგრამ წერაში ასეთი ნიშნების ხმარება მეტათ მძიმე იყო და მწერალიც დიდხანს უნდებოდა იმათ გამოხატვას. ამას გა-

რდა აზრი ამ გვარი წერით სრულიად ვერ გგ-
 მოითქმოდა. ბევრ შემთხვევაში მკითხველი თვითონ
 უნდა მიმხვდარიყო დანარჩენ აზრს, რაც რომ მხა-
 ვტრობით ვერ დაწერილიყო. ყველას ის ემჯობი-
 ნებოდა, რომ ყოველი ხმისათვის თავის შესაფე-
 რი ნიშანი, ანუ ასო მოეგონებინათ. რადგან ყო-
 ველი ლექსი, ანუ სიტყვა შედგება რამდენისამე
 ხმისგან, ამისათვის თუ ყოველ ცალკე ხმას თავის
 შესაფერი ასო, ანუ წერის ნიშანი ექნებოდა მოგო-
 ნილი, მაშინ ყოველი აზრიც ზედმიწევნით დაიწე-
 რებოდა. აი, მწიგნობარ მოგვებს ჰქონდათ მხედვე-
 ლობაში ეს და იმიტომაც საფუძვლიანათ აასრუ-
 ლეს მეფის მინდობილობა; იმათ შეთხზეს ქართული
 მხედრული ანბანი უწინდელი მხატვრობითი წერის
 მიხედვით. იმიტომაც მგონია, რომ ქართული მხედ-
 რული ანბანი ხუცურზე ადრე უნდა იყოს შემოღე-
 ბული. ამას ამტკიცებს ბევრი მხედრული ანბანის
 ასო, რომელსაც საგნის გამომხატველი მხატვრობი-
 თი მოყვანილობა დღემდის შერჩენია, მაშინ, რო-
 დესაც ხუცურ ასოებს ეს თვისება არა აქვთ. მაგა-
 ლითათ ასო **ა** წარმოადგენს გაღებულს პირს. ასო
ბ წარმოადგენს კაცის გვამს, ანუ მუცელს, რო-
 მელსაც კაცის თავი უზის ზემოდან; ასო **ღ** წარმო-
 ადგენს მდინარეს, რომელიც ერთვის ტბაში, ანუ
 ზღვაში; ასო **პ** წარმოადგენს დამუწულს კაცის პირს;

ასო ლ წარმოადგენს ლომს თავის დაკლოკნილი კუ-
დით; ასო წ წარმოადგენს კაცის ჩამოშვებულ წვერს
და სხვ.

მწიგნობართუხუცესმა მოგვებმა წარუდგინეს მე-
ფეს ახალი შეთხზული მხედრული ანბანი. ფარნაოზს
ფრიად მოეწონა და მეფურათ დაასაჩუქრა ისინი;
იმან ვასცა ბრძანება ამიერიდან სამთავრო და საე-
რისთო სასწავლებლებში ახალგაზდობა აღეზარდათ
ამ ანბანზე, ესწავლებინათ ახალი ასოებით წერა-კი-
თხვა სეფე-წულებისათვის; აგრეთვე ბრძანა ყოველი
მეცნიერება დაწერილიყო მხედრული ასოებით და
ამით დააგვირგვინა თავისი მეფობა. ამიერიდან მწი-
გნობრობა კიდევ უფრო გავრცელდა საქართველო-
ში.





V.



არნაოზის დროს მოხდა დიდი ცვლილება წელიწადების თვლაში. პონტოს მეფემ მირდატ პირველმა დაამარცხა საბერძნეთის მეფე და გაათავისუფლა სამხრეთ-დასავლეთის ქართველთა ერი, რომელიც პონტოსა და კაპადოკიაში ესახლა. ეს ქართველი ერი დაყოფილი იყო მრავალ გვარებათ და უძველეს დროიდან ცხოვრებდა შავიზღვის პირათ. თითოეულ ამ გვარებს თავთავის მეფეები ჰყავდათ. ეს მეფეები იწოდებოდნენ მამასახლისებათ; მაგრამ მცხეთის მამასახლისი იმათაც უფროს მამასახლისათ მიაჩნდათ. მირდატ პირველმა, მაკრონების მამასახლისმა, შეაერთა ყვე-

ლა იქაური გვარები და წინააღმდეგ ანტიპატროსს მეფეს, რომელსაც მანამდის ემორჩილებოდნენ კაპადოკიისა და პონტოს ქართველთა გვარებიც. ამ სახით ფარნაოზმა რომ აზოლსაგან გაათავისუფლა აღმოსავლეთ-ჩრდილოეთის საქართველო, რომელიც მდებარებდა მტკვრისა, რახსისა (არაქსის), კოროზისა და რიონის ქალებზე, მირდატ პირველმაც იმ გვარათვე გაათავისუფლა მაკედონელებისაგან დანარჩენი ქართველთა ტომის გვარები, მცხოვრებნი კაპადოკიაში და პონტოს ქვეყანაში. ეს ამბავი ისეთი სასიხარულო იყო საქართველოს ერისათვის, რომ ეს წელიწადი, სრულიად ქართველთა ერის გათავისუფლებისა, დადევს ქორონიკონათ და ამ დღიდან დაარსდა ქართველების ხუთასეულ წელიწადთა თვლა, ანუ ქორონიკონი. ეს მოხდა 284 წელს ქრისტეს შობამდის. ამ წლიდან დაიწყო ქართველთა ერის მოდგმამ წელიწადების აღრიცხვა. აქაც ქართველებმა მიჰხადეს ეგვიპტელებს, რომელთაც დიდი ხნიდან ჰქონდათ დადგენილი ხუთასი წლის მოქცევა. ქართველების ხუთასეული შეიცავდა ხუთას-ოც-და-თორმეტ წელს. ეს რიცხვი შემდგარი იყო მთვარესა და მზის მოქცევით. მთვარის მოქცევას ანგარიშობდნენ ოც-და-რვა წლით და მზის მოქცევას ცხრამეტი წლით. ცხრამეტი რომ ოც-და-რვა ჯელ გაამრავლო, გამოვა ხუთას-ოც-დღე-თორმეტი. ეს ხუთასეული რომ

გავრდოდა, მერე ხელახლან შეუდგებოდენ წელთა თვლას. ამ სახით თუ ვიანგარიშეთ მირდატის გამარჯვებიდან, ჩვენ ვდგევართ მეოთხე ქორონიკონის მოქცევაში, რომელიც დაიწყო 1844 წელს და თუ ვიანგარიშეთ სოფლის დასაბამიდან, მაშინ ჩვენ ვიდგებით მეთოთხმეტე ქორონიკონის მოქცევაში.

მირდატ პონტოელმა და ფარნაოზ მცხეთელმა სხვა-და-სხვა დროს ძალიან გააძლიერეს საქართველოს ერთი. მათ შემდეგ ეს ორი სამეფო ტახტის მეფეები ერთათ მოქმედებდენ საბერძნეთისა და რომაელების წინააღმდეგ. ამათმა ძალამ შეასუსტა რომის ძლიერება. ამ დროსვე გავრცელდა პართელების სამეფო, რომლის მეფე არშაკ პირველი სომხეთის მეფეც შეიქნა და საკუთრათ სომხეთში გაამეფა თავისი ძმა ვაჰარშაკი. ეს იყო ფარნაოზის მედროვე გმირი, სომხეთის გამაძლიერებელი. ის შეუკავშირდა საქართველოს მეფეს ფარნაოზს და პონტოელ მირდატებს, ანუ მიტრიდატებს. უკანასკნელათ მან სულ ბოლო მოუღო მაკედონელების ბატონობას პონტოსა და კაპადოკიის ქვეყნებში. მაშინ მაკედონელების წინამძღოლათ გამოჩნდა ერთი ბერძნის გმირი. ვაჰარშაკმა, დაამარცხა რა იგი ბრძოლაში, თავის ხელით მოჰკლა. ამ დროებში ისეთი საშინელი ღლეტა-მუსგრა შეიქნა კაპადოკიაში, რომ მხეცი და ნადირიცი კი გაფთხა იმ ქვეყნიდან. ურიცხვი ტყის

მხეცი: ირემი, შველი და ველური ღორი გადხვეწა კაპადოკიის მდინარის ქალებიდან ჩრდილოეთისკენ. იმის გამო უანგარიშო ჯოგი ველური ღორებისა მოვიდა ქოროხისა და რიონის ქალებზე. ეს მოხდა მეორმოცე წელიწადს ქართული ქორონიკონის პირველ მოქცევისას, ანუ 244 წ. ქრისტეს შობამდის.

არე იყო გაზაფხულისა. მთვარის მეცხრამეტესა დღესა მცხეთის სატახტო ქალაქში შეიქნა დიდი მოძრაობა. მოვიდა ჯარი მეფის ბრძანებით. სიძღერა, ბუკ-დაფის ცემა და წინწილის ხმაზე ჩაკვეურის თამაში ამხიარულებდა სამთავრო ქალაქს. მეფის საგავაზოში ისმოდა არწივების ყვილი, რომელნიც თითქოს გრძნობდენ სანადიროთ გამგზავრებას. ამათ უერთდებოდა მეძებრებისა და მწვერების ყფა-წკმუტუნი. ხან-და-ხან მოისმოდა სხვა-და-სხვა ხმით ფხუილი ღვეპარდისა, ანუ კატა-მწვევარასი. ეს ცხოველი შეხედულობით ნამდვილ კატას მოაგონებდა კაცს, მაგრამ ტანითა და კუდით ჰგავდა დიდ ძაღლს. იმათ ასწავლიდენ ნადირობას და მუდამ ჯაჭვებით ებათ. მეფე ფარნაოზის საგავაზოში იყო ორმოცდა-ათი გაწვრთნილი ღვეპარდი, ანუ კატა-მწვევარა. ამ ცხოველს არ მოურჩებოდა არც ირემი, არც ჯეირანი, არც ველური ღორი წაუქცეველი, თუ რომ

თათს შემოკრავდა. ეს ცხოველი ზნით ავი იყო. ჰქონდა ვეფხსავით ბასრი კბილები და ბრქყალები. ამისთვის სანამ ნადირს არ დაანახვებდენ, მანამ პირი ჰქონდა თასმებით შეკრული. როცა დაანახვებდენ ნადირს, მაშინ პირიდან მოხსნიდენ თასმებს და ღვეპარდით იმ წამსვე კატასავით გაინაბებოდა, ცოცვით მიეპარებოდა ნადირს და შეახტებოდა ზურგზე, დაჰკრავდა თათს და ძირს დასცემდა.

ამ მონადირე ცხოველებისთვის ფარნაოზს ჰქონდა თავის საგავაზოში ორმოც-და-ათი მსუბუქი ეტლი, ორ-ორ თვლებიანი. იმათში გაუბამდენ თითოხს ან ორ ცხენს, ზედ შედგებოდა მონადირე, წინ ეტლში ანუ როლში, როგორც მაშინ ეძახდენ იმისთანა ეტლებს, ჩაისვამდა ღვეპარდს, ანუ კატა-მწევარას, ჯაჭვით როლზე მიბმულს, და გაემგზავრებოდა სანადიროთ.

ფარნაოზს ძალიან უყვარდა ერთი ამ კატა-მწევართაგანი, რომელიც სიდიდით მგელზე მეტი იყო და ტანზე ლამაზი ხატაველი. ბევრჯელ გაემხიარულებინა მეფის გული ამ ცხოველს. იმას ჰყავდა დაჰქერილი თავის სიცოცხლეში ორმოც-და-ათი ირემი, ასი ღორი, სამოცი ჯვირანი და ოცი შველი.

მეფეს ისე ჰყავდა ეს მხეცი მოთვინიერებული, რომ ხშირათ პირ-შეუკვრელი ძაღლსავით უკან და-

ჰყვებოდა. როცა მეფისთვის შეაბამდენ სანადირო როლს, კატა-მწევარა წინ-და-წინვე ჩახტებოდა შიგ ფხული-ღრუტუნით; ის მეფის მოფერებაზე აიქოჩებოდა და კატასავით ფეხებზე ეხახუნებოდა კუდ-აბზეკილი. ამ კატა-მწევარას მეფე ეძახოდა „ყურშავს“¹⁾, რადგან ცალი ყური შავი ჰქონდა.

ფარნაოზ მეფეს მოსვლოდა წერილი თავის სიძე ქუჯისაგან, რომელიც წერდა: მრავალი ღორი და ირემი მოვიდა და სანადიროთ წავიდეთო. ფარნაოზს შეეკრიბა ჯარი: აზნაურნი ოთხი ათასი კაცი სხვა-და-სხვა მხრიდან: ტაოხიდან, კოხეთიდან, ალანეთიდან, არანიდან და ოსეთიდან.

ტაოხები ძალიან გაწაფულნი იყვენ შვილდისრით ნადირობაში. იმათ ჰქონდათ მოკლე სანადირო შვილდ-ისარი. ტაოხელი მონადირენი იწოდებოდენ გამრეკლებათ, რადგან მათი დანიშნულება იყო, შემოდგომოდენ სანადირო ველს, ანუ ტყეს, ყვირილ-კიჟინით დაეფთხოთ ნადირი და წინ გაერეკათ. იმათ თან დაჰყავდათ სამეფო ძაღლები; მათი უფროსები იხდენ სანადირო როლებში და თან ჰყავდათ ღვეპარდები, ანუ კატა-მწევარნი. როცა მორეკდენ ტყეს და ნადირი აღგებოდა, ისინი,

1) სვანეთში დღემდის დარჩენილია სიმღერა „ყურშავ“ მონადირე ძაღლისა.

საცა კი თვალს მოჰკრავდენ, თითო-ორიოლა ნადირს, მაშინვე ესროდენ ისარს და ძვირათ დააცდენდენ. ტრიალ ველზე თუ შენიშნავდენ ან ჯეირანს, ან ირემს, მაშინ კი ხმას გაიკმენდდენ, ჩამოასხამდენ როლიდან ღვეპარდებს, მოხსნიდენ პირიდან თასმებს და დაანახვებდენ ნადირს. ღვეპარდებიც კატასავით გაინაბებოდენ მიწაზე და ცოცვით მიეპარებოდენ ნადირს. თუ სამ გადახტომაზე ვერ დაიჭერდენ, მერე კი აღარ გამოუდგებოდენ და ღრენით დაბრუნდებოდენ პატრონისკენ.

კოხელი მონადირენი, ალაზნის ხეობიდან მოსულნი, ძალიან გაწაფულნი იყვენ ღორზე ნადირობაში; ისინი იყვენ სანადირო შუბებით და გრძელი ხანჯლებით შეიარაღებულნი ღორზე ნადირობა მეფე ფარნაოზსაც უყვარდა და მრავალი იყო მეფე ფარნაოზის ნადირობის სურათი იმ დროს ვერცხლისა და თიხის სურებზე გამოქანდაკებული, ან წამლებით დახატული¹⁾.

ალანეთის მონადირეებს ჰქონდათ ქეიბურები, ანუ შვილდ-შურდულები. ეს იარაღი შედგებოდა

¹⁾ ერთი ამ გვარი ვერცხლის სურა, სადაც დახატულია მონადირე, რომელიც ველურ ღორსა ჰკლავს, ნახეს მცხეთის სამთავროს სასაფლაოში და ახლა ეს სურა ყრმიტაჟში იპოვება.

მოხრილ რკინის შვილდისაგან, რომელსაც თასმა ჰქონდა ფამფოთ გაბმული და თასმას შუა ქვის ჩასადები ქსოვილი იყო მოწყობილი, ქსოვილში რომ ქვას ჩადებდენ, მოუჭიმავედენ ხელით შვილს და იგი შორს გაისროდა. აღანელი მონადირენი დარღისა და თერგის ხეობისანი ისეთი დახელოვნებულნი იყვენ, რომ ნადირს ქვას არ ააცდენდენ თავში, ან თვალში. განსაკუთრებით დიდ ფრინველებს ჰკლავდენ შვილდ-შურდულათი.

არანელი მონადირეები იყვენ შეიარაღებული ჭოლოკებით. ჭოლოკი იყო ხისა; არშინ-ნახევარი სიგრძე, ცოტა შუაზე მოხრილი და ერთ თავზე კომბალი ჰქონდა. ამ ჭოლოკებით ძალიან მარდათ ჰკლავდენ გაფრენილ ფრინველს. ან ფენებს მიამტვრევდენ გაქცეულ ნადირს, თუ მოხვდებოდა. არანელები ძალიან დახელოვნებული იყვენ ჭოლოკების სროლაში ფარნაოზსაც უყვარდა ჭოლოკით ნადირობა, როცა ტბაზე, ან მდინარეზე დადიოდა ნავით გარეული ბატების, გედების და იხვების სანადიროთ.

ფარნაოზმა წაიყვანა ოთხი ათასი მონადირე ბაზიერთუხუცესის წინამძღოლობით. იმათ აედევნა უკან მეფის ტაძრეული, ანუ ბარგი, წაიღეს ბამბის კარგები, სამზადისი მრავალი, სამეფო ჭურჭელ-იარაღი, სულ ორასი ჯორ-კიდებული. ბაზიერთ უხუცესს თან მიჰყავდა ასი ქორი, სამოცი შევარდენი,

ოც-და-ხუთი არწივი, სამასი ძალლი, ორმოც-და-ათი
 ღვეპარდი.



მეფის ნადრობა.

მეფე ფარნაოზი ჩაბძანდა მოქედლილ როლ-
 ში; მისი საყვარელი „ყურშავი“ წინდაწინ ჩაუხ-
 ტა. მარცხენა ხელში ეჭირა ჟრუნი შვეარდენი. და
 განწყვენ ასე, ამ წესით გამგზავრებას; წინ მესა-
 კრავენი ბუკისა და საყვირების კვრით მოდიოდენ
 ისინი გაეშურენ ლიახვ-წონის ფენეკა-გზითა¹⁾, და
 ჩავიდენ ცხინვალისა და წონის ხეობით ყვირილის
 ხეობაში ჭოგნარამდის, საცა ყვირილა და რიონი
 ერთმანეთს უერთდებიან. აქედან მეფე და მისი ამა-

¹⁾ ფენეკა ქვა-ფენილია.

ლა ჩასტდენ რიონზე მოყენებულ კატარღებში, ანუ აფრიან¹⁾ ხომალდებში და ჩავიდენ თაზის ქალაქში, სადაც ქუჯი თავის ამალით შემოეგება მეფეს, სანადიროთ გამოწყობილი. აქედან კატარღებითვე წავიდენ მეფე და მისი სიძე, მათი ამალებიანა, შავი ზღვით და შევიდენ ქოროხის ნავთსადგურში. იმათ დააწყეს ასე, რომ ქოროხიდან მოენადიროთ ქობულეთის ქვეყნები, გადმოსულიყვენ რიონის ქალებზე და მოსულიყვენ ბედიის სატახტო ქალაქში, სადაც ქუჯი ერისთვის ადგილ-სამყოფელი იყო. ნადირობა გაგრძელდა თვე-ნახევარი.

მეფეს შეხვდა ჭაობიან და წყლებიან ადგილებში ყოფნა. ხშირათ მოხდებოდა, რომ ამისთანა მანებელ ალაგებზე ღამის გათევაც შეემთხვევოდა. მაგრამ ასეთი უსიამოვნობა მეფისა ჯილდოვდებოდა შვენიერი ნადირობის სეირით. არწივებს ერთიც არ წასვლიათ შველი და კანჯარი. მეფის არწივი ერთხელ ხარ-ირემს დააფრინდა თავზე და ორჯელ ნისკარტის დაკვრით კეფის ძვალი გაუხეთქა; ირემი უსულოთ დავარდა მიწაზე და არწივმა თბილი ტვინი ამოჰკამა. მეტათ შესაქცევარნი იყო ღვეპარდების ნადირობა და იმათი კატურ-ვეფხური ბრძოლა ღორებთან და ირმებთან.

¹⁾ აფრა—ტილოს იალქანი.

მეფე მეტათ მხიარულათ ატარებდა დროს; მაგრამ როცა ბედის მიბრძანდა და დაისვენა, მეორე დღეს რალაც შეუძლოა იგრძნო და თავი მომეტებულათ ატკივდა. ქუჯი ერისთავი ძლიერ შეწუხდა ჯარმაც მოიწყინა. ფარნაოზის დამ, ქუჯის ცოლმა, როგორც განვითარებულმა ვარსკვლავთმრიცხველობაში და მკითხაობის მეცნიერებაში, ვერ ნახა კარგი ნიშნები მეფის ავადმყოფობაში. იგი წამის-წამ შეჰკითხავდა ცასა და თავის სამოგვო წიგნებს; მაგრამ არც ცა უხსნიდა წარბს და არც წიგნები პირს. თუმცა თავის ქმრისა და ძმის წინაშე იგი იყო მხიარულათ და მოცინარე სახით; მაგრამ როცა ცალკე დარჩებოდა, მაშინ შეიკეტდა კარს სასახლეში, მიეცემოდა უზომო მწუხარებას და კრემლებს ღვრიდა. საექვო აღარ იყო, რომ მეფე მოხდომილით გამხდარიყო ავათ და დიდი იმედი აღარ ჰქონდა მისი მორჩენისა. მეფე ფარნაოზი ჩავარდა სიცხეში და ბოდავდა თავზე სველ სარდონის ტილოებს აფარებდენ, მაგრამ სიცხეს მაინც თან-და-თან უმატებდა. ბოლოს მეფის დამ მოიწვია მკურნალობაში განთქმული დედათა-ქურუმნი, დასხდენ მეფის საწოლის თავით და ფეხით; აიღეს ოქრო-ქსოვილი და აბრეშუმ-ნარევი სარტყლიბი, გაზომეს მეფის ტანი, შეჰკაცეს ოთხ ნაწილათ და შეულოცეს შემდეგი:

„სახელითა არმაზისა, ზადენისა და ანაიტისათა. მოხდენილო დედიანო, მოხდენილო მამიანო, შეილიანო. საიდან მოხდომილხარ?.. ზეციდან მოხდომილხარ, ჰაერიდან, თუ დედა-მიწიდან?.. შიშზე მოხდომილხარ, თუ სიხარულზე?.. რას ჩადგომილხარ კაცის ტანში, რას ახტუნებ, რას აცხელებ?.. გამოდი, გამოეყარე. ძვალში იყო, რბილში გამოდი და რბილიდან სულ გამოეყარე... შენ დედასთან მიდი, შენ მამასთან მიდი. მე ვარ მლოცველი არმაზისა. არმაზის მახვილო დააფრთხე ავი სული. ავადმყოფს არგე ამით“


ამ ლოცვას შემდეგ დედა-ქურუმმა გაზომა ოქრო-ქსოვილი სარტყლით მეფის გვამი ოთხივე კუთხით და კდევე დაიწყო საიდუმლოთ ლოცვა.

შემდეგ შეულოცა მეორე დედა-ქურუმმა თვალნაცემისა:

„აღისა, მალისა, შეგილოცავ თვალისასა, შინაურისასა, გარეულისასა, აღონაისასა; ბელიარისასა და ყოველთა ავთა მტერთა: ტანტალთა და ძაღლთა-პართა. გასკდა შავი კლდე, გამოვიდა შავი კაცი, გამოჰყვა შავი ცხენი, ზედ ედგა შავი უნაგირი, დაადგა შავსა გზასა და ჩავიდა შავსა ზღვასა. გადუყო შავი ფარჩხი, ამოყვა შავი გველი, გადაეკარ ჯოხი სიასა ქვასა; ისემც გამწყვარა, ისემც გამქრალა, როგორც ქვაბში კინჭარი, ავადმყოფის


ავად შემომხედავი ვისიც თვალი ეცა, ისე სჭკნებოდეს, ისე ხმებოდეს, როგორც ხის ქერქი. გაიარა ეზო, მოიტეხა თეძო, გაიარა საბაქელი, დაევისო თვალი სამხერი. აგრე და!. მოუხდინე არმაზო და მარბის ლოცვა ჩემი, ნება თქვენი თქვენსა ძესა ფარნაოზსა ზედა“.

როგორც რომ ეს ლოცვა გაათავა, მაშინვე შეუბერა სული დედა-ქუჩუმმა მეფეს სახეზე, მკერდზე, ხელებზე და ფეხებზე. მაგრამ არაფერმა წამლობამ, არაფერმა ლოცვამ ფარნაოზ მეფის ავადმყოფობას არა უშველა-რა მეფე მისუსტდა, მიიბნიდა, ცნობა დაეკარგა. სასახლიდან გამოვიდა ცუდი ამბავი. შიკრიკები აფრინეს მცხეთას დედოფალთან...





VI.

ერ პირველი შიკრიკი არ იქნებოდა მცხეთის სასახლის კარზე მისული, რომ მეორემ მოუსწრო უბედური ამბით: მეფე ფარნაოზი გადაცვლილიყო ბედიას. სასახლიდან საზარელი ხმა გამოვიდა, მოგვთა უბანში ატყდა ქურუმთა მწუხარების გალობა და გლოვის ზარი. არმაზის კოშკიდან ეუწყა დაღონებული გოდების ნაირი ლაღდება გარეშემო სოფლებს და ხეობებს მყივარნი ქურუმნი კოშკიდან კოშკზე აწვდნდნენ ერთ ნაირი მწუხარების გალობის ხმას, რომელიც აუწყებდა დიდებულ მეფის გარდაცვალებას სოფლიდან სოფლამდე, რთი ხეობის კოშკიდან მეორე ხეობამდე. ამ სახით მუცებ მოვლო მწუხარე ამბავმა მთელი მთა და ბარი. ერთი დღე არ გასულა, რომ მთელ საქართველოში, შავი ზღვიდან მოკიდებული დარუბანდამდის, გაისმა ხმა ფარნაოზ მეფის სიკვდილისა. ყოველგან ერი გარბოდა, იყრიდა თავს სამლოცველოებზე, თავში

იცემდა, იარაღს იყრიდა, წელს იხსნიდა და ხმა მაღლა დაღაღებით და მოთქმით ტიროდა. სასახლის უბანი დიდებული კარის კაცებით აივსო. ისინი დამწკრივებულიყვენ სამ-სამი ერთათ მთელი ეზოს სიმრგვლეზე, იდგენ მოწყენილნი და თვალ-ცრემლიანნი.

სასახლის კარი დაფენილი იყო. დარბაზში ტახტზე იჯდა ფეხ-მოკეცილი დედოფალი თმებგაშლილი, შავით მოსილი. ცალგნით დიდებული მეფის ნიშანი ოქროს ტახტზე ესვენა. ნიშნათ იყო მისი სამხედრო ტანთ-საცმელი, ბრინჯაოს (თითბრის) მოოქრული მუზარადი, წვრალ-თვალა ტანთ-საცმელი მისივე სახელოებიანი, ხვაფთანი (სამკერდე), საბარკული და ხამლები (ფეხ-საცმელი). ისეთი ხელოვნებით იყო ნიშანი შეწყობილი, რომ გეგონებოდა ტახტზე თვით მეფე ასვენიაო. ცალ-მკლავზე ედვა ფარი კამბეჩის ტყავით გადაკრული და ოქროს წვრილი ლურსმებით შექედილი ისე, რომ ლურსმებით მოქედილობა გამოხატავდა ლომსა. მარჯვნივ ჰქონდა დაწყობილი: ხმალი, შუბი, აფთი (ორპირი მოკლე ნაჯახი) და ლახტი (თავში სარტყმევი რკინის კომბალი). მეფის ნიშანთან თავით იჯდა მეფის შემკვიდრე, საურმაგი, დედოფლის გარშემო ტახტზე ირგვლივ ისხდენ დიასახლისები, ყველანი თმა-გაშლილნი და შავით შემოსილნი. ნიშანთან

იღვა მთავარი მოგვი შემოსილი და მასთან მრავალი ქურუმები ისინი სუნნელოვან ამბრას აბოლებდენ. ნიშნის წინ ოქროს სამ-ფეხზე ბრიალებდა წმინდა უმრეტი ცეცხლი. სამ-ფეხის ცალ-მხრით დედა-ქურუმი, თეთრით მოსილი, მსახურებდა ამ წმინდა ცეცხლსა. სასახლის წინ დაყენებული იყო მეფის საჯდომი ცხენი, უკუღმა შეკაზმული და შავით მოსილ მეჯინიბეს ეჭირა. მეორე მხრით იყო გაწყობილი სამხედრო როლი, ანუ ეტლი.

სახლთუხუცესი, შავით მოსილი, განაგებდა ტირილის რიგს. ეზოში კარის-კაცნი, მთავარნი და დიდებულნი თავის ღირსებისამებრ იყვენ ჩამწკრივებულნი. ეზოდან დარბაზში უნდა შესულ-იყვენ ორორი მათგანი ერთათ წელ-შეხსნილნი, თმა გაწეწილნი, გულ-გალიალებულნი ისინი იწყებდენ ვაების ხმით ტირილს, თავში და გულ-მკერდში იცემდენ მუშტს და ისე შედიოდენ დარბაზში. მათ გაჰყვებოდათ მოზარეთა კრებული, რომელნიც შევნიერი შეწყობილი ხმით ჰგალობდენ გლოვის ზარს და თვით დიდებულთა ტირილს შეუწყობდენ ხმას. ისინი დარბაზის კართან შეაჩერებდენ ზარის ხმას, რადგან თვით დარბაზში ამავე ზარს გალობდენ ქურუმთა კრებულნი. მოტირალნი დიდებულნი ჯერ მივიდოდენ წმინდა ცეცხლის წინ, მუხლს მოიყრიდენ, თაყიანს სცემდენ, შემდეგ მოთქმით იტირებდენ ნი-

შანს. ეტყოდენ შესხმას გოდებით, მოიხსენიებდენ ყოველ ფარნაოზის საქველმოქმედო საქმეს, შეამკობდენ, ვისაც როგორ ეხერხებოდა ნიჭისა და ცოდნისა-მებრ, მერე მუხლს მოუყრიდენ დედოფალს და მიუტირებდენ მემკვიდრეს. ამ ტირილის დროს დისახლისნი ერთ-ხმათ, გულ-მოსაკლავათ, მოზარეთა ხმათა შეწყობით, მკვნესართ შეძახებდენ: „უი-უი!! .. უი-უი!!...“ მათი მკვნესარი გალობა გულის შემზარავი იყო და რომ არ ნდომებოდა კაცს, მაინც გული აუჩვილდებოდა და ცრემლით იღვრებოდა. როცა ორი დიდებული გაათავებდა დარბაზში ტირილს, თითოეულ მათგანს ორი ხლებული გამოიყვანდა ისევ გარეთ ეზოში, სადაც ეზოს მოზარენი ისევ გამართავდენ ხარით გალობას. მოტირალნი მოვიდოდენ და ეზოში დამწკრივებულ დიდებულებს სათითაოთ მიუტირებდენ მეფის დაკარგვის უბედურებას. ყოველ მათ წარმოთქმაზე მთელი წრე ერთ-ხმათ შეძახებდა მოტირალთა: „ივაი-ივაი!.. . ივაი-ივაი!...“¹⁾.

როცა ამ სახით ორი მოტირალი გაათავებდა თავის რიგს, მერე განემზადებოდა მეორე რიგი ორი მოტირალისა და ასე ბოლომდის. ამ სახით ასეთი ტირილი და შეცხადება გაგრძელდა მთელ ორმოც

1) ასეთი ჩვეულება ტირილისა დღემდის დარჩენილა სვანეთში.

დღეს. ყოველ დღეს ახალ-ახალი მოტირალნი დიდებულთა, აზნაურთა, გლეხთა და მოხელეთა მოდიოდენ მეფის ეზოში. დარბაზში კი მხოლოდ სამღვდლოება და დიდებულნი შედიოდენ დედოფლის მისატირებლათ. აზნაურნი, მოხელენი, ვაჭარნი და გლეხნი ცალ-ცალკე წრეს შეადგენდენ და ისე ტიროდენ ეზოში. ისინი აწვდენდენ ვაების ხმას დიდებულთა და იძახოდენ დრო-გამოშვებით: „ივაი-ივაი!... ივაი-ივაი!...“ სანამ ტირილი და შეცხადება გაგრძელდა, ერი სასახლის ხარჯზე იკვებებოდა. ვინც იტირა, ის ისევ თავის ოჯახში ბრუნდებოდა. მაგრამ მის მაგიერათ ახალ-ახალი ბრბო მოტირლებისა მოდიოდა, ეს ამბავი, როგორც მოვიხსენეთ, ორმოც დღემდის არ შეწყვეტილა, სანამ მიცვალებული მეფე მცხეთას არ მოასვენეს

რაც სამთავრო სასახლეში ამბავი მოხდა, იმაზე კიდევ უფრო ზარდასაცემი ტირილი და ვაება შეიქნა ბედიის სატახტო ქალაქში, ქუჯის სამეფო სასახლეში, სადაც მეფის ცხედარი ესვენა

იქ ოვით მეფას ცხედარი შეამზადეს, რომ არ

დახრწნილიყო და სუნი არ აღენოდა; მერე სუნნელოვანი წამლებით შემურეს, აი, ამ გვართ¹⁾:

ჯერ მეფის გვამი გაწმინდეს შიგნეულობიდან. მოვიდენ მესუდრენი, მარილ-წყალში გაბანეს ტანი; შემდეგ მოვიდა კარის მკურნალი, რომელსაც ზედმიწევნით ჰქონდა კაცის ტანის აგებულობა შესწავლილი. იმან მოიტანა ფოლადის მარწუხი, შეუყო ცხვირის ნესტოებში, გატეხა ცხვირის ძვალი და შუბლისა, გააგანიერა ნახვრეტი შუბლის ძვლისა და გამოიღო მთელი ტვინი თავის სარქველიდან. იმანვე მთავარ ქურუმის თანადასწრებით გაფატრა მეფის მკერდი, ამოიღო ჯიგარი და დაათვალიერა. მკითხავმა ქურუმმა ილოცა და დაასკვნა, რომ მეფის ჯიგარს არავითარი სამეფოს მავნებელი ნიშნები არ ეტყობოდა. შემდეგ შიგნეული ამოიღეს, გაწმინდეს ყოველგვარ მწიკვლისაგან და ჩაღვეს წინათვე გამზადებულ შაბისა და მარილის წყალში, ჩაღვეს აგრეთვე შაბ-მარილ-წყალში თვით ტანი მეფისა. ორი კვირა ასე ამყოფეს, რომ ტანსა და შიგნეულობას მარილი და შაბი გაჯდომოდა. მერე ამოიღეს მეფის გვამი, ჩაუღვეს მკერდში და გვამში თავთავისი შიგნეულობა, შეჰკრეს და წააცხეს მეფის სახეს მუ-

¹⁾ ეს ხელობა ქართველებს ეგვიპტიდან ჰქონდათ გადმოღებული.

შკი, მური და სხვა ისეთი წამლები, რომ მისი პირის სახე დარბილდა და სწორეთ სიცოცხლის ფერი დაეტყო. გეგონებოდა, მეფე მკვდარი კი არ არის, ძინავსო. შემდეგ ჩადვეს ურთხველის კუბოში და აიტანეს „კუბო-კრული“.

კუბო-კრული იყო შვენიერი ჩუქურთმით გაკეთებული ხის ფარდული, ექვს ბოძზე აშენებული, ერთის ჟხარმაზარის ხის ტანის გარშემო. თვითონ ეს ურთხველის ხე იყო წმინდა ხე, რომელსაც ქართველები თაყვანსა სცემდნენ და ეგონათ, რომ ამ ხეზე ბუდობდა წმინდა ტყის სული. საზოგადოთ ქართველებს იმ დროს ზოგიერთი ხეები წმინდანებათ რწამდათ და ტყესაც თაყვანსა სცემდნენ. მთავარს ღმერთს ტყეებისას ეძახდნენ წმინდა ტყის სულსა, ანუ „წმინდანსა“ და ის ხეები, რომელნიც წმინდათ მიაჩნდათ, ფიქრობდნენ, რომ „წმინდანის“ ადგილსამყოფელი იყო. „წმინდანი“ იმ დროის ქართველების წარმოდგენით იყო ღმერთი, მფარველი მკვდართა. ამ ღმერთს შეეძლო მკვდრის გაცოცხლება და აგრეთვე მკვდრის სულის ან სამოთხეში, ან ჯოჯოხეთში შეყვანა.

ამისგამო ყოველ სოფელს და ყოველ ქალაქს, იმ დროს თავის წმინდა ხე ჰქონდა ამორჩეული, რომელსაც ერი თაყვანსა სცემდა და წირავდა საქონელს სულიერსა და უსულოს, ავეჯულობას და ყო-

ველნაირ მიწისა და ხელოვნების ნაწარმოებს. ქურუმნი ამისთანა ხეს უკმევდენ გუნდრუკს და სხვა სუნნელოვან საკმეველს. თუ ვისმე დაეკარგებოდა, ან ნადირი შეჭამდა შინაურ პირუტყვს, ის მაშინვე მიაშურებდა ამისთანა ხეს და შეევედრებოდა ტყის წმინდა სულს დაკარგულის საქონლის მონახვას, ან ნადირის კბილების შეკვრას. იმათ რწამდათ აგრეთვე, რომ ყოველი ისრით დაჭრილი ნადირი თუ კი მიაღწევდა ამ ხესთან და ჯამდა მის ფოთოლს, უეჭველათ განიკურნებოდა¹⁾. საცა კი ამისთანა წმინდა ხე იდგა ქალაქის ან სოფლის მახლობლათ, უშენებდენ ხის ტანის გარშემო ფარდულს, ანუ კუბოკრულს: ექვს ბოძზე და ფარდულის ბანზე დებდენ მიცვალებულის გვამს და ევედრებოდენ წმინდა ტყის სულს, მიცვალებულის გაცოცხლებას, ანუ იმის სასუფეველში შეყვანას. რამდენსამე დღეს შემდეგ, როცა დარწმუნდებოდენ, რომ წმინდა ტყის სულმა არ ინება მიცვალებულის გაცოცხლება, შემდეგ ჩამოიღებდენ მკვდარს და დაასაფლავებდენ. წმინდა ტყის სული, ანუ „წმიდანი“ წარმოდგენილი ჰქონდათ ნათელ ბურთის სახეთ. დღემდის ამ „წმინდან-

¹⁾ იხილე „ქართლის ცხოვრება“ 93 გვერდი, ნაწილი I.

ზე“ ბევრი მოთხრობაა, იმერეთში, სამეგრელოში და აფხაზეთში დარჩენილი უძველესის დროიდან.

ტირილი რომ გათავდა, ფარნაოზის სიძემ ქუჯმა განამზადა რიგი და წესი მეფის გვამის წამოსადებათ მცხეთას. იგი ჩადევს გრძელ ტახტრევანში და რაც ეგრისში დიდებული და ჩინებული კაცი იყო, ყველანი გამოჰყვენ. თითონ ქუჯი და მისი მეუღლე, ფარნაოზის დაჲ, ტახტრევანს უკან შავ მოწნულ კუბოში, ანუ ლორულში, ისხდენ. იგი იყო ეტლზე მოწყობილი და ბატონის შვილები მოჰყავდა. მთელი წყობა ჭირისუფლებისა შემდეგი წესით მოდიოდა: წინ იყო ეგრისის ჯარი ქურუმების თაონობით. შემდეგ მოჰქონდათ ტახტრევანით მეფის კუბო; მას უკან მოჰყვანდათ შავით მოსილ ლორულში ჩამსხდარნი ქუჯი და მისი მეუღლე. მათ უკან მოდევდენ კარის კაცები, მთავრის ამალა და დიდებულნი. შემდეგ მოჰქონდათ ტაძრეული და ბარგი მეფისა და მთავრისა.

გზა ფენექით (ქვაფენილით) იყო დაგებული. იგი მოდიოდა ბედიიდან ქალაქ დიმს. ფაზის (რიონ-ყვირილას) მდინარეზე, საქსურიასთან, საჯავახოს ზემოთ, იყო ხიდი ქვითკირისა. დიმიდან ფზა მიჰყვებოდა მდინარის მარცხნივ შორაპნამდის, შემ-

დევ გზა მიდიოდა ფაზის (ყვირილის) ხეობაში ჩიხის ქალაქამდე, მერე გადვიდოდა პერანგის მთაზე და ჩავიდოდა ურბნისს. ურბნისიდან გაივლიდა უფლის-ციხის ქალაქში და მივიდოდა მცხეთას. ცხედარს უნდა შეგვებოდა დიმიის ქალაქში წუნდისა და ოძრხეს ერისთავნი დიდებულებით და მათი ერი. შორაპნის ქალაქში უნდა დახვედროდა მარგვისის ერისთავი დროშით, თავის ჯარით და ერით. ურბნისს უნდა დახვედროდა კახეთის და ხორნაბუჯის ერისთავი. უფლის-ციხის ქალაქში უნდა მოგვებოდა სამშვილდის ერისთავი. მცხეთას დედოფლის კარზე იყვენ მთელი ქართლის სპასპეტი და ხუნანის ერისთავი თავის დროშებით, ჯარებით და ერით.

ამას გარდა ბედიიდან მოკიდებული, ყოველ სოფელსა და დაბის საზღვარზე ხვდებოდენ ადგილობრივნი მცხოვრებნი თავად-აზნაურობით, რომელნიც, რაკი დაანახავდენ მეფის გვამს, ჯერ კიდევ შორიდან შეჰქნიდენ ხმა-მალლა ტირილსა და გოდებას, ზარდაცემით და მწუხარე გალობით. ეგრიის მოტირალთა მაინც განსაკუთრებული ჩვეულება ჰქონდათ; ისინი იყვენ წელ-ზემოთ გაშიშვლებულნი, ხელში ეჭირათ მათრახები, იცემდენ თავ-პირში და ტანში და ტიროდენ. ბევრ მათგანს თავისა და ტანის დახეთქილ კანიდან გადმოჩქეფდათ სისხლი

და ერეოდა ცრემლის ნაკადულს. უფრო დიდი ზარისა და ვაების ხმა იყო ზემოთ მოხსენებულ ქალაქებში, სადაც დანიშნული იყო, რომ ერისთავები უნდა მიჰგებებოდნენ მეფის ცხედარს.

მცხეთის ქალაქის გარეთუბნები წიწამურისა და კოდმანის მინდვრები, აგრეთვე არმაზის გარემონი გაღიჰვედა სულ ახალ-გაკეთებული ხის სახლებით, რომ მოტირალაო შიგ თავი შეეფარებინათ; მაგრამ ვერც მცხეთა და ველარც მისი გარემონი მოსულ ერს ველარ იტევდენ. როცა მეფის ცხედარი შემოიტანეს წიწამურის ველზე, სასახლიდან დაიძრა ლიტანია; წამობძანდა დედოფალი, რომელსაც მოჰყვებოდა თავისი მამა, მოხუცებული ღურძუკეთის მეფე და მისი სახლობა. წინ დედათა ქურუმებს მიჰქონდათ ოქროს სამ-ფეხზე წმინდა ცეცხლი. მათ წინ მიუძლოდა გუნდრუკით მთავარი მოგვი და ქურუმთა ბრბო ზარის გალობით. ისეთი ტირილისა და ვაების ხმა ატყდა, ისეთი გოდებისა და ზარის ცემა იყო, რომ თითქოს დედა-მიწა შეიძრაო და განკითხვის დღემ მოატანაო. დედოფალი თმა-გაწეწილი, შავით მოსილი და ფეხშიშველა მოდიოდა და მწუხარებით მოთქვამდა. ქურუმნი მის ხმაზე ზარით გალობას აყოლებდენ. ცხედარი ტახტრევანიდან გადმოიღეს; მას გარშემოადგა ქურუმთა ბრბო, წინ წმინდა ცეცხლი დაასვენეს, ერისთავები თავის ღროშებით გარშემოერტყენ.

დედოფალმა როგორც დაინახა თავის ქმრის ცხედარი, იკივლა და სახე გაიპოტნა ისე, რომ მის ლოყებზე სისხლის ნაკადული ცრემლებს ერეოდა. ის მივარდა კუბოს, ზედ დაასკდა და გული შეუწუხდა. მამა მისმა, ღურძუკის მეფემ, უცებ მოჰკიდა ხელი, აყნოსა სუნნელოვანი ამბრა, წაღმა მოაბრუნა და წამოიყვანა.

მეფის ცხედარი მოასვენეს საჩეთო დარბაზში. მისი ჰირისუფლები დასხდენ ტახტზე. გაიმართა ისევ იმ წესითვე ტირილი და მიტირილი, როგორც წინათ. ამგვარმა წესმა გაატანა ერთ კვირას, სანამ სულ მთელი საქართველოს დიდებულნი დაჰსრულებდნენ რიგით ტირილს. შემდეგ წაიღეს მეფის გვამი არმაზის კოშკზე და დაუღეს მარმარილოს აკლდამაში არმაზის ანდრიატის წინაშე. ამას შემდეგ დედოფალი, ქუჯი, მისი მეუღლე და საურმაგი ჩასხდენ შავათ შემოსილ სამელოვიარო შენობაში, რომელნიც მათთვის. იყო აგებული სამეფო ეზოში და ერთ წელიზადს იგლოვდნენ. ამ დროს განმავლობაში მთელმა საქართველოს ერმა ჩაიკვა შავი, მოუშვა წვერი და თმა დაიწნა, ნიშნათ გლოვისა. მოგვთაში და სამლოცველო კოშკებზე იყო ნიადაგ დღე მწუხარების ზარი და მსხვერპლის შეწირვა ფარნაოზის სულისათვის. ყოველ დღე არმაზის კოშკზე მიჰქონდათ მეფის ულუფა (წილი) სასმელ-საჭმელი და

მრავალნაირი სანოვაგე ქართველებს რწამდათ, რომ
საიქიოს მკვდრის სული ისე იკვებებოდა, როგორც
სააქაოს ცოცხლები ცხოვრებენ¹⁾.



1) იხილე საქართველოს ზნე-ჩვეულებანი თეიმურაზისა
და ვახუშტის ისტორიაში. აგრეთვე ზნე-ჩვეულებანი სვანეთისა
და სამეგრელო-აფხაზეთისა. ავტ.

ქ.-შ. წერა-კითხვის გამავრც. საზოგ. გამოცემა № 91.

ილია ჭავჭავაძის

სასცალსო მიშლითოუკა, № 11.

გლახთა განთავისუფლების

პირველ-დროების

ს ც ე ნ ე ბ ი

ავტორის სურათით და მოკლე ბიოგრაფიით.

ტფილისი

მსწრათლ-მბეჭდავი „ძმობისა“, მოსკოვის ქუჩა, № 5.

1908

ილია ჭავჭავაძე

დაიბადა ს. ყვარელში (თელავის მაზრა) 27 ოქტომბერს 1837 წელს. პირველ-დაწყებითი სწავლა მიიღო სახლში; თერთმეტი წლისა მამამ მიაბარა ტფილისის ერთ კერძო პანსიონში, საიდანაც შემდეგ გადავიდა გიმნაზიაში.

1857 წელს გაემგზავრა პეტერბურგს და შევიდა უნივერსიტეტში იურიდიულ ფაკულტეტზე. მეოთხე კურსზე იყო, რომ თავი დაანება უნივერსიტეტს სტუდენტების არეულობის გამო, 1861 წ.

1863 წ. დაარსა ჟურნალი „საქართველოს მოამბე“, რომელიც გამოდიოდა ერთი წლის განმავლობაში.

1864 წ., მთავრობა რომ გლეხების განთავისუფლებას შეუდგა საქართველოში, ი. ჭავჭავაძე გაგზავნილ იქნა განსაკუთრებულ მინდობილებათა მოხელედ ქუთაისის გუბერნატორთან, გლეხებისა და ბატონების ურთიერთობის გამოსაკვლევად.

ამავე წლის ნოემბერში დაინიშნა დუშეთის მაზრის მომრიგებელ შუამავლად, ხოლო 1868 წ. მომრიგებელ მოსამართლედ. 1874 წ. თავი გაანება სახელმწიფო სამსახურს და გადმოვიდა ტფილისში, სადაც მალე დაიკავა სათ.-აზნაურო ბანკის თავმჯდომარის ადგილი.

1885 წ. არჩეულ იქნა წ.-კ. საზოგადოების თავმჯდომარედ და ამ თანამდებობაში დარჩა სიკვდილამდის.

1877 წ. დაარსა ყოველკვირეული გაზეთი „ივერია“, რომელიც შემდეგ გადააკეთა ყოველთვიურ ჟურნალად, ხოლო 1885 წ. დღიურ გაზეთად. 1902 წ. „ივერია“ გადასცა სხვებს.

მწერლობა ი. ჭავჭავაძემ დაიწყო 1857 წ., როდესაც „ცისკარში“ დაიბეჭდა მისი რამდენიმე ლექსი. შემდეგ მისი ნაწერები იბეჭდებოდა „საქართველოს მოამბეში“, „დროებაში“, „კრებულში“, „ივერიაში“, „მოამბეში“. მის კალამს ეკუთვნის პოემები: „სურათი ყაჩაღის ცხოვრებიდამ“ (კაკო ყაჩაღი), „დედა და შვილი“, „აჩრდილი“, „დიმიტრი თავდადებული“, „განდგეილი“; მოთხრობები: „კაცია-ადამიანი“, „გლახის ნამბობი“, „მგზავრის წერილები“, „გლეხთა განთავისუფლების პირველ დროების სცენები“, „სახჩობელაზედ“, „ოთარაანთ ქერივი“, „ნიკოლოზ გოსტაშაბი-შვილი“, მრავალი პუბლიცისტური, პოლიტიკური და კრიტიკული წერილი: „ცხოვრება და კანონი“, „აი ისტორია“, „სომეხთა მეცნიერნი და ქვათა ღალადი“ და სხ.

ილია ჭავჭავაძე მოჰკლეს 1907 წ. აგვისტოს 30-ს, ს. წიწამურის ახლო. დასაფლავებულია მთაწმინდაზე, ტფილისში.

გლესთა განთავისუფლების პირველ-დროების სცენები.

(ოთახი მიროვოის პოსრედნიკისა; სტოლი დგას, ზის მიროვოი პოსრედნიკი, რამდენიმე გლეს-კაცი დგას, ორი მებატონე სკამებზედ სხედან)

პოსრედნიკი. აბა გლახა კრიაშვილო! რადგანაც შენ ყველაზედ წინ მოხვედი, შენ უნდა სთქვა, რა საქმე გაქვს ჩემთან.

გლახა კრიაშვილი. მენა, შენი კირბმე, გლახა კრიაშვილი გახლავარ, როგორც მოგეხსენებათ. პაპა-ჩემი აზნაური გხლებიათ ნუგზარ ერისთვის დროსაო, სისხლის წვიმების დროსაო. ასე ამბობენ, თორემ მენა ეგ ამბავი საიღამ შეცოდინება. დიდიხნის კაცი ვიყო, კიდევ ჰო, მაგრამ მაგარი ესა, რომ არა ვარ დიდიხნისა. ბატონი ჩემი—აი დამლახვრა ღმერთმა,—სულ არ მაფიწყდება, რომ უხლო ბატონი აღარ არის, მაგრამ ჩუქულება რჯულთ უმტკიცესიაო, კიდონ ბატონი წამცდება ხვალმე. ნუ შემრისხამთ, შენი კირბმე.

პოსრედნიკი. მაგისათვის შენ არავინ არ შეგრისხავს.

გლახა ჭრიაშვილი. ნუ შემაცდენ, შენი ჭირიმე, ჩვენ გლებ-კაცი ვართ, ყველაფერს მალე დაფრჯერებთ ხვალმე. როგორ არავინ შემრისხავს, რომ ბძანებაა — ოც და-ხუთი მანეთი წაერთოს და ორმოც-და ათი როზგი დაეკრას იმასო, ვინც თავის ნაბატონარს დღეის იქით ბატონს დაუძახებსო.

პოსრედნიკი. ეგ ვინ გითხრა შენ?

გლახა ჭრიაშვილი. განა გლებ-კაცი რომა ვართ, ზაკონის კანონი ჩვენ კი არ ვიცით, შენი ჭირიმე.

პოსრედნიკი. დღეის ამას იქით, იცოდეთ: ვინც მაგისტანა სულელურს ხმებს ჰყრის ხალხშია, თუ ჩავიგდე, ძალიან დავასჯევინებ. შენც გირჩევ, მეორედ მაგისტანა სულელობა არავისთან აღარ გაბედო. ეგ სულ ტყუილია და ამასთანაც საშარცხვინოა, რომ თქვენისთანა ჭკვიანი კაცები მაგისტანა სულელურს სიტყვებს იჯერებენ. მერე? თქვი, რა გინდა.

გლახა ჭრიაშვილი. მენა? შენი მშვიდობა და დღეგრძელობა, შენი ჭირიმე.

პოსრედნიკი. მაგის გარდა?

გლახა ჭრიაშვილი. ღმთისა და ხელმწიფის წყალობა.

პოსრედნიკი. შენ, ჩემო საყვარელო, თუ მართო მაგისტვის მოსულებარ, მადლობელი ვარ, შეგიძლიან შინაც წახვიდე. ჰხედავ ხალხი მელის, მაგათი საჩივარიც უნდა მოვისმინო.

გლახა ჭრიაშვილი. არა, შენი ჭირიმე, მე-

ნაც მოსახსენებელი მაქვს. აგრემც ღმერთი დიდ ღლეს მოგცემს, პატარა მომისმინე. ამათთვის დიდი ბედენა არ არის, რომ ცოტა კილონ მოიცადონ. მოგახსენო, შენი ჭირიმე?

პოსრედნიკი. გეუბნები, სთქვი-მეთქი და შენი კი ხევის ბერისავით ლოცვა-კურთხევას მეუბნები, თითქო დასამწყალობელად მოსულხარო. აბა რა ვინდა, სთქვი.

გლახა ჭრიაშვილი. მენა? ეს მინდა, შენი ჭირიმე, რომ პაპა-ჩემი აზნაური გხლებიათ ნუგზარ ერისთვის დროსაო, თუ გაგიგონიათ, სისხლის წვიმების დროსაო. ასე ამბობენ, თორემ მენა რა ვიცი? დიდიხნის კაცი არა ვარ, რომ ნუგზარ ერისთავი მხსომებიყო, ეს კი ვიცი, რომ სისხლის წვიმების დრო ყოფილა. (პოსრედნიკი, თითქო მბეჭდდაო, მხრებს იწვეს) არა, ნუ გამიწყრები, შენი ჭირიმე, ერთი დალაგებით მომახსენებინე ჩემი გულის დარდი, როგორც ზაკონის კანონია.

პოსრედნიკი. ვინ გიშლის? ოღონდ ამას გთხოვ: ძალიან ნუ გააგძელებ, მოკლედ მითხარი.

გლახა ჭრიაშვილი. ოო, გადღეგრძელა ღმერთმა! მაშ ისევ თავიდან დავიწყებ და ბოლომდინ გავალ, თუ მიბძანებ.

პოსრედნიკი. თუნდა თავიდან დავიწყე, თუნდა ბოლოდან, ოღონდ კი მალე შემატყობინე, ჩემთან რა საქმე გაქვს.

გლახა ჭრიაშვილი. აი შენ ღმერთს კი ვენაცვალე! მაშ თავიდან მოგახსენებ.

პოსრედნიკი. ბძანე.

გლახა ჭრიაშვილი. ისე დალაგებით მოგახსენებ, შენი ჭირიმე. სიჩქარით, შენი ჭირიმე, თქვენც კარგად მოგეხსენება, სოფელი არავის მოუქამია. მოსამართლე ხელმწიფის ყურია, უნდა ყველაფერი თავიდან ბოლომდინ გაგაგებინო. თუ წყალი სათავეშივე აიძვრა, ბოლომდინ მღვრიედ ივლის, ამიტომაც მინდა ისევ თავიდან დალაგებით მოგახსენო, იმიტომ რომ კარგად დალაგებით დაწყობილი თავიდანვე საქმე ბოლომდინ ანკარა წყაროსავით გავა. ეს თქვენ უფრო კარგად მოგეხსენებათ, თორემ მენა ამაებისა რა მეცოდინება? ერთი რეგვენი გლეხკაცი ვარ, ჩემს დღეში სამართლის კარი არცკი დამინახავს, რა ფერია: წითელია, თუ შავი? იქნება თეთრიც იყოს, ვინ იცის? მენა ის თვალითაც არ მინახავს, მაღალი ღმერთის ღმთის-რისხვა და თქვენი ღმთის-რისხვა არა მაქვს, მართალს მოგახსენებ. აი ამიტომაც მინდა თავიდან დავიწყო, ისე სჯობია, თავიდანვე დალაგებით მოგახსენო: ჰაპა-ჩემი აზნაური გხლებიათ—ეს დიდი ხნის ამბავი გახლავს—ნუგზარ ერისთვის დროსაო, თუ გაგიგონიათ, სისხლის წვიმების დროსაო, ასე ამბობენ, თქვენი ღმთის-რისხვა არა მაქვს, თორემ მენა იმ დროებისა რა მეცოდინება. დიდი ხნის კაცი როდი ვარ. მართალია წვერ-ულვაშში ქალარა გამომრევია, მაგრამ მაგარი ესა, რომ დიდი ხნისა არა ვარ. ასე კი ნუ მხედამთ, რომ გავთეთრებულვარ. ჯათამ გამტება, შენი ჭირიმე, ჯათამ. რაც მენა ბატონის ბეგარაში

ოფლი მიღვრია, სულ რომ ერთად მოვკრიბო, ზღვა იქნება, თქვენი ღმერთს რისხვა არა მაქვს. თორემ რა გამტეხდა აგრე მალე. მენა ბევრი ვიყო, ბევრი ვიყო, სულ ბევრი ვიყო, (ჩაფიქრდეთ) რალა სიტყვა გაგიგძელო, გაგიგძელდეს სიცოცხლე, იმ დღეს ჩვენ სოფელში რომ ბძანდებოდი, აი პატარა საყდარი არ გახლავთ, აი ზალხი რომ მოაგროვე და ხელმწიფის სიტყვა რომ გამოგვიცხადე, აი იქავ ჩვენებიანთ წინა—ის საყდარი სულ არ იქნება ხუთი წლით ჩემზედ წინ აშენებული. აბა მას აქედ რა ხანი უნდა იყოს გასული. ჩოტკის კაცი, მალე მტერი მოგიკედეს, მალე მაგას გამოიცილობდა და იტყოდა: მაგდონი არათერი ხანიაო გასული, მაგრამ მაგარი ესა, რომ კაცმა შემომხედოს ასის წლისა ვეგონები. ჯათამ და ბატონის სამსახურმა აგრე იცის, თორემ არც ისე ხნიერი ვარ. სულ აკი მოგახსენე, ის საყდარი ხუთის წლით ჩემზედ წინ არის აშენებული—მეთქი. მენა ახლა ასე, რომ მოგახსენებო საყდარი—მეთქი, საყდარი ხომ საყდარია, თქვენ ეს უფრო კარგად მოგეხსენებათ, მაგრამ მაგარი ესა, რომ ხორციელი ადამიანი სულ სხვა არის ასე, რომა... ეჰ, რალა სიტყვა გაგიგძელო, გაგიგძელდეს სიცოცხლე, მაინც და მაინც ადამიანი სულ სხვა არის. თუნდ ეგეც არ იყოს, მაინც ხომ საყდარი ქვა და კირია, ადამიანი კი სულ სხვა არის ასე, რომა...

ერთი მებატონეთაგანი. (თათქო მოთმინებდაშ გამოფიდა) ღმერთმა მშვიდობა მოგცეს, კაი დალაგებ გლოდნია.

გლახა ჭრიაშვილი. (დაცინებას ვერ მიხვედრი-
ლი) რა ექნა, შენი ქირიმე, ზოგჯერ თქმა სჯობს
არა თქმასაო.

იგივე მებატონე. ზოგჯერ, ძმობილო, თქმი-
თაც დაშავდების.

მეორე მებატონე. დაეხსენ, სიტყვას ნუ აწყვე-
ტინებ, თორემ მე რომ მაგისი ამბავი ვიცი, ეგ
ისევ თავიდან მოგვიყვება და შენი მტერი, ჩვენი სა-
ქმე იქნება.

ერთი გლეხთაგანი. რა დაგემართა, ადამიან-
ო, ფეიქრის ქსელსავით გააბი და აღარ ათავებ.

გლახა ჭრიაშვილი. (გლესს) კუმ ფეხი გამო-
ყო, მეც ნახირ-ნახირო. შენა, შვილო, რა გიჭი-
ს? სხვა სხვის ომში ბრძენიაო, მე კი არა მკითხავ, რა
ნაღველი მაწევს.

პოსრედნიკი. კითხვით კი გკითხავთ და რომ
არ იქნა ვერ შეგვატყობინე.

გლახა ჭრიაშვილი. ლამაზად კი დავიწყე და
რომ არ მათავებინებენ. ჰო, იმას მოგახსენებდი: ის
სხედარი სულ არ იქნება ხუთის წლით ჩემზედ წინ
აშენებული, დიდი ხნისა რად ვიქნები? მაგრამ მა-
გარი ესა, რომ მაინც და მაინც ჩემ წილს წყალს
კიდონაც ჩაუვლია. მენა ბევრი, ბევრი, ძალიან
ბევრი რომ ვთქვა — ერთი ხუთიოდ წელიწადი იქნე-
ბა კიდონ ვიცოცხლო, ახლა ხუთი არ იყოს, შვი-
დი იყოს, შვიდი არ იყოს, ათი იყოს, სიტყვაა. ჯა-
ფამ ძალიან გამტება. აი, შენი ქირიმე, თოვლივით

კი გამათეთრა და, — ღმერთმა ასე თქვენც გაგათეთროთ.

პოსრედნიკი. მადლობელი ვარ დალოცვისათვის, სხვა?

გლახა ჭრიაშვილი. სხვა ისა, შენი ჭირიმე, რომ პაპა-ჩემი აზნაური გხლებიათ, დიდი ხნის ამბავს მოგახსენებ — ნუგზარ ერისთვის დროსაო, სისხლის წვიმების დროსაო, ასე ამბობენ თორ...

პოსრედნიკი. მე შენ როგორც გატყობ, დღეს შენის საქმის გათავებას არ აპირებ. მოდი ერთ რასმეს გირჩევ: პატარა ხანს იქით მიდევ: მე ჯერ ამათ გამოვკითხავ თავიანთ საქმეს და მერე მომიყვებ შენი ამბავი. შენთვისაც კარგია, უფრო კარგად მოიფიქრებ.

გლახა ჭრიაშვილი. უპ, დღეგრძელობა მოგცეს ღმერთმა, ეგ ძრიელ კარგად ბძანე. დიად კარგი გახლდებათ. გულის ყურს მოვიკრებ და უფრო დალაგებით მოგახსენებ. ახლა ხომ მოგეხსენება, გლებ-კაცი ვარ. მართალია, ჩვენს სოფელში სიტყვა-პასუხიანს კაცს მეძახიან, მაგრამ მაგარი ესა, რომ მაინც კიდევ თქვენი საკადრისი სიტყვა-პასუხი სად მეცოდინება, — ერთი ბეჩავი გლები-ვარ. ასე, რომ ჩვენობაში სიტყვა-პასუხს კარგად გამოვიყენებ, თქვენთან კი მოფიქრება სჯობია. ეგ კაი სიტყვა ბძანე: ჩემთვის ლამაზად გულის ყურს მოვიკრებ, ახლა გლებ-კაცი ვარ, ბევრი რამ მავიწყდება ასე, რომ ნახევრის ნახევარიც ვერ მოგახსენებ.

ნე. რომ მოვიფიქრებ და მოვისაზრებ კი ყველაფერს ზღაპარსავით მოგახსენებ, ასე რომა თქვენ. . . .

პოსრედნიკი. კარგი, კარგი. (მეორე გლეხს) აბა, ეხლა შენი რიგია. რას იტყვი? (ამ დროს შუამოკვამ მხსუცებული აზნაურშვილის ქვრივი).

ქვრივი. (სხაზასხუზით). თქვენმა მზემ ეს მეორედ მოსხლის ნიშნებია, ღმერთო, დაგვიფარე (იწიქს ზირჯვარს). რა ამბავი მოხდა, თქვენი ჰირიმე! სისხლით ნაშოვნე ყმები, მეფე ერეკლის თორმეტის ბექდით დამტკიცებული ოქმები თავზედ დაგვახიეს კი და! (გლეხებს) გიხარიათ განა, თქვე უბედურის შეილებო! ჰი!... (ქაქაჯას აყრის) მეხი კი დავაყარე თქვენ ტილიან თავებს!.. როგორ კასერ მოღერებულები დგანან გუშინდელი მატლები!.. უუ, უწინამც დღე გაგქრობიათ! . . .

პოსრედნიკი. მე გთხოვთ მაგათ თავი დაანებოთ და თქვენს გაუფთხილებეო სიტყვებსა ცოტაოდენი პატივი დასდვათ, აქ მოედანი არ არის. თუ რამ საჩივარი გაქვთ, მერე მიბძანეთ. ჯერ ამათ უნდა მოვუსმინო, რადგანაც ესენი თქვენზედ წინ არიან მოსუნი.

ქვრივი. (ისევე სხაზასხუზით) სულაც არა თქვენმა მზემ! ვინ მოგახსენათ? მაგათ ჩემზედ წინ უნდა ილაპარაკონ, მაგათ? მაშ მე კეთილშობილის ქვრივი აღარა ვყოფილვარ, მაშ მე. . .

პოსრედნიკი. დამშვიდდით. წესისა და რიგის აღსრულებით თქვენ თქვენი კეთილშობილება არ ჩამოგერთმევათ. სამართალი ამას ითხოვს, რომ, ვინც

წინ მოვა, ყველაზე უწინარეს საქმე იმას უნდა გაუთავდეს.

ქვრივი. სულაც არა თქვენმა მზემ! აზნაური-შვილს, წინ მოვა თუ მერე მოვა, გლახთან ყოველთვის პირველი ადგილი აქვს, თავადს კიდუნ აზნაურთანა. ჩვენც ვიცით კანონები, აქაო და თორმეტი შკოლა არ გამოგვივლია, ასე გგონია, არა ვიცოდეთ-რა. მეფე ვახტანგის კანონი ჩვენც წავვიკითხავს. თუ ეს კანონებიც შეუცვლიათ, გამოგვიცხადეთ მაინცა (გლახებს) აი თქვე გველის წიწილებო, გიხარიათ განა!..

პოსრედნიკი. უმორჩილესად გახოვთ მაგათ თავი დაანებოთ და იმ ადგილს, საცა ბძანდებით, პატივი დასდვათ და სატყვა ფრთხილად იხმაროთ.

ქვრივი. (გულამომჯდადა) აბა ეხლა აგვიშენდა ჩვენ კეთილშობილებს ოჯახები, აი. თქვენც ჩვენი მიწა-წყლის შვილს, კეთილშობილის სისხლსა და ხორცს ამათი მხარე გჭერიათ. აბა თქვენგან რაღას უნდა მოველოდდეთ? (გლახებს) დახე, დახე ამ ცოდვიშვილებს, რა ღიმილი მოსდით! (მაუბრუნდება მუხატანებს) რას გაჩუმებულხართ, კაცები არა ხართ, ხმას ვერ ამოიღებთ? ცა თავზედ გვექცევა. (პოსრედნიკს) აბა მე რაღა მეთქმის!.. რაღა სამართალი უნდა მომეცეს თქვენგან, თქვენც ამათი მხარე გჭერიათ, კეთილშობილის ქვრივს მეუბნებით, სატყვა ფრთხილად იხმარე გლახ-კაცთანაო. ისღა დაგვრჩენია: გულზედ ხელები დავიკრიბოთ და წყალში ჩავცვივდეთ. სხვა რა გზა გვაქვს. თქვენი ჭირიმი, ეს

რა მესმის: გლებთან ენა მოიკვნიტეო!.. მაშ ჩვენ რაღა ვყოფილვართ. (გლებებს) გიხარიათ განა! დაცადეთ, შხამად ამოგივათ ეგ სიხარული. (პოსრედნიკს) ამ დალოცვილმა ხელმწიფემ, ვსთქვათ, ყმები ჩამოგვართვა, კეთილშობილება ხომ არ ჩამოურთმევია, რას გვემართლებით?

პოსრედნიკი. მესამედა გთხოვთ, ღონის-ძიება მომცეთ ამ გლებებს საჩივარი მოვუსმინო. დაბძანდით, თქვენი რიგიც მოვა.

ქვრივი. რაო? მე განა მაგათი ამხანაგი ვარ, რომ მაგათ რიგში ჩავდგე, მაგ კახურ ღორებშია. უწინამც დღე გამქრობია!..

პოსრედნიკი. (მოათმინებილად გამოსუფი) მე ძალიანა ვწუხვარ, რომ თქვენ თქვენის ურიგო ლაპარაკით იძულებულ გამხდით, გთხოვოთ აქედამ გაბძანდეთ.

ქვრივი. (პატარად ფიქრ-მიცემუფი) რაღა, თქვენი ჭირიმე, რისთვის? კახური ღორები რომ ვსთქვი, სხვა ხომ არაფერი. მაშ განა ტყუილია? ბატონო, ეგენი არ არიან, რომ ოცდა ხუთ-ხუთ მანეთად დააფასეს! კახური ღორი, თქვენმა მშემ, ზოგჯერ მეტადაც იყიდება. მაგ სულელებს ფიქრადაც არ მოუვიდათ, რომ ერთი ოცდა ხუთ-ხუთიოდ მანეთი თითონ ზედ დაეყარათ, რომ კაცი კაცის ფასად გასულიყო. აი გლებები მაგისთანა უსვინდისონი არიან, აი, რომ თავის თავის ფასიც არ იციან. თქვენ კი მიბძანებთ, გლებთან სიტყვა ფთხილად იხმარება აბა როგორ ვიხმარო, მაგის ღირსნი არიან განა.

ეგენი?.. მშვიდობით ბძანდებოდეთ, ღმერთმა თქვენ მშვიდობა მოგცეთ და ჩვენ კი ჩვენს სისხლს არ დაეკარგავთ. მშვიდობით, მე თქვენთან ღმერთმა დამიფაროს, რომ კიდევ მოვიდე, თქვენ გლახების მხარე გჭერიათ. მშვიდობით!..

პოსრედნიკი. მშვიდობით ბძანდებოდეთ.

ქვრივი. მაშ მითხოვთ რაღა? კეთილშობილის საჩივარის მოსმენა არ გინდათ?

პოსრედნიკი. მე არ გითხოვთ, თუ თქვენს რიგს მოუცდით და რიგიანად ილაპარაკებთ.

ქვრივი. მაგას თავის დღეში ჩემს თავს არ ვაკადრებ. ღმერთმა დამიფაროს, თქვენთან ვიჩივლო როდისმე. აზნაურსა და კეთილშობილს თქვენთან სამართალი არა ჰქონია. (ქვრივი გავა და შეჰრე ოთახში შეხედება სხვა შებატონეს. ამათი ღაზაკის ხმა ისმის პოსრედნიკის ოთახში).

მებატონე. ჩემო რძალო, სად მიბძანდები?

ქვრივი. ჯანაბას, ჩემო მაზლო, ჯანაბას! ეხლა დაგვიღვა ჩვენ თვალი, რომ მაგისტანა მოსამართლე დაგვინიშნეს!

მებატონე. როგორ?

ქვრივი. ასე რომ შენაო, რადგანაც მებატონე ხარო და კეთილშობილიო, გლახთან წინ არ უნდა წამოდგეო; გლახთან პირში ბურთი უნდა გედოსო; თუ ხმას ამოიღებო, კრძალვითა და შიშით უნდა ამოიღოვო; არ უნდა უჩივლო გლახსაო. თქვენთვის ეხლა სამართლის კარი დახშულიაო; რაც არიან ეხლა, გლახები არიანო; მე თქვენს საჩივარს

ყურსაც არ ვათხოვებო; ბატონყმოზა გადავარდაო და თქვენ ვილა ყრიხართო, სწორედ ამ სიტყვით, ვილა ყრიხართო.

მებატონე. (შეკრთომით) არა თუ ღმერთი გწამს? **ქვრივი.** თქვენზედ მიწა არ მენახოს.

მებატონე. არა ისე სთქვა, თქვენ ვინა ყრიხართო!

ქვრივი. სწორედ მაგ ლექსით. მერე კიდევ რაო? (ჩაფიქრდება და იგონებს) ასეო, ისეო, თქვენ ვინა ყრიხართო. მერე ვისთან მითხრა? ოთახი სავსეა იმ ძაღლის გავარდნილებითა.

მებატონე. არა მჯერა.

ქვრივი. შედი და დაიჯერებ. მე კი ღმერთმა დამიფაროს, მაგასთან ვიჩივლო, ვილაცა გდებულა ვგ თქვენი მირუა, თუ ვილაცა.

მებატონე. (შედის ზოსრედნიკის ოთახში; ქვრივი ჯუჯრუტანდამ იეურება ეურება-ატქვეტილი). პოსლადნიკს ვახლავარ, მე გახლავარ...

პოსრედნიკი. კარგად გიცნობთ დაბძანდით, თქვენი ჭირიშე (სკამს შიუდგამს. მებატონე ჯდება).

მებატონე. (თავის თავად) ფიცი მწამს და ბოლო მაკვირებს! ეს კაი თვალითა ვნახე. (ამდრას გაიღება კარები და შემოვარდება ისევ ის ქვრივი).

ქვრივი. თუმცა თქვენ არ გინდათ ჩემი საჩივარი მოისმინოთ, მაგრამ მე მაინც ჩემსას არ დავიშლი, ჩემს საჩივარს ვიტყვი. თუ სამართალს არ მამცემთ, დაილოცა ხელმწიფე, თქვენზედ დიდი მო-

სამართლებიცა ჰყავს; მარტო თქვენს ანაბარად არა ვართ გაშვებული.

პოსრედნიკი. აი სკამი ინებეთ. ჯერ ამ გლესს უნდა გამოვკითხოთ თავისი საჩივარი. (გლესს) აბა რასა სჩივი შენ?

მეორე გლესი. მენა იმასა ვჩივი, შენი ჭირიმე, რომ ბატონმა ვენახი ჩამომართო, მამა-პაპის აშენებული.

პოსრედნიკი. რამდენი ხანია მას აქედ?

მეორე გლესი. იქნება ერთი ათი-თორმეტი წელიწადი. მე მაშინ ღამის მეხრეობა შემძლებია, როცა ეგ მომხდარა.

ქვრივი. (აწვევტილებს გლესს სიტყვას). მე მაგას ვერ მოვითმენ, რომ მაგან ჩემზედ ადრე საჩივარი მოგახსენოს. მე კეთილშობილის ცოლი ვარ, კეთილშობილის სისხლი მიდგა. მე ჩემს საჩივარს მოგახსენებ: ჩემმა გლესმა ..

პოსრედნიკი. (წერამით). ბატონო, გთხოვთ ღონის ძიება მომცეთ ჯერ ამას მოვუსმინო. (გლესს). რაო, რა სთქვი, როდის ჩამოგართო ვენახი?

მეორე გლესი. ერთი ათი-თორმეტი წელიწადი იქნება, შენი ჭირიმე!

ქვრივი. ჩემმა კაცმა...

ახალი მოსული მებატონე. ჩემო რძალო! დაცალე, რას გეცხირები ხოლმე ლაპარაკში.

ქვრივი. ვის დავაცალო, ვისა?.. ამ ტყლაპსა!.. ოჰ, დიდი რამ მომხდარა, თუ მებატონეს მაგისათვის ვენახი წაუერთმევია. კარგია, რომ ეგ თითონ

ძალღზედ არ გაუცვლია. ვერ უყურებთ! რა დრო მოვიდა? რაზედ ჩივიან? აი გვცოდნოდა, მე ვიცოდი, როგორც ძალღის ლეკვებზედ გაგცვლიდით. დააცალე! უკაცრაოდ. მე ის არ გახლავარ, მითხრან: დაჯექ, დავჯდე; მითხრან: ადგე, ავდგე. კეთილშობილის ცოლს მეძახიან, მე ჩემის თავის პატივი ყველგან ვიცი. (ზოსრედნიკს) არა თქვენგანაც მიკვირს, მაგისთანა ზღაპრებს ყურს როგორ ათხოვებთ? ვენახი ჰქონია და ბატონს წაურთმევია. დიდი რამ მომხდარა, თქვენმა მშემ! როგორ გაუბედნია მებატონეს!.. (გაქვს). მეხიკი დავაყარე თქვენს თავს!.. კიდევ რომ.. სჩივიან. ვერ უყურებთ, ბატონზედ სჩივიან. აი სად არის ის დრო, რომ ეხლა შენი ბატონი მაგისათვის არ გაგაწვენიებს და ფეხებიდამ თავამდე ტყავს არ აგაძრობს. კიდევ რომ სჩივის? უი უწინამც დღე გაგქრობიათ!.. (ზოსრედნიკს). განა მაგათ საჩივარიც შეუძლიანთ მებატონეებზედ! მაგრამ რა? თქვენ მაგათი მხარე გქეჩიათ და ყველაფერს ნებას მისცემთ, ვინ არის პატრონი.

პოსრედნიკი. (მოთმინებიდამ გამოსუფი). მე იმოდენა მოთმინება ვიქონიე, რომ თქვენს უსაქმო ლაპარაკს აქამდინ ყური ვუგდე. რადგანაც ეხლა ვხედავ, რომ მაგ უთავ-ბოლო ლაპარაკს ბოლო არა აქვს, გთხოვთ ან თავი დავგანებოთ და შინ წაბძანდეთ, ან დაბძანდეთ და ხმა აღარ ამოიღოთ, მინამ თქვენი რიგი არ მოვა.

ქვრივი. (სხაპასხუჭით) ჩემმა გლახმა ამ ორის

კვირის წინად ქალი გაათხოვა, მღვდელმა უჩემოდ ჯვარიც დასწერა და საჩექმეს არ მაძლევს. მე გთხოვთ საჩექმეც წამირთოთ, როგორც რიგია და კანონია და მღვდელიც გააკრეჭინოთ. (გლახებს). ოლოლო თქვენ!.. დაგასწარით, თუ არა! ჰი! ეხლა თუნდ საღამომდინ ვიჯდები. მე ჩემი კი შევასრულე და!.. ხმასაც არ ამოვიღებ, ო თქვენმა მზემ, ეხლა ხმასაც არ ამოვიღებ. (ჯდება სკამზე და გამარჯვებულად იქედ-იქით იუურობს).

პოსრედნიკი. (გლახს). შენ, ჩემო ძმაო, ის ვენახი ველარ დაგიბრუნდება, რადგანაც შენ თითონ ამბობ, ათი-თორმეტის წლის წინად ჩამომართოვო.

მეორე გლახი. დიად, წინად იყო ეგ ამბავი, — კაცმა მართალი უნდა სთქვას.

ქვრივი. (თავის მაზღს შებატონეს). გაიგე, ჩემო მაზლო, ჩემო ძმაო! აი მეხი-კი დავაყარე მაგის კეთილშობილებას, ჩვენ სახლიდამაც გვაგდებს და მაგ ტილიან გლახს კი „ძმაოს“ ეუბნება.

მეორე გლახი. მაშ მენა აღარა მეშველება-რა, შენი ჭირიმე!

პოსრედნიკი. თუ კანონზედ მივარდა საქმე, ვერაფერი, მაგრამ მე შენ შებატონესთან მოვილაპარაკებ, იქნება შეგაბრალო და თითონ თავის ნებით დაგიბრუნოს.

მეორე გლახი. მადლობელი, შენი ჭირიმე, შენი (გაჯა).

ქვრივი. (თავის მაზღს ჩუმად) ვისი კაცია? (მაზღი ჩუმად ეუბნება, ვისიღ არის) კიდევ იმიტომ! .

ის დიდი კაცია მაგის ბატონი და იმიტომაც მაგ ტურტლიანს ვერა უშველარა. მეც არ გამიკვირდა, გლები როგორ გაამტყუნა-მეთქი, — თურმე ნუ იტყვი, იმისი ჰშინებია.

პოსრედნიკი. (შარგელს მებატონეს). აი თქვენი გლებიც ჩემს დაბარებაზედ გიახლათ, რას უჩივით?

პირველი მებატონე. ვხედავ. მაგაზედ ჩემი ხუთი თუმანი ყალანია და აი რამდენჯერ მითქვამს და არ მაძლევს.

პოსრედნიკი. (ამ მებატონის გლეხს). მართალია, რასაც შენი მებატონე გიჩივის?

გლები. ჰაი, ჰაი, მართალია. (მებატონეს). მაგრამ, ბატონო, მაგისათვის რად შეიწუხეთ თავი. აკი მოგახსენეთ, კავკავს ურმები გავისტუმრე და რაწამსაც ჩამომივლენ, მაშინვე მოგართმევ-მეთქი.

პოსრედნიკი. მაშ, შენ თანახმა ხარ, მიართვა ეგ ფული?

გლები. ჰაი, ჰაი! მაშ არა? მაგისათვის ჩემს სულს როგორ დავუმძიმებ. რაც თავი შემისწავლია, შენი ჭირიმე, მე ვინახავ მაგათა, მაგათის მადლით ღმერთი მეც ბლომად მაძლევს. მე ჩემს მებატონეს როგორ ვუღალატებ, ღმერთი მაგათ მაგიერ მიხდის. (მებატონეს) ბატონო, შენი ჭირიმე, რაკი ეგრუა და ძალიან გიჭირს, დღესვე ავიღებ ვალადა და თქვენ კი არ შეგაწუხებთ. მეტყობდი, შე დალოცვილო, თუ ძალიან გიჭირდა და დღეთის მოღალატე ვიქნებოდი, თუ თავი ქვას არ მეხალა და არ მეშოვნა.

მაგისტვის როგორ გაჩივლებდი! ვაი შენ, ჩემო თავო!... საჩივრად საქმეს როგორ გაგიზღიდი.

პოსრედნიკი. ბარაქალა, რომ აგრე მუყაითი ყოფილხარ შენის მოვალეობის აღსრულებისათვის; წადი, უშოვნე და ჩააბარე.

გლები. ჰაი, ჰაი, ჩავაბარებ დღესვე; (მებატონეს) წამობძანდები, ბატონო?

(მებატონე ადგება და გაჭყვება გლეხს).

ერთი მოხუცებული მებატონე. (თავისთავად ხმა-მადლა) ვინა სთქვა,—გლებმა ჩვენზედ გული აიყარაო. მიუქარავს, ვინც ამას იტყვის დღეის შემდგომ. კაი კაცი ყოველთვის კარგი იქნება.

პოსრედნიკი. დიად, პატიოსანი გლები ყოფილა (მოხუცებულს მებატონეს) ახლა თქვენი საქმე უნდა გავარჩიოთ. ეს თქვენი ნაყმევი იაკო შაიაშვილი იძიებს თქვენგან ერთ რაღაც მიწას საკუთრებად; აი ნასყიდობის ქაღალდიცა აქვს (მაწოდებს ქაღალდს).

მოხუცებული მებატონე (ღიმილით). მე, შენი ჭირიმე, უწინდელი კაცი ვარ, კითხვა არ ვიცი, (გლეხს) იაკო! ეგ რა მიწაა?

იაკო შაიაშვილი. აი, შენი ჭირიმე, დელის მიწას რომ ეძახიან, ჩვენებიანთ მიწის გვერდზედ, აღმა-დაღმა მიწა.

მოხუცებული მებატონე. ის განა ნასყილია? როდინდელი?

იაკო შაიაშვილი. პაპი თქვენისაგან უყიდნია პაპა-ჩემსა.

მოხუცებული მებატონე. პირველად მესმის. მაშ პაპი-ჩემის ხელი უნდა ეწეროს მაგ ქალაღზედ. ცხონებულმა წერა კარგად იცოდა. ბიჭო და, თუ ნასყიდი იყო, ღალას რაღად მაძღვედი.

იაკო შაიაშვილი ბატონი იყავ და გაძღვედი, მე რა წინააღმდეგობა შემეძლო. მენა და შენა იმისთანა ბატონ-ყმობა არა გვქონია, რომ ამელო თავი და სხვასავით მეჩვილა. ღალას რად გაძღვედი? იმიტომ გაძღვედი, რომ შენზედ მენა ჩემი ღღენი არა დამკარგვია რა. ჩვენი ბატონ-ყმობა ბატონ-ყმობა არ იყო, სესხი და ვალი იყო: მენა შენ მინახავდი და მენა შენ გინახავდი. ჩვენთვის ბატონ-ყმობა არ გადავარდნილა, ისევ ისე შენ ერთგულ იაკოდ მიგულე.

მოხუცებული მებატონე. მაშ თუ აგრეა, ჩემო იაკო, ეგ ქალაღი ჯერ ჩემთვის უნდა გეჩვენებინა. მე და შენში სხვა კაცი რა საჭირო იყო? ისეც მოვშველდებოდით. ეგეც რომ არ იყოს, ერთი ორიოდ ღღის შავ მიწას როგორ დავიშურებდი შენთვის: შენი ღღენი ჩემს ერთგულებაში დაგიღამებია.

იაკო შაიაშვილი. ნუ მიწყენ, შენი კვნესა მე. რა ვიცი! საშვილიშვილო საქმეა. მენა და შენ რომ ცას შევბერებულებიყავით, მაშინ არა მენაღვლებოდა-რა, შენთან არა გამიჭირდებოდა-რა. ვინ იცის, ჩვენ რომ აღარ ვიქნებით, რა მოხდეს? ქალაღდს დამტკიცება უნდა. იქნება ტყუილიც არის, ვინ იცის? ნუ მიწყენ, შენი ჭირიმე! საშვილიშვი-

ლო საქმეა, ბატონო, და თუ მართლა წყენულობ, მალე მტერი შენ მოგიკვდეს, მალე იაკომ ეს ქალღმერთი შენის ჭირის სანაცვლოდ გახადოს. ორი დღის მიწისთვის შენ დაგკარგავ?! ამ ფარატინას ჩვენს სიყვარულს როგორ დავარღვევინებ!

ქვრივი. (თავის თავად ბუტბუტებს) ოო, შეკრელო გველო, ფარისეველო! რა რიგად უძვრება ვულში!.. უი ნეტავი ერთი შენი ბატონი მე ვიყო!..

მოხუცებული მებატონე. მართალი ხარ, იაკო, საშვილიშვილო საქმეა. (ცოტა ადუღუბით). მე აღარა მეთქმის-რა. (ზმსრედნიკს) აბა ერთი წაიკითხეთ, რა სწერია. აი, ბატონო პოსრედნიკო, პურმარილობა ბატონ-ყმობაშიაც ყოფილა თურმე! (ზმსრედნიკი ჰკითხულობს ქაღალდს).

პოსრედნიკი. (ბოლქს) „ხელს ვაწერ უთრუთი... შვილი“.

მოხუცებული მებატონე. უთრუთი პაპა-ჩემი გახლდათ. (გჯეხს). მაშ რაკი აგრეა, თუნდ შენი ერთგულობა და პურმარილიც არ მახსოვდეს, მაინც და მაინც პაპა-ჩემის ნაფურთხსაც არ ვუღალატებდი. მე, მართალია, ერთი ღარიბი აზნაურშვილი ვარ, ერთი ორიოდ დღის მიწა ჩემის სახლობისთვის დიდი რამ არი, მაგრამ, რაც უნდა იყოს, პაპი-ჩემის სახელს მე მჩვრად არ გავხდი. მომიცია შენთვის, ჩემო იაკო, ღმერთმა კაი კაცობაში გამოგიყენოს!

ქვრივი. (წაბუტბუტებს) მიუცია!.. მუხრან-ბატონი მობძანდა და უწყალობა!.. დიად, სწორედ დაგიმადლებს კი!..

მოხუცებული მებატონე. (თითქმე ეწეინათ). ყველას, ჩემო დაო, თავისი თავი აბარია. მე მუხრან-ბატონი არა ვარ. მე ერთი ღარიბი აზნაურთაგანი ვარ, რომელსაც ერთი ლუკმა ღარიბული პური აქვს და ჰცდილობს, რომ ის ლუკმა შეერგოს, დამიბადლებს, თუ არა—ეგ თითონ იცის. მე კი როგორც მივლია, საფლავის კარებამდინ ისევ ისე ვივლი. (გღეხს) იაკო! მე და შენ, მგონი, ერთმანეთზედ გულს არ ავიყრით!

იაკო შაიაშვილი. უწინ ჩემზედ მიწა გენახოს! შენი ჭირი მენა ვარ, ჩემი ლხინი შენა ხარ, გულს როგორ ავიყრი.

მოხუცებული მებატონე. (ღმობიერად). დაილოცა, ღმერთო, შენი სამართალი: გაუყრელს ვერაფერ ვერ გაჰყრის (ჰასრედნიკს). აბა, შენი ჭირი-მე, ერთი ქალღი დაგვიწერეთ, ხელი მოვუწერო, თორემ (სარტუელს ფრივე ხელით იბღერტს და ღიმილით) ლამის უჭმელობით გავწყდე.

პოსრედნიკი. ეხლავ, ჩემო ბატონო! (ჰასრედნიკი სწყნარს მორიგების ქადაგდს და დაწერის შემდეგ ხმამაღლა ჰკითხულობს).

მოხუცებული მებატონე. ძალიან კარგი. (ჭკრივის მახლს). მე წერა არ ვიცი, აი ჩემი ხელი, ჩემ შაგიერ ხელი მოაწერე. (მებატონე ხელს აწერს). ეხლა ხომ შეგვიძლიან, შინ წავიდეთ.

პოსრედნიკი. შეგიძლიან წაბძანდეთ. მადლობას მოგახსენებთ მშვიდობიანად მორიგებისათვის.

გასაგონადაც სასიამოვნოა მაგისტანა სიტკბოებითი მეზობლობა, როგორც თქვენა გქონიათ.

მოხუცებული მებატონე. მაგას ნუ ბძანებთ, —სასარგებლოა, სასარგებლო, თორემ ჩემს სიტყვას მოიგონებთ. (გლესს მხაჩუჯად). წამო, იაკო, ერთი ჩვენ კაკალ ქვეშ ჩავსხდეთ და ერთი კიდევ ხელახლად დავიძახოთ მე და შენ: „ბატონისა ვარ ლალი ყმა, მტერო, არ შეგეპოვები“-თქო და სხვამ რაც უნდა სთქვას. მშვიდობით! (გლესიჭა და მოხუცებული მებატონეც გადიან).

პოსრედნიკი. (მესამე გლესს). შენ ამათი (უჩუკუნებს ქვრივის მაზღზედ) ნაყმევი არა ხარ?

მესამე გლესი. ჰაი, ჰაი რომ მაგათი ვარ.

ქვრივი. (თათქო თავის თავს ეჯახარაკებათ მწუხარებით). უი ამ დღის მნახველს! ნაყმევიო და არა ყმაო!.. ღმერთო! რას შეგვასწარ!..

პოსრედნიკი. ეს თქვენი ნაყმევი მოგახსენებთ, რომ ამ წლის თებერვალში სამის დღის მიწა ჩამოვირთმევიათ.

ქვრივის მაზლი. მართალია. ჩემია და ჩამოვართვი ყოვლად მოწყალე ხელმწიფის ბძანებითა.

პოსრედნიკი. სწორედ ვერ შეგიტყვიათ: გამოცხადების დღის აქედ მებატონეს მთავრობამ ნება არ მისცა, რომ გლესს ჩამოართოს რამე. ვიდრე დებულების ოქმი დაიწერება, იმ დრომდე გლესს ის უნდა ეჭიროს, რაცა სჭერია.

ქვრივის მაზლი. ოქმი დიდი ხანია, თქვენმა მზემ, დაწერილი მაქვს და ყუთშიაც მიდევს. მეფე

ერეკლეს ოქმია. რომ გაშალოთ, ამ ოთახს თავი-
დამ ბოლომდინ გასწვდება, თორმეტი მეფედ მეფის
ბეჭედი აზის, ხონთქარსაც ხელი უწერია. აი თო-
რემ ჩემმა რძალმა კარგად იცის.

ქვრივი. როგორ არ ვიცი! იმითი გვიდგა სუ-
ლი, თორემ ჩვენ რა ვიქნებოდით. ის რო არა
გვქონდეს, ხომ სულ ყველაფერს ჩამოგვაცლიდით
და ამ დასამიწებს მისცემდით.

პოსრედნიკი. მე მაგ ოქმს არ მოგახსენებთ.

ქვრივის მაზლი. სხვა ოქმი კი, სწორედ მო-
გახსენო, ჩვენ არა გვაქვს. არა, ჩემო რძალო, მგო-
ნია, არა გვაქვს.

პოსრედნიკი. რასაკვირველია ის ოქმი, რო-
მელსაც მე მოგახსენებთ, თქვენ არ გექნებათ. ესლა უნ-
და დაიწეროს. იმას დებულების ოქმს ეძახიან, რო-
მელშიაც გამოცხადებული უნდა იყოს, თქვენგან რა
ერგება გლესს და გლესისაგან რა გარდასახადი გერ-
გებათ თქვენ.

ქვრივის მაზლი. თქვენც არ მამიკვდეთ, ჩემ-
გან გლესს არა ერგოს-რა, და თუ იმისგან მარგუ-
ნებთ რასმეს, ეგ თქვენ იცით. ქალაღის დაწერით
რომ არ შეგაწუხოთ, განა უქალაღოდ კი არ
დაგჯერდებით? ერგოს რამე!.. რა უნდა ერგოს ჩემს
ყმასა ჩემგანა? რა ჩემი ძმა არის? შენც არ მომი-
კვდე, მე ახალი ოქმი არ ვინდომო. აბა რა? მეფე
ერეკლეს ოქმი იქით მიაგდეთ და ახალი დაწერეთ.
ყოვლად მოწყალე ხელმწიფემ ინება, ყმა გაანთავი-
სუფლა; მიწაო, ბძანა, ბატონისა არისო. მე ჩემი

ჩამაბარეთ, მაგას თავისი თავისუფლება მიეცით. აღარც ოქმი და აღარც დავიდარაბა. მშვიდობით და გამარჯვებით. არა, ჩემო რძალო?

ქვრივი. დიად, თქვენმა მზემ! თუ მართალი ვნებავთ, მართალიც ეგ არის.

პოსრედნიკი. მცირე მამულიანი მებატონე ხომ არა ბძანდებით? სულ რამდენი დღის მიწა გექნებათ?

ქვრივის მაზლი. (ასე გკონია ეწეინა). მცირე მამულიანი რად ვიქნები? (ტყაბახებით). მე, სულ ცოტა რომ ვსთქვა, ერთი ოთხას-ხუთასიოდ დღისამეტი მაინც მექნება.

ქვრივი. (ზოსრედნიკს) წიგნში ჩაწერეთ, შენი ჭირიმე, ჩემის ობლების ნუგეშო, რომ ნახევარი ჩემის ობლებისა არის.

ქვრივის მაზლი. ახლა, ჩემო რძალო, რა არი, მაშინვე პირში მივარდები ხოლმე კაცსა. (ჩუმად) ვატყუებ.

ქვრივი. (ჩუმად). მეტყოდი, შე დალოცვილო, ხმას ამოვიღებდი? (ხმამაღლა). დიად, მარტო მაგის წილად ხუთასისა რომ არ იყოს, არც კი ბევრით ნაკლები იქნება. მაგრამ მაინც და მაინც კი ერთი მაგოდენა ჩემს ობლებს უნდა ერგოს. წიგნში ჩაწერე, შენი ჭირიმე, რომ მთავრობამ იცოდეს.

პოსრედნიკი. მე იმისთვისა გკითხეთ, რომ, თუ ვინიცობაა სამოცს დღეზედ მეტი არ გექნებოდათ, მაშინ ნება გქონდათ ამ ორის წლის შემდეგ თქვენის ნაყმევებისათვის ჩამოგერთოთ მიწები სრულიად.

და ეხლა კი ჩამორთმევა მაინც და მაინც არ შეიძლება.

ქვრივის მაზლი (წყრფათ). რა არის, ჩემო რძალო, პირში მომვარდები ხოლმე და ადამიანს სიტყვას არ მოაფიქრებინებ. აბა სადა გვაქვს ოთხას-ხუთასი ღლისა, რომ მოჰყვები ხოლმე.

ქვრივი. მერე ვინ ამბობს, რომ გვაქვსო? არც ხუთასისა იქნება და არც ოც-და-ათისა, ორივეს წილს მოგახსენებ. ხუ...თა...სი კი არა! ნეტავი იყოს და დაე ამ დასამიწებსაც ჰრგებოდათ.

პოსრედნიკი. მაგას მერეც გამოვიძიებთ. ეხლა კი თქვენ ის სამის ღლის მიწა თქვენს ნაყმევს ისევ უნდა დაუბრუნოთ.

ქვრივის მაზლი. რატომ? მიწა ხომ ჩემია. ასე არ ინება ყოვლად მოწყალე ხელმწიფემ?

პოსრედნიკი. დიად, თქვენია.

ქვრივის მაზლი. თუ ჩემია, მევე მამეცით; მინდა, რომ ჩემი იყოს. მე მინდა, ჩემი მიწა მევე მოვიხმარო. ხათაბალოა, შენია და შენი კი ნუ იქნებაო, ვაგონილა!

პოსრედნიკი. თქვენია, მაგრამ მთავრობამ გლეხის ნაჭერი მიწები ისევ გლეხს მისცა სახმარებლად, რომ თავის ცოლშვილი გამოკვებოს, ხელმწიფისა და მებატონის ხარჯს გაუძღვეს და თქვენ კი, იმის ნიშნად რომ მიწები თქვენია, დაწესებული გარდასახადი უნდა მოვართოს.

ქვრივის მაზლი. არ მესმის. ერთი ეს მიბძანე: მიწა ვისია?

პოსრედნიკი. მოგახსენებთ, მებატონისა-მეთქი.

ქვრივის მაზლი. თუ მებატონისაა, გლევს რა-
ლად აძლევთ? მაშ სახელი ჩემი ყოფილა და სახრა-
ვი კი იმისი. ჰო, ეხლა კი მივხვდი, რაღას მაწვა-
ლებ, შე დალოცვილო, აგრე მეტყოდი, რომ შე-
ნი არ არის-თქო.

პოსრედნიკი. (მოთმინებიდამ გამოსუფსავით). ერ-
თის სიტყვით, ის სამის დღის მიწა, რომელიც
თქვენ, თქვენისავე სიტყვით, ამ თებერვალში ჩამო-
ვირთმევიათ, გლევს უნდა დაუბრუნოთ.

ქვრივის მაზლი. მაშ ის მიწა სწორედ უნდა
დაუბრუნდეს?

პოსრედნიკი. ყოვლის უარის უთქმელადა და
თუ ჩამოსართმევია, თითონ კანონი ჩამოართმევს
თავის დროზედ.

ქვრივი. (თავის მაზლს). აკი გითხარ, დაბალი
ლობე გნახა-მეთქი. რატომ იმ გლევს კაცს არ დაუ-
ბრუნა ვენახი, თუ აგრეა?

ქვრივის მაზლი. მე, მგონია, კანონი დიდისა
და პატარისათვის ერთი უნდა იყოს. წელან იმ გლევს
უბძანე: რაკი ბატონს ვენახი ჩამოურთმევია, არა
გემველებ-რაო, — და ეხლა მე მიბრძანებ: რაკი ჩა-
მოვირთმევია, უნდა დაუბრუნოვო. ეს სადაური სა-
მართალია?

პოსრედნიკი. იქ სხვა გარემოება იყო და აქ
სხვა არის.

ქვრივის მაზლი. სულაც არა. იქაც ჩამორ-
თმევია და აქაც. იქ უფრო ძნელიც არის, რომ კაცს

გაშენებული ვენახი ჩამოართოს კაცმა და ჩემს კაცს კი ჩემს საკუთარს ცარიელს სახნავ მიწაზედ რა ოფლი დახარჯვია. არა, ჩემო რძალო?

ქვრივი. დიად, თქვენმა მზემ, თუ მართალია გინდათ, მართალიც ეგ არის.

პოსრედნიკი ეგ ხომ ავრეა, მაგრამ ის კი დავიწყდათ, რომ იქ უწინვე ყოფილა ჩამორთმეული, აქ კი გამოცხადების შემდეგ.

ქვრივის მაზლი. (თითქმის გაუხარდა). დიად, კარგი და პატიოსანი! ეგ კარგად ბძანე. მანდ დავდგეთ. მე ჯვარზედ და სახარებაზედ დავიფიცავ, რომ, როცა მე ის მიწა ჩამოვართვი, გამოცხადებული არ იყო ბატონ-ყმობის გადავარდნა. ჩვენკენ მაგის ჩამიჩუმიც არა ყოფილა.

პოსრედნიკი. გამოცხადება იყო 1864 წ. გიორგობის რვასა.

ქვრივის მაზლი. აი ქალაქში რომ გამოაცხადეს?

პოსრედნიკი. დიად.

ქვრივის მაზლი. მეც მაგას მოგახსენებ, რომ მაშინ მე იქ არა ვყოფილვარ, ეს ერთი შვილი მყავს—უკაცრაოდ, რომ თქვენთან ვიფიცავ—ის ერთად-ერთი შვილი არ მომიკვდება, მაშინ მე იქ არა გხლებივარ. აი თუნდა, კარგია მოწამეც აქვე მყავს, ჩემს რძალსა ჰკითხეთ. არა, ჩემო რძალო?

ქვრივი. დიად სწორე ბძანებაა. განა არა, მე კიდევ ვუთხარი: ჩემო მაზლო, წავიდეთ-მეთქი, წავიდეთ-მეთქი, ჩემო მაზლო! ჩვენც ყმები გვყავს,

ერთი შევიტყოთ, რა ამბავია-მეთქი. ახლა ხომ მოგეხსენებათ ჩვენი ქართველების ამბავი, დაზარდა, არ წამოვიდა. ბოლოს კი დახე, დედაკაცის ჭკვას რომ არ აპყვა, რა კარგად გამოვიდა, რაკი რომ გამოუცხადებდნენ, მიწას გლეხს ხომ ველარ წაართმევდა.

ქვრივის მამული. (თავმოშწანედ). მე კი არ ვიცი! კაცს შორმხედველობა უნდა ჰქონდეს!.. განა არა, ზედ გადამაკვდა ჩემი რძალი და მანც არ წავედი.

პოსრედნიკი. შესაძლოა, რომ იქ არ ჰყოფილიყავთ. მერე მაგით რაო?

ქვრივის მამული. ისა, რომ მე არ გამომცხადებია, მგონი ცხადია.

პოსრედნიკი. თქვენ გამოგცხადებიათ, თუ არ გამოგცხადებიათ, ეგ კანონისათვის სულ ერთია. მხოლოდ ამას მოგახსენებთ, რომ გიორგობის რვას, 1864 წ. აქედ არა მებატონეს ნება არა აქვს გლეხს ჩამოართოს რამე.

ქვრივის მამული. ეჰ, თქვე დალოცვილო, კანონი თქვენს ხელშია, და როგორც გინდათ, ისე ატრიალებთ.

ქვრივი. ოღონდაც, ოღონდაც!..

პოსრედნიკი. მე განაჩენს დაეწერ და, თუ უკანონობას რასმეს ჰხედავთ, ზედ დააწერეთ, რომ კმაყოფილი არა ხართ და მერე იჩივლეთ.

ქვრივი. ბევრს რასმეს ვხედავთ, მაგრამ გამგონი ვინ არის?

ქვრივის მაზლი. ეჰ შე დალოცვილო, სად ვიჩივლო? ასე გგონია შვილი უკოლა გამეთავებინოს, ჩემს გვარს ძლივ დავწერ ხოლმე. აძლევთ, მიეცით, ღმერთმა მშვიდობა მოგცეთ. (ქვრივს). შენ კი მიყავ ეს საქმე. ბებრუხანავ! მაშინვე კი მიმოწმა—ხუთასი ღლისაო. სადა გვაქვს ხუთასი ღლისა? აბა სადა გვაქვს?

ქვრივი. რაო, ბებრუხანაო! უი შენ თვალებს!.. აი კარგია, რომ მოწამე მყვანდა. (ზმსკედნივს). ჯერ ამან არა სთქვა, თქვენი ჭირიმე, ხუთასი ღლისაო (ზმსკედნივს სიცილი ზმსდის). არა, ნუ კი იცინით, სწორედ ბრძანეთ: ამან არა სთქვა? ამ ნიშნით, მე სიტყვა მოვუჭერი კიდევ: ნახევარი ჩემის ობლები-საა-მეთქი. მერე, როცა მაგანა სთქვა—სადა გვაქვს მაგდენიო, აკი მეცა ვთქვი—სადა გვაქვს-მეთქი. ესე არ იყო?

ქვრივის მაზლი. ესე იყო, თუ არ იყო, მე ვიცი შენი!.. (გაჭაფრებულად გადის).

ქვრივი. (წამხტება და კარებიდგან მისძახის) შენ იცი, მე ვიცი ყურებზედ ხახვს დამაჭრი, ბაიყუშის ბაიყუშო! (შემობრუნდება და ზმსკედნივს) საშინელი ცრუ რამ არის ეგ წყეულ-შეჩვენებული. არ გამო-მცხადებიაო! სტყუის, თქვენმა მზემ, გამოსცხადე-ბია კიდევ და ყველაფერი. მაგისაგან გლებ-კაცებს მოსვენება არა აქვთ. მე რომ თქვენი ვიყო, ციხე-ში ჩავასმევივინებდი, ერთი ბუნტი კაცია, ავის პი-

რის პატრონი. არ გამომცხადებიაო!.. თქვენც ლა-
მაზად მიუხვდით. მგონი, მე რომ განიშნეთ ტყლის-
მეთქი, მაშინ მიუხვდით. ვის ატყუებს? თქვენ გა-
ტყუებთ! აი ეგ მურტალი, ეგა!.. კარგად უყავით,
რომ გაამტყუნეთ. მაგისტანა კაცს ეგრე უნდა.
(დაბლა ხმით) ეგ, სწორედ მოგახსენო, ქურდიც
არის, საციმბიროა.

პოსრედნიკი. მაგას თავი დაანებეთ, თქვენ
თქვენი საჩივარი ბრძანეთ.

ქვრივი. (წამოდგება ფეხზედ სკამიდან და მწი-
წებით). ახლა მე მოგახსენო, ჩემო დიდებულო ხელ-
მწიფევ, ბრძენო და ბრძენთა ბრძენო, ქვრივ-ობრის
გამკითხავო, ობოლთა მწყალობელო, მაღალო და
სვიანო, უხვო და მდაბალო! ამ ორი კვირის წი-
ნად ჩემმა ნაყმევმა თავისი გომბიო გოგო გაათხო-
ვა, ერთ ვილაც ოხერს მისცა, ერთ თავისთანა მუ-
ტრუკს. მივუგზავნე ჩემი გოგო და შევუთვალე:
ახლა, ქალს რომ ათხოვებ, საჩექმეს არა ნაღვლობ-
მეთქი. ყურიც არ შეებღერტა. ახლა მე თითონ მი-
ვუვარდი და ვუთხარი: საჩექმეზედ რას ამბობ? წა-
დიო, საიღამაც მოთრეულხარ, იქავაო, სწორედ ამ
სიტყვით მიპასუხა, თქვენზედ მიწა არ მენახოს. აბა
ჩემი მაზლი ხომ არა ვარ ან იმისი გომბიო ცოლის
ამხანაგი, რომ ტყუილი მოგახსენო: სწორედ ეგრე
მითხრა. ეგ კიდევ არაფერი. შემოიყარა, ბატონო,
ჩემ წინ დოინჯი მუხრან-ბატონივით, ამიწია ჩემ
თვალ-წინ და დამიწია მხრები, ჩემ წინ, ჩემ წინ,
თქვენმა მზემ. აბა, თქვენი კირიმე, ეხლა რომ მა-

გაებს მეუბნება და მაგაებს სჩადის, მეფე ვახტანგის კანონებს და რჯულს არღვევს, მერე რაღასა იქს, როცა თავისუფლება, ღმერთმა კი ნუ დაასწროს, როცა თავისუფლება უფრო ძვლებში გაუჯდება. არა თქვენვე თქვენის მაღალ გონიერებითა ბძანეთ: მერე რაღასა იქს? მე რომ თქვენი ვიყო, აბა ჩემგან ჭკვა რად გესწავლებათ, მაგრამ მე რომ თქვენი ვიყო, იმას ერთი ლამაზად მივტყებდი რუსულის წყეპლითა, იმსაჩქემეს ერთი-ორად წავარაშვედი და მომიგდებდი მე საცოდავსა, ერთს ქვრივ-ოხერს, ობლების პატრონს. მაღლიც მაღლად ჩაგეთვლებოდათ და მეც ქვრივ-ოხერს მეფე ვახტანგისაგან დაწესებულს, დაბეჭდილს და დამტკიცებულს კუთვნილს მიბოძებდით და თქვენის გაჩენის დღეს მალოცვინებდით. იმას კი ერთ ლაზათიანად მივჯოხხავდი, რომ მეორედ აღარ გაებედნა, თორემ ერთი ბუნტი კაცია. ეგენი, ჩემო დიდებულო ხელმწიფევ, ღორის ტილივით არიან, ფეხზედ რომ დაისვათ, თავზედ აგაცოცდებიან. თქვენ მაგათ კარგად არ იცნობთ, ო თქვენმა მზემ. (ამ დროს შემოგა ამ ქვრივის ხაყუევი. ქვრივი დაინახავს თუ არა, სიტუვას გასწევეტს და გაკახასეხუევი შეუტევეს გლეხსა) რაო, რისთვის მოეთრივე, შე ძაღლის ნათრევო! აიდგით განა ენა! დამაცადე, თუ შენი ცოლი, ის გველის წიწილა, ძაღლებს არ ვათრევინო.

გლეხი. აი, შენი ჭირიმე, ამისათვის გიახელ. აღარა გვაქვს, ბატონო, ამისაგან მოსვენება. აქაო და ხელმწიფემ რად გაგანთავისუფლათო, ლამის

ლანძღვითა და თრევით მთელი სოფელი აჰყაროს. ხელმწიფემ გაგვანთავისუფლა, ჩვენი რა ბრალია!..

ქვრივი. მაშ ვისი ბრალია, მაშ ვისი ბრალია! (შასკედნიკს) სწორედ ამათი ბრალია, თქვენზე მიწა არ მენახოს! (გლეხს) არზა არზაზედ რომ გააქრელეთ და ჩუმ-ჩუმად სამართალში დაძვრებოდით — ბატონები აღარ გვინდაო, მითამ არ ვიცით, განა!.. აი შე წუწკის შვილო! რაო? მითამ ჩვენ წავედით და ვითხოვეთ: ყმები ჩამოგვართვითო! (შასკედნიკს) მე რომ თქვენი ვიყო, ამ სიცრუვისათვის ციმბირში დავაკარგვინებდი. დახე, ჩვენ გვაბრალებს, ქვეყნის ცოდვა ჩვენ უნდა დაგვადვას კისერზედ! ბუნტია, მა რა არის? ო, თქვენმა მზემ, ბუნტია!..

გლეხი (ხვეწნით შასკედნიკს) ერთი წამალი რამ დამდევს, აგრემც ღმერთი გადღეგრძელებდეს. ერთი ამას კი მომაშორეთ და, რაც გნებავდეთ, ის მიყავი. აჰის წყევლისა და ქოქვისაგან სოფელს კი ველარ უხეირნია და. წამოხტება დილით, გამოვა დერეფანში, ამვლელს და ჩამომვლელს სწყევლის და თან მისძახის ხოლმე: გიხარიანთ განაო, გიხარიანთ განაო! აი თქვე ასეთებო, აი თქვე ისეთებოო. მენა ხომ რაღა? დღე არ გავა, ცოლ-შვილი არ დამიწიოკოს. ერთი ღმერთი გადღეგრძელებდეს, გადამასახლეთ საითმე და ამ ჯოჯოხეთს კი მამარჩინეთ.

ქვრივი. (შეტევით) რაო? გადაგასახლონ? ვი-

ნა? ვის შეუძლიან შენ გადაგასახლოს? მაშ მეფე ერეკლეს ხსენება ქვეყანაზედ აღარა ყოფილა; მაშ იმისაგან ბოძებულს თორმეტ მეფეთ მეფის ბექდიანს ოქმსა ძალა აღარა ჰქონია. აბა იქა სწერიხარ, რომ შენ შენის შესავლითა და გასავლითა ჩემი ყურ-მოჭრილი ყმა ხარ. თუნდა რომ აქავ შუაზედ გასქდე, ვგრეა.

გლები. აღარა ვართ, ქალბატონო, თქვენი ყმები, არა და არა.

ქვრივი. უი, შე ძაღლის ნაშენო, იქ ჩემ სანახევში ჩაგარჩობ მურა ძაღლსავითა! (ზოსრედნიკს) არა, მოწყალეო ხელმწიფევე, თუ ეხლა ეგენი არიან ჩვენი ბატონები, ერთი გვიბძანეთ, თუ არა და, რაზედ მალანძღვინებთ, თქვე დალოცვილიშვილო, ამ დროულს დედაკაცს, პატიოსანის აზნაურიშვილის მეუღლესა. ამ ძაღლის ნაშენისაგან როგორ უნდა მეკადრებოდეს, რომ ეგ მეუბნებოდეს—თქვენი ყმა აღარა ვარო.

პოსრედნიკი. (გულზედ მასული) მე მაგ უშვერისა და ურიგო ლაპარაკისათვის თქვენ, თქვენო კეთილშობილებავ, ჯარიმად სამს მანეთს განდევინებთ და თუ კიდევ არ მოიშლით, სამართალში მიგცემთ. მოთმინებიდამ გამოგყვევართ.

ქვრივი (მართლა შეშკრთალი). რადა, ჩემო დიდებულო ხელმწიფევე, მე თქვენთვის ცუდი სიტყვა არ მომიხსენებია. მე ამ პირუტყვს ვეუბნები. ნუ ინებეთ გაჯავრება, ჩემო მალალო ხელმწიფევე! სამი

მანეთი არა ბძანეთ, აი იმ ჩემს გლეხს ერთი სამად საჩექმე წავართვათ, როგორც დალოცვილი მეფე ვახტანგის კანონი ბძანებს,—სამი მანეთი კი არა, ექვსი თქვენ ინებეთ, დანარჩენი მე მიბოძეთ. ღმერთმანი, კანონისა მორჩილი არა ვარ და! ეს გლეხი კი საშინელი მურტალი რამ არის. დახე, მე უნდა შეჩვილა და ამან არ დამასწროა.. საკვირველია, სად შეიტყობენ ხოლმე. ეს რაც ბატონ-ყმობის გადავარდნის ხმა ჩამოვარდა ქვეყანაზედ მეხად, ეს წუწკას შვილები სწორედ გულთ-მისნები შეიქნენ... იმ დღეს, აი დიდი წვიმები რომ გახლდა, —მიწურმა ბანმა ველარ დაიჭირა. გამოვედი გარედ—ეს ძაღლ. კინალამ არ წამცდა—ეს გველ-ხოკერა იქავ ჩემთან ახლო დგას, დაუძახე და ისე ტკბილად დედა-შვილურად ვუთხარი: შვილო გიორგი-მეთქი, (გლეხს) გაგიწყრეს წმინდა გიორგი, (შოსკედნიკს) შვილო გიორგი-მეთქი, თქვენზედ მიწა არ მენახოს, სწორედ ამ სიტყვით; შვილო გიორგი-მეთქი. ჩემო კარგო და პატიოსანო-მეთქი, თქვენმა მზემ, სწორედ ამ სიტყვით, ერთი მოდი და შენის ლამაზ-ლამაზ მადლიან თათებითა ნიჩაბი აიღე და ბანი დამიტკუნე, შენებურადა, მითამ მე დედა ვარ-მეთქი და შენ ჩემი შვილი-მეთქი, აგრემც ღმერთი ჩემ დროულად მოგყრის-მეთქი. სწორედ ამ სიტყვით, თქვენმა მზემ.

ახლა, რა არის-მეთქი! (ჩაფიქრდება და ალექსის სიტყვებს იგახებს და ვერ მოუგონია) ახლა, ბევრი რამ ისე ლამაზ-ლამაზი მარგალიტით სიტყვები ვუთხარი, ისე დედა-შვილურადა, როგორც მოგეხსენებათ ჩემი ამბავი—დაყვავებით და ლოლიობითა. მაგრამ რა? მგელს სახარება ფუნდა წაუკითხე, თუნდა არა. მომყო, ბატონო, პირი—აი ამოემსოს მაგას შავი მიწით პირი—მომყო, ბატონო, პირი, ასე გამხადა, ასე გამხადა, რომ რაღა მოგახსენოთ. რა ვიცი, რაები არ მაკადრა, თქვენზედ მიწა არ მენახოს. აბა ეგ მოსათმენია, მაგრამ, რაკი სახარებაში (გლეხს)—გაგიწყრეს იმის მადლი—(ხსრკენიკს) რაკი სახარებაში სწერია,—მოთმინებითა თქვენითა მოიპოვეთ სული თქვენიო, მეც მოვითმინე, ავიკარ პირი. აბა, ხომ მოგეხსენებათ დარბაისელი კეთილ-შობილის დედა-კაცის ამბავი, ჩემს თავს რად ვაკადრებდი, რომ მაგ ძაღლ... კიდევ კინაღამ არ წამომცდა—მაგ ორ-ფეხა მუტრუკს სიტყვით შევბმოდ. ავიკარი პირი. ეს კი ვუთხარი; კარგი, შვილო-მეთქი, ღმერთმა მშვიდობა მოგცეს-მეთქი—სწორედ ამ სიტყვით, თქვენმა მზემ, ღმერთმა მშვიდობა მოგცეს-მეთქი, გაუწყრეს მაგას ღმერთი. როგორც მოგეხსენებათ ჩემი ამბავი, ისე დედა-შვილურად ვუთხარი, მშვიდობიანად, მაგრამ რა? განა მაგათზედ

ტკბილი და გულ-მტკივნეული სიტყვა გასჭრის?!.
 ესე გახლდათ, ჩემო მოწყალე ხელმწიფე! ეხლა
 მე ვიცი, თქვენ ამ უბედურის შვილს დააქვინებთ,
 ციხეშიაც ჩასომთ, მაგრამ ამას კი გეხვეწებით —
 ბევრს ნუ აცემინებთ აზიზადა მყავს გაზდილი, მა-
 გას—ერთი ორმოც სამოციოდე რუსის წკებლა ქი-
 რადაც და ლხინადაც თავ-საყრელად ეყოფა. რა
 ვქნა? ჩემი გაზდილია, მაინც მებრალება, გცხოვეთ
 უმორჩილესად, მაგაზედ მეტს კი ნუ დააკვრევი-
 ნებთ. რაც უნდა იყოს მე ეგენი, ვგ გველის წი-
 წილები მაინც ჩუმად მეგულებიან, შვილებსავით
 დაგვიზღია, დიდი სიბრალული მაქვს. ბევრს ნუ
 აცემინებთ. თუ სამოცი გეცოტავოთ, ერთი ოცი-
 ოდე კიდევ მოუმატეთ, არა უშავს-რა. მაგაზედ მეტს
 კი... აი მუხლ-მოდრეკითა გთხოვ—ნუ გადააქარ-
 ბებთ. ეს კია, რომ რუსს უნდა დააკვრევინოთ რო-
 ზგები, თორემ ქართველი, ხომ მოგეხსენებათ, მაგი-
 სთანებში ქალაჩუნა არის, ისე ვერ დაჰკრავს, რო-
 გორც ზაკონი და კანონია. ამასაც, თქვენმა მზემ,
 მაგისტვის ვამბობ, თორემ ცემა ცემად ჩაეთვლება
 და ვგ კი ისევ ისე ვირად დარჩება. კიდევ მეორე-
 დაც გაბედავს და იტყვის: დაე მცემონო, ხომ არ
 მეტკინებაო. და ეგრე გული წაუხდება და მაგის
 წახდენა მე არ მინდა, შვილივით გამიზღია; ჩემი.

ამაგი ფუჟად ჩაივლის. ახლა, არ იქნება, რომ კი-
დევ ჩვენ მებატონეებმა არ ვიფიქროთ მაგათთვისა.
მაგათ ხომ ღმერთმა თავისი ჭკვა არ მისცათ. (გლეხს)
აი, დაგიდგა ეგ თვალი, ხომ ყელს გვაქრევენებთ
ჩვენა, მაგრამ ჩვენ კიდევაც იმოდენა გულის ტკი-
ვილი გვაქვს თქვენი, რომ ჩვენს ზრუნვასა და
ცდას მაინც და მაინც არ გაკლებთ. (პოსრენიკს)
ეგრე თქვენს თავს ვენაცვალე, ოთხმოცი იყოს, მე-
ტი კი არა.

71

Handwritten signatures and notes in the bottom left corner, including the number 71.

947.922

6 394